
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation


Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.


À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>






Tilman
P. o. h. sp. 202



**BIBLIOTHECA
REGIA
MONACENSIS.**



4172

<36613064040019

<36613064040019

Bayer. Staatsbibliothek

Philos. Anthropol. Ser. part. 13th.

Lit. eleg. Hispan.

Turneda. p.

LA DISPUTATION
de l'Asne contre frere Anselme Tur-
meda, sur la nature & noblesse des
animaux, faite & ordonnée par
ledit frere Anselme en
la cité de Thunics.
l'An 1417.



En laquelle ledit frere Anselme preune comme les
ensans de nostre pere Adam sont de plus grande no
blesse & dignité, que ne sont tous les autres animaux
du môde, & par plusieurs & viues preuues & raisons.
Traduiſte de vulgaire Heſpaignol en lãgue Frãcoyſe.

A Lyon, Chez Iauue Iaquí.
en rue Thomassin.



G. L. A T O V S

Bayerische
Staatsbibliothek
München Google

G. L. A T O V S S E S

Fideles amis, Salut & paix
par nostre Seigneur
Iesus Christ.

A Mis tresfideles, Auāt que le
present œuure feut par moy
reduict, & que l'eussies de
tout veu & examiné, & ap̃s
vous auoir ces iours passez cōmun-
qué certaines raisons cōtenues en ice-
luy, y prinstes tel plaisir, q̃ me priaistes
faire diligence de le reduire en nostre
langue Francoysse, cōme chose autāt
ou plus digne d'estre mise en lumiere
que plusieurs autres, que pour le iour
d'huuy un tas de refuseurs sophistiques
mettēt en auant. Combien que, com-
me sauez, ce ne soit mon art de me ap-
pliquer à telles choses. Et mesmemēt
pour n'en auoir iamais faict professiō
tant pour la rudesse de mō esperit, q̃

pour ma mauuaife veine de traduire,
et aufsi q̄ ce n'est ma vocatiō, toutes-
fois me cōfiant de uoz debōnairetez
accouftumées & antiēnes protestati
ons que pour l'amytiē mutuelle q̄ est
entre uous & moy corrigerez douce
ment par fociale & fraternelle corre
ctiō le language rural dōt ie vſe com
munēmēt, tant par parolles, que par
eſcrit, cōme choſe à moy ppre, pour
y eſtre enclin des mon enfance & na
tiuité, ay bien uoulu obtēperer à vo
ſtre requēſte, cōme celuy qui ayme
myeux encourir & tōber au iugemēt
temeraire de pluſieurs calumniateurs
que de differer a uous complaire. Or
qu'ilz calūnient tāt qu'ilz uoudrōt,
car faiſant lecture plus ample du li
ure, cognoiſſant les diuines & ſubti
les reſpōſes d'un Aſne dōt il fait mē
tion, duquel cōbien qu'il ſoit animal
irraiſonnable, ie ſuis quelque peu pa

rent & allié, à cause de l'affinité du nō
emprunté, ay prins courage en moy-
mesme, estimāt puis que le temps est
uenu qu'il plait à Dieu illuminer, en-
seigner & faire parler les asnes & be-
stes qui lōg temps auoiēt esté muetz
& sans parler, que ie ne demeureray
derriere: sans pour le moins, si c'est
son plaisir receuoir quelque scintil-
le de sa grace. Receuez doncques
treschers amis les premices de ce miē
labueur traduit, & excusez les fautes
y cōtenues ainsi que le bon & vertu-
eux pedagogue excuse sagement ses
ieunes disciples nō estans encores ac-
coustumez ny exercez à l'estude &
lecon, ioinct que, cōme il vous est no-
toire, pour la briefueté du tēps q m'a
pressé à cause du uoyage que sauez
qu'il me faut faire (du q̄l ne say quād
sera le retour) ne voulant toutesfois
pour l'amour de uous laisser l'œuure

A 2

de uous tant desirée imparfaicte, n'ay
eu le loysir & opportunité d'aorner,
& corriger le style & lāguage selō mō
desir, & q̄ la matiere bien le requiert
(de quoy ie me remets à uous) aussi
que l'original du liure est fort antien
comme pourrez ueoir, tant en manie
re de parler, sentences, que circonlo
cutions, lesquelles i'ay obseruées en
aucuns endroicts: pour suiure l'inten
tion du premier autheur au plus pres
que possible m'a esté, sans toutesfoys
me astraindre par trop à obseruer la
signification & prolixité de plusieurs
motz, lesquels seroient superflus, &
ne sonneroiēt bien en nostre langue
naturelle. Aussi que ledict liure est
escrit en uraye langue Cathalaine qui
est fort barbare, estrange, & esloi
gnée du uray langage Castillain: par
moy quelque peu practiqué.

Par quoy ne uous arresterez tant au
sty

style foyble & peu autentique , toutesfois assez familier , q̄ aux raisons contenues & entendues soubz plusieurs propos q̄ trouuerez nō moins industrieux & doctes, que facetieux & recreatifz. Et si uous lisez avecq̄s bon iugement, uous orrez parler un Asne, lequel n'a riens moins de l'asne q̄ la nature: car il semble estre un Cy priā, Chrysostome, ou docteur subtil en theologie: un Platon, Aristote, ou Socrates en philosophie: un Albumasar en astrologie: un Ypocrates en physique. un Pline, ou un Albert le grād en histoire naturelle & explanatiō de la nature des animaux: arbres, & herbes: un Cicero ou Senecque en oraison: un uray logicien en dispute subtile, & sophistique . Brief ie ne puis croire qu'il ne soit issu de la race de l'asnesse sur laquelle Balaā estoit mōté, & qui parla à luy, lors qu'il alloit

A 3

pour cuyder maudire le peuple, & enfans d'Israël en la terre Moabite & Madiane, à l'instigation du Roy Balac. Vous y uerrez myeux paincte, q̃ en un miroir l'infirmité, imbecillité & impuissance de l'hōme, lequel à bon droict est nōmé par les Philosophes animal raisonnable. Cōme ainsi soit qu'il ne differe en riens des animaux irraisonnables, & bestes brutes, sinō en tāt q̃ son ame intellectiue est crée à l'image & semblance de Dieu tout puissant, & q̃ nostre sauueur & redēpteur Iesus Christ filz de Dieu eternal a prins & uestu le corps de nostre humanité, & infirme nature se faisant en toutes choses semblable nous, en durāt en son corps humain toutes les tentations, tribulations, peines & traualx q̃ souffre un autre hōme, hors mis le peché, & en fin est mort, & a espādu son precieus sang en l'arbre
pour

de la croix pour effacer noz pechez,
& est reſſuſcit   pour noſtre iuſtifica-
tion. Et ainſi nous a lauez, purgez &
nettoyez de tout pech   & orduſe,   
fin qu'en ſuyuant ſes pas nous ſoy  s
enfans adoptifz de Dieu noſtre pere
& coheritiers du royaume celeſte a-
uec Jeſus Chriſt ſon filz unique & le
gitime, qui eſt la concluſion de la pre-
ſente diſpute, en laquelle trouuerrez
quelq   fois aucunes matieres ridicu-
les, leſq  lles neantmoins ne ſont ſans
intelligence & edification. Auſſi    la
fin uerrez une p  phetie faicte par le-
dit Aſne, avec l'expoſition d'icelle,
en laquelle ne me ſuis trop arreſt  
pour la reduire en uraye ryme, pour
ce que pour le long temps qu'il y a
q  lle eſt faicte i'eſtime toutes les cho-
ſes y c  tenues eſtre paſſ  es, ſoit qu'el-
les ſoient aduenues ou non. Et    t  t
feray fin; car frere Anſelme ueut c  -

A 4

mencer a parler & entrer en dispute.
Priant celuy qui a donné sçavoir &
science à l'asne pour luy respondre,
soustenant l'innocence des animaux
qu'il luy plaise me dōner grace de re-
sister aux calumniateurs de uerité, &
que le present œuure, & toutes au-
tres choses soient à son hōneur, gloi-
re & louāge. et à uous treschers amis
ce que ie fay que iournallement desi-
rez en Iesus Christ nostre Seigneur.
Amen. De Lyon ce premier iour de
May, mil cinq cens quarante quatre.

ENV TROF. ENSAL.

Lisez, & puis iugez.

Frere Anselme parle.

VOyant le monde à tous maux incité,
Et que chascun uis en lasciuité
Me sembla bon uous narrer l'auenture,
Qu'un iour m'aduint estant sur la verdure,
Et cognoistrez par la mieme dispute,
Que l'homme uain est moins que beste brute.
Simon en tant que la diuinité
A prins habit de nostre infirmité.

Inuocant donc le haut seigneur de gloire,
Veux commencer à uous compter l'hystorye.
Ces iours passez ne uoulant estre oyseux,
Combien qu'adonc le temps fust ennuyeux,
Lors que Phebus du uentre du Lyon
Faisoit brusler d'hommes un million,
Vn bien matin au ioly temps d'esté
De ma maison sortir fuz incité,
Que Diana la, Deesse immortelle
Monstroit encor sa face claire & belle,
Cheuauchant doncques, cherchât les lieux plus frais
Ie me trouuay d'un iardin assez pres,
Dedans lequel auoit infiny nombre
De toutes fleurs, & fruitz pour seruir d'ombre.
Là decontoit une claire fontaine,

Qui doucement murmuroit en la plaine.
Dessus laquelle le Rosignol gentil
Chantoit un chant fort plaisant & subtil,
Bref ie pensoys à contempler ceste estre
Que pour certain fut paradis terrestre
Ou pour le moins le iardin sumptueux
Des hesperides tant beau & fructueux
Voyant le lieu si noble & excellent
De le bien ueoir euz merueilleux talent,
Lors sur les fleurs m'assis dessoubz l'umbrage
Pour myeux iuger ce tresdiuin ouurage,
Mais contemplant ce lieu tant magnifique
Incontinent à sommeiller m'applique,
Et en dormant me sembloit uivement,
Qu'en uision uoyoyz parfaictement
Faire seiour en ces grans lieux & beaux
De tout le monde les brutaux animaux.

La triumphoient les tresfors Elephantz,
Tygres, Lyons, Leopards trespouissantz,
Cheuaux, Muletz, Asnes & Dramadaires,
Accompaignez de Chameaux & Pantheres,
Ours & Dragons, Cerfs, biches, & Sangliers.
Cheureux, & Daims, & Biches à milliers,
Vaches & Boeufs, aigneaux, brebis, Moutons,
Loups & Renards, qui craignent les bastons,

Chiens, Chatz & Ratz, Soriz, & Escurieux,
Et dix mille autres, que nommer ie ne ueux,
Car de tous lieux estoient uenez à l'ayde
Chascune beste qu'on nomme quadrupede.
Après ie uey des oyseaux si grand nombre,
Que l'un à l'autre faisoit prime & encombre.
Griffons, Mylans, Aigles Faucons, Voutours,
Esmerillons, Esperuiers & Butours.
Houstarde, Grues, Herons, Cimes, Paons,
Perdrix, Becasser, Connilz, Plonions, Chappas,
Cy sont poullietz, Poules, Ramiers, Faisans,
Cocus, Corneilles, & Corbeaux mal faisans.
Griues, Pigeons, Marles, & Alouettes,
Chardonneretz, Lynottes ioliettes.
Verdiers, Mauuis, Sansonnetz, Tourterelles,
Gays, Papegays, Estourneaux, Arondelles,
Et si grand nombre de toute uollatille
Qu'il n'en failloit un seul de leur famille.
Guespes, Cygales, Mousches, & Sauterelles,
Mouchons, Portais, mouschettes, & Abeilles,
Verns, Araignes, Lyman, & fornaions,
punaïses, Pulces, Poux, Lentes, & Cyrons.
Tous animaux en effect y estoient,
Fors les poyssons, qui en la mer nageoient.

F I N.

LE PROLOGVE

déclarant la cause de l'assém-
blée de tant d'animaux.

A cause & occasiō de l'assém-
blée de tant d'animaux estoit
pource que leur Roy n'ague-
res estoit mort: lequel auoit
esté un noble Lyon, fort sage, de grād
iustice, & tresuaillant & hardy de sa p-
sonne. Et pour les susdites bontez &
uertuz, qui estoient en luy, lesditz ani-
maux tous en general, & chascū d'eux
en especial auoient esté tant cōtens de
son regne, & luy uouloient tāt de bien
& ensemble luy portoient telle amour
que chascun d'eux eut uoulu qu'un de
ses enfans feut mort en son lieu. Et en-
core auoient plus grand desplaisir, &
melācolie que iceluy Roy estoit mort
sans hoirs de son corps, & quil n'auoit
laisse filz ne fille, Et pour la grande &
souu

souueraine amytié quilz auoient porte
audit Roy. s'estoient tous assembléz
pour eslire à Roy aucun de ses parés,
& ce par le consentement de tous les
ditz animaux.

Icy commence à parler un des con-
seillers dudit Roy, lequel estoit un
beau & grand cheual.

Lors se leua un gentil cheual lequel
auoit nō le cheual bayard q estoit
un des cōseillers, lequel estoit fort sa-
ge & expérimenté & bien emparlé. Et
parlant fort hautement avec belle elo-
quence dist les parolles suyuanes se
complaignant de son seigneur.

La plainte que fait le Cheual pour
son seigneur.



O Cruelle mort, o fortune amere,
nostre ioye est perdue, puis que
nous a rauy celuy qui estoit guide de
no^s autres poures desolez, & qui no^s
estoit comme pere. Iamais mort de fre
re ou sœur ne nous sera tant griefue, q^e
de cestuy nostre bon Roy, qui si bien
nous gouuernoit. Pleust à Dieu que
ie mourusse aujourdhuy pour mō sei
gneur, & il fut uif en face mon cœur
pour son amour de mon corps se de
sempare. Je croy que ie mourray par
grād melancolye: desormais me feroit
la mort plaisir & fin de tous maux. ce
la est chose claire Je prie à Dieu (qui
tous les biens prépare) quil le ueulle
reduyre en la haute Ierarchie. luy par
donnât sil a commis folie. Qui biē luy
ueut quil chante Amen à uoix claire.
Après ces parolles lefditz animaux
crians tous d'une uoix, dirent: Amen.
Dieu luy pardonne par sa grande mē
seri

sericorde & pitié.

Ledit Cheual parle aux autres animaux.

L Ors ledit cheual appelé le cheual bayard aux courtes aureilles parlant dist les parolles suyuañtes: Très excellens & nobles seigneurs ainsi que myeux que moy fauez Dieu tout puissant à ordonne que tout corps ayant ame apres le terme par luy ordōné ayt une foys à mourir, & la mort n'est autre chose sinon le departemēt que fait lame du corps sen allāt au lieu dou elle est uenue. Et le corps apres tel departement se resoult & retourne aux choses desquelles il à esté composé: Ace conformant le dit du grand philosophe Aristote, qui dit: que toutes choses retournēt & se resoulent es choses desquelles elles ont esté cōposées. Et ceste diuine ordonnance à este accomplie en nostre sire le Roy. auquel dieu
a 3 pard

pardonne, & à nous autres par sa mise
ricorde donne tant de sens & de discre
tion que moyennât sa grace puissions
eslire un autre Roy nouveau leq̃l soit
nostre protecteur et nostre deffenseur.
Et pourtant tresuenerables seigneurs
au un chascū de uo^r autres declare &
dic à present son intention donnant sa
uoix a un des excellens & puissans sei
gneurs parens & alliez dudit Roy no
stresire & à celuy qui semble myeux le
meriter. Et cela dit il s'ē retourna scōir
Icy parlent tous les animaux
d'un accord.

LEs parolles dudit cōseillier ouyes,
L'apres plusieurs arraisonnemēs to^t
les animaux d'un accord dōnerēt leur
uox pour faire ladite electiō à un des
principaux cōseilliers dudit Roy dece
dé, appelle le cheual blanc à la selle do
rée, lequel estoit fort sage & discret, &
fort bien estimé de tous les animaux,
uoul.

uoulans tous d'un accord que celui q
ledit cheual blâc esliroit pour Roy &
seigneur, cestuy la fust leur Roy & na-
turel seigneur, & que à celui q à ce cō-
treferoit, incōtinent & sans misericor-
de la teste luy feut trenchée. Et apres q
d'un commun accord tous donnerent
leur consentemēt, ledit cheual blanc à
la selle dorée se leuant sur pied dit les
parolles suruantes.

Icy ce traicte de l'election du Roy
des animaux.

TReshonorables & discretz sei-
gneurs, cōbien q mō petit & foy-
ble entendemēt ne soit suffisant à met-
tre a exequutiō un tāt haut & tāt grād
fait, cōme d'eslire un Roy pour nostre
protecteur & defenseur. Toutesfoys
puis qu'il plaist à uoz grandz nobles-
ses & sagesse que un tel & si grād fait
soit par moy determiné, & finalement
accōply. Je donc à present au nom de
dieu

dieu tout puissant, esly, ordonne & cō
firme pour nostre roy & souuerain sei
gneur le Lyon roux à la longue queue
filz du cousin germain dudit feu Roy
nostre sire. Et celuy la ie tiens pour no
stre uray seigneur & deffenseur pēdāt
sa vie. Ces parolles dites, uoycy les ani
maux, lesquels tous à une uoix cryātz
fort hautement dirent, & accorderent,
q̄ ceste election leur plaisoit, & qu'ilz
estoiēt trescontēns: car dignement &
par raison le meritoit.

De la feste que feirent les animaux pour leur nouveau Roy.



ET cela fait,uoicy les animaux les-
quelz avec grand plaisir & soulas
cōmencent les uns à dancer,& chāter,
les autres à sauter, les autres à luitier,
les autres à getter la pierre,ou la barre
chascun selon leur maniere,&cōditiō.
Et se faisoiet toutes ces choses deuāt le
dit roy nouveau. Alors pour les haux
chātz,bruit,tumulte & rabutemēt glz

faisoyent moy qui dormoye me esueil
lay & estant esueillé estoie aussi eston
né q̄ si ie eusse esté hors de moy mes-
me, & ouy les parolles suyuanes.

Le Connil parle.

T Reshault & puissant seigneur ce-
luy filz d'Adā qui est assis soubz
cest arbre est de nation Cathalaine &
nay de la cite de Mallorques & a nom
frere Anselme turmeda lequel est hō-
me fort sauant en toute science & plus
que assez en astrologie & est official
en la doyne de Thunicz pour le grād
& noble Mālebufret Roy et seigneur
entre les filz d'Adā et est grād elcuyer
dudit Roy. Le Roy dit au Connil.

C Onnil (dit le Roy) comme says tu
cainsi biē son nō & tout son estat.
Seigneur dit le Connil pource q̄ moy
& plusieurs autres de mes parēs auōs
esté lōg tēps les captifz. Le Roy dit: Il
no^u plaist fort de sauoir cōe toy & tes
parēs fustes captifz & fustes mis en fō

pouuoit.

Le Connil dit au Roy
Seigneur (dit le Connil au Roy) ie
sfuz nay en lisle de sardaigne et estât
à lêtour du chasteu de caller dedâs une
isle q̄ est au millieu de lestâg dudit cha
steau appelée lisle de bocel aduint en
ce tēps q̄ le gouuerneur dudit chasteau
nōme monsieur Allart de mur uoulât
aller au couronnement du Roy d'Arra
gō donz Fernâde qui lors auoit eu la
seigneurie dudit Royaume mōtant en
une nef pour aller en Cathaloigne par
force & contrainte de temps arriua au
port de Thunicz & ne uoulât descen
dre en terre enuoya un sien seruiteur
pour acheter refreschissementz & ui
ctuailes. Et incōtinēt q̄ ledit seruiteur
fut arriué a la doyne de Thunicz fut re
cité audit frere Anselme comme ledit
gouuerneur estoit la arriué par fortu
ne & cōtrainte du tēps & q̄ luy deffail
lât uictuaile il auoit enuoyé pour ache
ter

ter ce q estoit necessaire a ses gēs pour
se reffreschir. Et ainsi ap̄s q frere Ansel
me eut ouy le rapport du seruiteur du
gouuerneur luy ayant prins plusieurs
uictuailles dit au seruiteur, prēs ces ui
ctualles & les portes a ton seigneur le
saluāt de par moy, Et luy dy q ie le sup
plie quil ueulle accepter cestuy petit
seruice de moy son hūble seruiteur fre
re Anselme: & luy rend ses deniers, &
sil a affaire dautre chose quil me le mā
de & q de tout ce quil uoudra il sera
seruy. Lors ledit seruiteur montant en
la nef feit le rapport a son seigneur de
tout ce q par frere Anselme luy auoit
estē dit & luy rēdit ses deniers. de laq̄l
le chose le gouuerneur eut souuerain
plaisir & ioye & incōtinēt luy escriuit
une lettre luy remerciant les graces &
honneftetez du seruice qui luy auoit
transmis. Et enuoya ce sans quil y eut
entre eux aucune cognoissance.

Du

Du present que enuoya ledict gou-
uerneur à frere Anselme.

A Pres q̄ ledit Gouverneur fut re-
tourne du courōnemēt il ēuoya à
frere Anselme en une nauire q̄ uenoit
en Thunis un present de plusieurs gē-
tilles choses, entre lesquelles ie fuz en-
uoyé avec. xxiiij. miens parens dedans
une belle cage de boys. Et apres auoir
receu le present par le frere, il nous fit
mettre en un sien iardin, dedās lequel
demeurasmes prisonniers certain tēps
iusques à ce que moy avec mesdits pa-
rens fouismes tāt soubz terre, que per-
casmes le fondemēt de la platte forme
& sortismes de lautre part, & en ceste
sorte eschappasmes. Voyla treshaut &
puissant prince & seigneur cōe ie say
qu'il est & cōe il a nom, & son estat.

Le Roy demāde au conil si frere an-
selme est celuy qu'on luy auoit dit
qui preschoit cōtre les animaux.

b

LE Roy aĩs auoir ouy le Conil, luy
dit: dis moy Conil est ce cestuy fre
re Anselme qui se fait tāt sauāt? & est
tāt outrecuydé qu'il dit & presche, &
tiēt par opinion que les filz d'Adam
sont plus nobles & excellēs, & de pl⁹
grande dignité, que nous autres ani
maux ne sōmes? & biē d'auātage ain
si qu'ay ouy dire: il dit & afferme que
nous autres n'auons esté créez, si
non pour leurs seruices, & qu'ilz sont
noz seigneurs, & nous autres leurs uas
saulx, & dit plusieurs autres fantasies &
mocqueries, & presche cōtre nous sās
donner aucunes preuues ou raisons iu
stes. Et les autres filz d'Adā luy don
nent foy, & croiēt fermemēt ce q^l dit
contre nous estre uerité. Le Conil ré
spond au roy, & dit. Seigneur c'est ce
luy qui dit tout ce qu'on uous a don
né a entendre, & plus cent foys luy ay
ouy dire de mes ppres aureilles, moy
estant

estant en son pouuoir.

Le Roy parle à ses barōs & seruiteurs.

Cela dit par le Conil voyci le Roy
lequel se tourna à ses grans barōs
& seruiteurs qui estoient entour luy, &
leur dit: Que vous semble à vo^r autres
de ceste beste de frere Anselme, & de
sa mocquerie & folie: Alors tous les
dits Barons & seruiteurs dudit Roy
dun accord luy respōdirēt disans: Sei
gneur ce qu'il dit & presche cōtre no^r
ou c'est par grād folie & rudesse d'en
tēdement: ou c'est par grād outrecuy
dance & hastiueté qu'il doit auoir: tou
tesfois seigneur, ainsi que m'y eux sa
uez, plusieurs fois on dit mal, & si
porte on faux tesmoignage contre
quelquun, qui neantmoins est inno
cent & non coupable. Et pourtant il
nous semble (si uous seigneur estes
content) que presentemet il soit man
dé deuant vostre royalle presence, &

haute seigneurie & luy soit demandé
desdits articles, & se il dit & accorde
estreverité tout ce que de luy a esté dit
alors luy soit demadée la preuue : car
cōe disent les Logiciēs: quand l'hōme
ueut prouuer aucune chose, il ne suffit
pas de dire: il est ainsi, mais no^o croiōs
qu'il doit donner q̄lque fois la preu-
ue pour prouuer estre uray ce qu'il dit
de nous. Il ya en uostre royalle & no-
ble court plusieurs subtilz & ingeni-
eux animaux lesquelz disputeront tāt
contre luy qu'ilz luy feront ueoir les
estoilles de iour, & luy feront croire
que uesties sont lanternes. Et ce pour
le grād & subtil sauoir, qui est en eux.

Le Roy enuoye un sien portier
pour querir frere Anselme.

A Pres q̄ le Roy eut ouy leur respō
ce il demoura trescontēt, & incon-
tin.

tinent enuoya pour me querir un des
principaux portiers de sa court appel
le par son nom le faux Renard aux iā-
bes tortues, lequel estant arriué vers
moy apres les salutations mutuelles
me dit les parolles suyuanes.

FRere Anselme, pour la uostre eloquence
Huy recepurez plaisir, ou uillenie,
Parler uous ueux en toute courtoysie,
Parquoy donnez à mon parler creance.

Quand uous uerrez la Royalle presence
De mon seigneur, qui à uous m'a mandé,
Soyez tout prest parler sans capharder,
Et dites uray deuant son assistance.

Le Seigneur Roy ueult huy par audience
Sauoir de uous. si ceste grand folie
Est uerité. ou pure menterie

Que uous preschez en si belle eloquence.

Disant que Dieu par supreme puissance
Aux filz d'Adam a donné seigneurie
Par dessus nous en la presente uie,
Si ainsi est uous nous faites offense.

Venez uous en par deuant l'excellence

De nostre Roy & de sa seigneurie,

Si ne le faites i'ay royalle baillie.

Pour uous mener par force, & à oultrance.

Frere Anselme dit au Renard.

INcontinent ayant ouy les parolles
du renard, & uoyant que si ie nestois
obeissant à son commandement le ieu
pouuoit mal aller pour moy: dauātage
qu'estoistout seul entre tāt d'animaux
lesquelz estoient tous corroucez cōtre
moy: ie pēsay en moymesme que meil
leur & plus sage conseil estoit à moy
d'aller, que de contester: par quoy luy
respondant dy les parolles suiuiātes:

VAillant portier de la court leonine
Tresuoulientiers ie seray le uoyage

Car pour certain sera mon auantage

De publier la mienne uraye doctrine.

En est à dire que la uertu diuine

Donne pouuoir à tout l'humain lignage

Aux animaux faire bien, ou oultrage

Ainsi qu'estans soubz sa puissance insigne.

Le mien aller sera à tous ruine,

Le

*Le mien parler trouueront fort sauuaige
Auant partir pour le mien auantage
De uostre Roy ueux sauſconduyt & ſigne.*

MA responce ouye, & voyant que
ie uouloye auoir sauſconduyt,
& ſeurté, il ſe partit de moy ſoubdaine
ment, & ne tarda pas demye heure que
incontinent fut retourne à moy, auec
le ſauſconduit, lequel fut treſſuffiſam-
ment expedie ainſi cōme ie vouloye &
demandoye.

Cōmēt frere Anſelme ua deuāt le roy

AYant receu le ſauſconduyt, ie me
pars auecq ledit portier : & eſtāt
arriué deuāt la royalle puiſſance dudit
roy des animaux: ie luy fey la reuerēce
telle que à tout prince & ſeigneur ap-
partient. Et incōtinēt que les animaux
me veirēt, ilz ſ'aſſemhlerēt tous à len-
tour du roy, penſans qu'il dōnaſt con-
tre moy quelque cruelle ſeniēce, mais
ledit roy cōme celuy qui eſtoit fort ſa-

ge, discret & de grand iustice, incontinent qu'il me veit me fait passer auant, & me fit seoir entre les principaux barons de la court: & ainsi cōme celuy q estoit moult entendu & ingenieux pensant à soy que pour crainte de luy, ou pour uergoigne de tāt d'animaux qui estoient là p̄sens ne peusse, ou feusse respōdre aux articles desq̄lz me seroit demandé, me monstra grād amour & avec bon, ioyeux, & riant uisage me cōmēca à demāder de plusieurs choses ne touchant point a propos, ainsi comme est l'usage et coustume de tout noble roy ou seigneur: Afin que en m'acoustumant de parler avec luy & avec les autres grans barons fusse plus hardy à respondre à ce de quoy serois interrogé. De laquelle chose euz en mō cœur souuerain plaisir & ioye: & rēdy louange à Dieu qui m'auoit gardé & deliuré de si grand bruit & tempeste, qui

qui auoit esté à mon arriuée: & cōmen
cay à recouurer courage: car toute la
p̄miere paour me fut palsée. Et apres
plusieurs raisonnemens ainsi cōme ie
uous ay dit: uoicy le roy leq̄l en basses
& courtoises parolles me dit:

Le roy des aiaux dit à frere anselme
FRere Anselme, il eist paruenue à n̄re
royalle notice, vne certaine uoix, q̄
uous dites publiquemēt, & soustenez
p̄schez & affermez q̄ uous autres filz
de Adam estes plus nobles & de plus
grande dignitè, que ne sommes entre
no⁹ animaux. Et d'auātage qui est pis
dites & croyez fermement, & en pre-
schāt commādez qu'il soit creu q̄ dieu
tout puissant n'a crée nous autres sinō
pour vostre seruice. Et que uous estes
par raison noz seigneurs, & nous au-
tres uoz uassaux par droit. Et cela est
chose que nous ne croyōs point, ny ne
pouuons p̄ser qu'une si grande folie
ny

une si grande uilenie soit procedee d'une si haute science & prudence come est la vostre: & croyõs que telle renommee ne soit diuulguee de uous, sinon par quelqu'un qui uous soit ennemy, ou mal ueuilant, qui a uoulu obscurcir vre bonne & honorable renommee. Et pourtãt uous prions maintenant que nous assurez sur ce doubte. Et cecy est la principale raison pour laquelle nous uous auons fait uenir deuant nostre royale presence.

La responce de frere Anselme.

A Pres que ie euz ouy les courtoises parolles du roy ie luy respondy ainsi. Treshaut & puissant prince & seigneur: sache vostre royale hautesse q̃ tout ce q̃ uo⁹ a este dit de moy est uerite: & me cõfiãt à present de vostre grand iustice: & sachant qu'estes tel seigneur & de si grande fermeté, q̃ iamais amour ne hayne ne uous pourroit

roit faire sortir de la droite uoye: ny ia
mais ne pcederez à faire aucun cas sãs
raison: par quoy ueux que sachez que
ie croy fermemēt & p̃sche q̃ nous au-
tres filz d'Adã sōmes pl⁹ nobles. & de
plus grande dignitē que n'estes vo⁹ au-
tres animaux: & ne uous soit grief sei-
gneur, car iē l'entens prouuer par ui-
ues raisons s'il plaīt à uostre haute sei-
gneurie me donner en cela audience.
Vous suppliant ne uouloir faire cōtre
moy aucūe chose avec fureur, ou cour-
roux: mais q̃l vo⁹ plaise les laisser der-
riere, & mettre raisō & iustice en auāt
car le grād sage Caton dit: que l'ire em-
pesche l'entēdement en sorte qu'il ne
peut discerner la ueritē. Et si ie ne preu-
ue mon opinion estre vraye alors fai-
tes faire de moy tout ainsi qu'à uostre
haute seigneurie plaira.

Cōmēt tous les animaux se leuerēt
avec grand bruyt cōtre ledit frere.

A Peine euz ie acheuè ma raison , q̃
tous les animaux avec grand tu-
multe & bruit tous d'une uoix crians
hautemēt dirent: Meure le traistre fre-
re Anselme. Et si ne feust un Leopard
qui estoit grand seneschal dudit roy, q̃
auoit nom dom Magot a la peau gri-
uellée, lequel sautant se mist au deuant
des animaux criāt: Ne soyez point trai-
stres, car le Roy nostre sire l'a asseurè:
urayemēt ie pense que ma uie fust du
tout despeschée. Incōtinēt que lesdits
aiaux entendreēt que i'estois asseurè du
Roy, se taisans demeurerent en paix,
toutesfois ilz murmuroient tousiours
& cōtre moy rechignoient: & le Roy
apres auoir ouy mes parolles se tira à
part: en se araisonnant avec les siens p̃
l'espace de demie heure, & apres se re-
tournant uers moy, me dit:

F Rere Anselme nous & noz cōseil-
liers, & barons auons ouy uostre

imprudēce & indiscrete respōse, pour
laquelle (si neust esté l'assurance que
par nous uous a esté faite) receuriez
telle peine, que à tout autre homme,
ou filz d'Adam ayant la notice n'au-
roit iamais tant d'audace ou presum-
ptiō que contre nous osast dire ou di-
uulguer telles ne si horribles parolles
cōme uous auez dit en uostre malheu-
reuse & mauuaise responce: mais ainsi
cōme en nostre royalle court à lencon-
tre des malfaicteurs, on use plus de mi-
sericorde que de iustice, par le cōsente-
mēt & uolunté de noz conseilliers, ba-
rons & loyaux seruiteurs, nous uous
donnons par les presentes l'audience
par uous demandée.

Cōment l'Asne fut delegué pour
disputer contre frere anselme.

ET affin que sachez clairement que
nous autres animaux sommes de
plus grande noblesse & dignité q̄ uo-
ne.

n'estes: & que par raison & a bõ droit
nous debuons estre uoz seigneurs, &
uous noz subietz & subiuguez. Laif-
fant donc plusieurs nobles & ingeni-
eux animaux, lesq̃lz en deux ou trois
motz uo⁹ feroiēt taire cõme un muet,
uoulons & à present deleguõs, q̃ l'as-
ne roigneux à la queue couppée uous
responde, Combien qu'il soit le plus
malostru & miserable animal qui soit
en nre court. Et pourtāt adressezuous
à luy, luy disant toutes uoz raisons, &
prouuāt ce que auez dit contre nous
estre uerité. Par quoy me retournāt,
ie uey à cousté de moy un meschant &
malheureux asne tout escorché, mor-
ueux, roigneux & sans queuë, leq̃l (cõ-
me ie croy) n'eust uallu dix deniers à
la foyre de tarragõne: & me tins pour
mocqué, cognoissant claiemēt qu'ilz
se mocquoiēt de moy. Toutesfois pl⁹
par crainte que p uergoigne il me fal-
lut

lut contenter & patiemment supporter, & incontinent ledit asne roigneux me dit:

L'asne parle à frere Anselme par grand audace.



FRere anselme, cōbiē que ne soiez digne que ie uous respōde, toutes fois ne pouuant contredire au tres-
ex

expres commandement du treshaut,
& puissant prince nostre sire le Roy
me cōuient (cōme un bō & loyal sub
get & seruiteur) accōplir & obseruer
celà. Et pource au nō de Dieu ie ueux
ouyr de uous à present les raisons &
preuues que uous tenez vne à une, &
quād les aurez dites, ie uo^y respōdray
selō q̄ Dieu me aduifera. Lesq̄lles pa
rolles me furēt coups de lāces me uoy
ant mespriser à une si meschāte beste,
cōe est cestuy trupelu & malheureux
asne: mais pour uenir à mon intention
sachāt selō l'escriture, que qui souffre
n'est pas uaincu: laissant tout desplai
sir & melancolie aupres de mō chap
peron decliquay les parolles suiuañtes
contre l'asne.

Icy cōmence la dispute de frere an
selme contre l'asne.

SEigneur Asne, la premiere preuue
& raison q̄ nous autres filz d'Adā
som

ſōmes de plus grāde nobleſſe & digni
té, q̃ uous autres animaux a cauſe de
nre belle figure & ſemblāce. car nous
ſommes bien faits & cōpoſez de noz
mēbres, & tous bien ordōnez par bel
les pportiōs correspōdantes les vnes
aux autres: car les hōmes grans ont les
iambes longues & les bras lōgs, & ain
ſi de meſme tous les autres mēbres ſe
lō la longueur du corps. Et les hōmes
petis ont les iābes courtes, & les bras
courz: & ainſi ſont tous proportiōnez
ſelō la ſtature de leurs corps. Et uous
autres animaux eſtes faitz au cōtraire:
car en uous n'a aucune proportion de
membres, & ie le uous ueux declarer
diſtinctement.

De la proportion des animaux. Et
premierement de l'Elephant.

L'Elephant ainſi que pouez veoir
clairemēt, à le corps fort grād, les
aureilles grandes & larges, & les yeux

petiz. Le Chameau grand corps, long col: longues iâbes, petites oreilles & la queue courte. Les beufz & thoreaux grand poil, longues queues: & n'ont point de dents aux machoires deuant. Les moutõs grād poil, longue queue, & sans barbe. Les Conilz combien qu'ilz soyēt petiz animaux, ilz ont les oreilles plus grandes que le chameau & ainsi trouuerez plusieurs, & quasi infiniz animaux tous uariables, selõ la iuste proportion en leurs membres, & pour ceste raison appt clairemēt que nous autres filz d'Adā sommes de pl⁹ grande noblesse q̃ uous autres aiaux.

La responce de l'asne.

FRere anselme uous faites grand peché en mesprisant les animaux dõt auez parlé, & n'estes tāt innocent que ne sachiez q̃ qui mesprise aucũe œuure ou en dit mal, le mesprisement ou mal redũde sur le maistre & autheur de leur

ure

ure. Vous dites dōc mal du createur q
les a créés: & ce prouiēt du foyble en-
tēdemēt qui est en uous, & n'entēdez
pas la question. Sachez que n̄re seign̄r
Dieu a crée tous les animaux qu'auiez
nōmez fort bien & sagement. Et de ce
tesmoigne Moyse en Genese. j. c. ou il
dit, q̄ Dieu veit tout ce qu'il auoit fait,
& estoit tres bon. C'est assauoir qu'en
celà n'auoit que redire. Je veux dauan-
tage que uous sachez que Dieu a fait
à l'Elephant grādes & larges oreilles
pour d'icelles chasser les mousches de
ses yeux & de sa bouche, laq̄lle il tient
tousiours ouuerte, à cause des grandz
dēts q̄ luy sortent dehors lesq̄lles dieu
luy a données pour la defense de son
corps: & à ce que uous dites que selon
la proportion de son corps il deuroit
auoir grans yeux: Je veux que uous sa-
chez que si ses yeux vous semblēt pe-
titz, la uertu uisiue qui est en eux est

tant parfaite & subtile, q̃lle peut ueoir
de cent lieues loing s'il estoit en quelq̃
haute montagne. Vous semble il dōc
qu'une si grande ueuē soit proportiō-
née avec son grand corps? Certes ouy
& n'y a que redire: dauantage ie ueux
que uo^e sachez que tous les animaux
du mōde qui ont grans yeux & gros,
sortans hors de la teste, ont foyble &
mauuaise ueue: & ceux qui les ont pe-
titz ont bonne & subtile ueue.

De la proportion du Chameau.

LE chameau pource q̃l a longues iā
lēs, & faut qu'il uiue des herbes
de la terre: dieu tout puisāt luy a crée
le col long, a fin qu'il le puisse baïsser
iusques à terre: & qu'il puisse gratter
avec les dens les extremes parties de
son corps. Ainsi & par semblable ma-
niere dieu tout puisant a crée tous les
membres des animaux: desquelz uous
auez parlé pour leurs necessitez en to⁹
leurs

leurs affaires : mais a fin que ie le face court, ie n'en ueux declarer plus auāt car aussi uous ne l'entendriez pas. Parquoy uostre faulſe raiſõ n'est ſuffiſante à prouuer uostre opiniõ erronee eſtre uraye. Pourtant ie uous dy que ſi uous auez autre raiſon que la pñun- ciez, & uous aurez reſpõſe ſuffiſante.

Frere Anſelme dit à l'Asne.

SEigneur Asne il ya une autre raiſon par laquelle nous autres ſõmes de plus grãde nobleſſe et dignitẽ q̃ uous, car Dieu tout puiſſant nous a dõnẽ & liurẽ les cinq ſens corporelz, leſquelz ſont oyr, veoir, ſentir, gouſter & toucher. & combien qu'il les ayt donnez à uous autres: toureffoys non tant accomplis ny parfaitz cõme à nous: Car avec ce il nous a enſemble donnẽ bon ne memoire, par laquelle il nous ſouuiẽt des choſes auenir, abſentes & paſſees: & à uo^r ne ſouuiẽt d'aucune cho

c 3 ſe

se sinon du pñt, & par ceste raison ap-
pertresclairemēt q̄ nous sōmes de pl⁹
grāde dignité & noblesse q̄ uo⁹ autres.

L'Asne respond, & dit.

FRere Anselme ouyant la renom-
mée de uostre science & sagesse,
qui uolle par toute ceste prouince,
auant que ie uous cogneusse, ny uous
eusse ouy parlé, sachez que ie uous te-
nois en grande reputation & sagesse,
mais à present trouuāt le cōtraire uo⁹
tiens pour une rude & lourde person-
ne. He hōme de Dieu estes uous hors
du sens & d'entendemēt: un enfant de
cinq ans ne deuroit dire telles parol-
les, mais auoir honte de les penser tant
seulement. Toutesfois puis qu'auiez
ainsi perdu la memoire, maintenant en
uous respondant uous declareray (si
me sauez entendre) comme Dieu tout
puissant a donné à nous autres aiaux
tous les cinq sens corporelz plus en-
tiers

tiers & parfaits qu'a uous autres, & meilleure memoire, & retentue. Ouurez donc à ceste heure uoz oreilles, & escoutez à mes parolles.

Du p̄mier sens corporel de l'animal.

LE premier sens corporel est l'ouïr, Prenez garde si bō uo^r semble frere Anselme que plusieurs & souuētes fois aucun des filz d'Adā cheuauchāt sur quelque animal, soit cheual ou mulet est fasché de cheuaucher, spécialement en esté, pour la grande chaleur, descēdent, pour soy refreschir & reposer s'assiet soubz l'umbrage de quelque arbre: tenant ledit cheual ou mulet par la brīde, & uenant par le chemin quelq̄ hōme de pied, ledit cheual, ou mulet l'oyt venir, oyant son cheminer, & cognoissant que son hōme ne le oit luy ueuillāt faire sauoir tire le frain, & dresse les oreilles, regardāt du cousté p̄ lequel l'hōe uiēt, & par telz actes le

c 4 che

cheuaucheur esueillé se leue sur pied & regarde à l'ẽdroit ou il a ueu regarder le cheual ou mulet, & ueoit l'hõme q est encores à plus d'ũ trait d'arbaleste loing du lieu ou il est, & aucunesfoys sent ledit cheual ou mulet uenir quelq loup ou chien, & fait lesditz actes, tāt & si longuemēt q̃l cognoit que le che ualier le peut biẽ ueoir ou ouyr. uoiez dõc frere Anselme lequel a meilleure ou plus subtile ouye le cheual ou mulet qui d'un grād trait d'arbaleste oyt uenir l'hõe à pied, ou le cheuaucheur, que ãps. que l'hõme à pied est deuant luy & le salue, il n'oyt ses pas, ny ceux du chien qui passera deuant luy. Et cēt mille autres preuues uous donneroy de cela. mais a fin que ne prolõge mō parler ie ueux mettre & faire responce à uoz preuues & raisons.

Du second sens corporel de l'animal qui est le ueoir.

Lc

LE second sens corporel des aiaux
Est le uoir, Quel hōme est au iour
dhuy au mōde frere Anselme de tant
parfaite & claire ueue qui puisse ueoir
choses petites d'une lieue loing: & l'ai
gle, & le Voutour uoient & regardēt
de plus de cinquāte lieues haut en l'air
le Conil ou la Perdrix, ou quelq̄ autre
animal uif ou mort en la terre. & quāt
à la pfaicte ueue des animaux il se mō
stre clairement frere Anselme aux grā
des tenebres ou il fait obscur, & ou les
filz d'Adā ne peuuēt riens ueoir sans
lumiere, les nobles Lyōs & autres ani
maux generalemēt iusques aux chats,
Chiens & Rats, voyent & regardent
myeux & plus clairement que ne font
les filz de Adam en plain iour.

L'asne parle de la parfaite ueue de
Pasnesse du prophete Balaam.

VOus uerrez d'auantage frere An
selme si uo⁹ lisez le chapi. xxij. du
liure

liure des Nōbres, traitant de l'Asnesse
du prophete Balaam, quād le roy Ba-
lac l'enuoya pour maudire le peuple
d'Israël. Et nostre seignr Dieu enuoia
son ange, avec l'espée en sa main, a fin
qu'il ne le laissast passer plus outre, par
quoy l'ange se mist au milieu du che-
min. Et uoyant l'asnesse l'āge debout
avec l'espée, eut peur, & se arresta. Et
le prophete ne uoyant point l'ange dō
noit des esperōs à ladite asnesse pour
la faire passer outre. Et elle ne pouuāt
souffrir l'iniure que ledit pphete luy
faisoit, luy percant les coustez avecqs
les espernos dit: Monseigneur pour-
quoy me talonnes tu ainsi? As tu ia-
mais ueu que ie t'aye fait chose sembla-
ble? Tu me bas pource que ie ne passe
outre, & ie ne puis passer pour l'empes-
chemēt de la uoye. Là dit le texte frere
Anselme, q̄ nostre seigneur Dieu ou-
urit les yeux audit prophete, & en re-
gar,

gardant il veit l'Ange: & incōtinēt luy
dit: pardōne moy, car ie ne sauoye pas
que tu feusses icy. Et l'ange luy dit: Sy
n'eust esté que l'asnesse s'est arrestée ie
te eusse tué. Et apres luy cōmanda de
par Dieu qu'il ne maudist pas le peu-
ple d'Israël & le fait ainsi. Dy moy dōc
frere Anselme q̄ a meilleure ueue, ou
les animaux qui nō tāt seulemēt uoyēt
les choses corporelles, mais encores
uoyēt & regardēt clairement les spiri-
tuelles, ainsi que sont les anges. Et uo⁹
autres filz d'Adam ne uoyez sinō les
choses corporelles. Et cēt mille autres
preuues uous pourroie donner, mais
ie m'en deporterai pour faire courte no-
stre dispute, & de pœur de dōner en-
nuy à treshaut & puissant prince no-
stre trescher sire le Roy.

Du tiers sens corporel de l'animal.

LE tiers sens corporel de l'animal cest
le sentir. Quel homme est aujour-
dhuy

dhuy au mōde, frere anselme, qui puis
se sentir & fleurir aucune odeur bon
ne ou mauuaise de la distāce d'un trait
de pierre. Et les chatz, & les Ratz sen
tent & fleurēt le fromage ou autre viā
de de la lōgueur d'un trait d'arbaleste.
Et encores le maistre des proprietiez,
dōne plus grand tesmoignage de cecy
qui est filz de Adam comme uous, di
sant, q̄ le Voutour sent les chose mor
tes decent lieuēes loing.

De la nature du Scarabot.

LEs Scarabots sont adōnez à uiure
de la fiente des cheuaux, muletz &
Asnes : & si uoulez regarder quand
aucuns desditz animaux a fienté par le
chemin, il n'y aura au mōde un seul sca
rabort, & tantost & soubdainemēt en
uerrez uenir infinitz de toutes pars,
tant est subtil leur sentiment, que de
dix, ou douze lieues sentēt & fleurēt
leurs uiandes.

De

De la nature des Leuriers & Chiës
courans.

VOycy encores une chose pl⁹ mer-
ueilleuse q̄ les Chiës tous en gene-
ral & les leuriers qui sont plus dignes
en especial, par maniere de parler, suy-
uront les pas, sentans les traces du Co-
nil, Lieure, ou Perdrix, suyuant touf-
iours la uoye ou seront passez les ditz
animaux. En celà, frere Anselme, n'est
suffisant aucun filz d'Adam: Mais au
cōtraire sy les ditz Chiës q̄ sont de noz
animaux ne leur monstroient la chasse
iamais par eux mesmes ne la pourroi-
ent trouuer. Et laisse toutes autres cho-
ses, de pœur de prolōger nre dispute.

Du quart sens corpel de l'animal.

LE quart sens corporel de l'animal
Lest le goustier, duquel, sy bien re-
gardez frere anselme, vous verrez les
Cheuaux, Muletz, Bœufz, moutōs &
autres animaux quand ilz pasturent,

qu'ilz seront entre plusieurs herbes de diuers goustz & saueurs, qu'ilz preignent les herbes de bonne & douce saueur, & les mangent: & les autres de mauuaise & amere saueur ilz les laissent. Et de ce quart sens, & du cinquiesme uous dōneroyz à present cēt mille preuues, cōme Dieu tout puissant les a dōnez à nous autres animaux pl⁹ entiers, & parfaitz q̄ nō à uous. Mais de pœur denō dōner ēnuy au treshaut prince nostre sire le Roy, & à ses venerables barons, lesquelz ne demādent, ny ne s'aggreent sinō en briefz ppos, avec grande science desdites choses. Et quant à ce que dites que Dieu tout puissant avec lesditz cinq sens corporelz uous a dōné bonne memoyre, & meilleur retētiue que à nous. Pour les quelles choses uous uous souuenez des choses passées, ce que à nous il n'a donné, & qu'il ne nous souuient sinō

sinon de ce que nous uoyons en presence. Je uous respons que uostre dire est faux.

L'asne declare à frere Anselme la bonne memoire des animaux.

CAr ainsi q̃ uous mesmes sauez & par pure experience uous uoyez tous les iours les Muletz, Asnes, & Boeufz puis que une fois ou deux ont esté de la Vigne, ou du Iardin à la maison, incōtinēt apres ilz sauent retourner tous seulz que nul ne les meine ou guyde. & uo⁹ autres irez une foys ou deux par un chemin, & y retournāt encores une autre foys vous foruoyerez & faudrez audit chemin.

De la nature des Ironnelles.

FRere Anselme, Vous uoyez les petitiz des Ironnelles uoler apres qu'ilz sont grās, & que l'esté passe, & l'yuer approche, pource q̃ ilz sont fort delicatz, & craignent le froit, s'en uōt
avec

leurs peres & meres yuerner aux parties des Indes, esquelz lieux quand l'yuer est icy, là est l'esté. Et font cela pour estre en tout temps chaudement. & apres le printemps, qui est attrempé entre chaut & froit retournent icy en noz terres, & sy les verrez uenir tout droit chantans en grand ioye & foulas aux maisons, ou lieux ou sont leurs nidz qu'ilz auoient laissez l'an passé, & reedifient autres nidz de nouveau pour leurs repoz, & pour en iceux faire leurs petitiz: & apres, ainsi cōme ie uous dy l'esté passé ilz s'en retournēt tous aux parties des Indes tout droit, sans se foruoyer, ny faillir iamais leur chemin allant d'icy là, ne venant de là icy: mais en tout temps leur souuient, du lieu de leur habitation.

De la nature des oyseaux & autres animaux.

Sem

Semblable chose font les tourterel
les & les cygoignes, & plusieurs au
tres oyseaux, q̄ si ie te uouloys dire cō
mēt ilz se gouuernēt en leur departir
& retour ie seroys trop lōg. Sēblable
mēt cōe avec grād' diligēce font leurs
guerres bien & ordonnēement allans
& logeans ensemble. Qu'ainsi soit les
Grues quand uient le temps de leur
partemēt font faire la cryé à deux, ou
trois, qui uont quinze ou uingt iours
cryant a haute uoix par l'air, q̄ toutes
s'assemblent, pour aller yuerner en
leurs pays chauds: ie m'en tairay donc
pour ceste heure.

De la bonne retētiue des hōmes.

IL n'est pas ainsi de uous autres frere
Anselme: si un de uo⁹ q̄ sera de Mal
lorq̄s sē ua à Barcelone & est cōuyé p
aucū sien amy en sa maison: retournāt
en Mallorq̄s, sy une autre foys retour
ne en Barcelone bien souuēt oubliera
la rue ou est la maison de son amy qui

Pauoit conuyé l'autre année, & s'il ne
demandoit aux habitans de Barcelone
ou est la maison d'un tel, iamais ne la
trouueroit. dit donc L'Asne.

Lequel donc uous semble (frere an
selme) qui ayt meilleure memoire, ou
nous autres animaux, ou entre uous
autres hōmes: par quoy si uous auez
autre raisō dites la moy: car ceste n'est
suffisante pour prouuer q̃ Dieu uous
dōné meilleure memoire ou souuenā
ce qu'a no^r autres: mais est tout au cō-
traire cōme ie uous ay dit & declaré,
ne uous uentez donc de pouuoir cou-
rir le Soleil avec un crible: car uous
ne le scauriez faire.

Frere Anselme dit à mōsieur l'asne
SEigneur Asne, puis que mes raisōs
susdites ne uous plaisent: maitenāt
ie uous prouueray par uiues raisons q̃
entre nous filz d'Adā sommes de plus
grande dignité que uous autres aiaux,
&

& que c'est chose digne que nous soy
ons uoz seigneurs, & uons autres noz
uassaux & subgetz. Et ce pour nostre
beau sauoir, & grãde discretion, avec
subtilité d'entēdemēt & plusieurs sciē
ces, bon conseil & prudence que nous
auons, obseruons, & gardons en noz
gouuernemens, faitz, marchādises, &
plusieurs droictz que nous auons par
lesquelz nous suyūōs les uoyes iustes
& bōnes, & laissons & abhorrons les
fauses & mauuaises uoyes. Et qui suyt
la bōne uoye & fait bōnes œuures est
guerdonné & recompēsé, & qui suyt
la uoye contraire est puny selō sa mau
uaistié. E uous autres n'auetz riens de
celà, sinon cōme bestes irraisonnables
qui faites tous uoz faits & œuures be
stialement, & sans que il y ayt aucune
raison en uoz actes. Respōd l'asne.

HE frere, he frere, penser auant que
parler c'est sagesse, & uo⁹ faites le

d 2

con

contraire, qui parlez auant que penſer
& cela eſt grāde & hautaine follie meſ-
lée avec plus grāde ordure, mais ie ne
uous dy pas qu'en noz grāds & nota-
bles animaux, mais encore aux plus pe-
titz trouuerez ſemblable, & plus grād
ſauoir, diſcretiō & ſubtilité d'eſprit, &
& bō cōſeil avec prudēce meilleure q̃
n'eſt la uoſtrè. Nous auōs entre nous
pluſieurs droits & uſages p̃ leſquelz
qui fait ce qu'il ne doit eſt puny, & qui
fait bien eſt recompensé cōme ie vous
declareray (ſi uoſtre rudelle le peut en-
tendre) ſelō mon eſprit & entēdemēt,
prenez dōc garde à mon dire.

La nature & gouuernement des
Abeilles, ou mouſches à miel.

LE premier des petiz & ſubtilz ani-
maux eſt l'Abeille, que ſi uous pre-
nez garde (frere Anſelme) uerrez cō-
me elles ſe gouuernēt en leurs habita-
tions ſoubz la cōduyte & obeyſſance
de

de leur Roy , lequel habite au milieu
de ses gens. Et apres au printemps, &
en esté de iour & de nuit quant la lune
luyt sortent tous generalemēt & vont
assembler la cyre des feuilles & des her
bes tressubtilement avec les piedz &
mains, & aṽs assemblēt le miel dedās
les feuilles & fleurs des herbes , & des
arbres, & des autres plantes , & de la
cyre font leurs maisons & habitations
en diuerſes manieres, les unes rondes,
les autres quarrées , les autres à trian-
gle: autres faites à cinq ou six quarres,
pour y demeurer & habiter: autres cō
me boutiq̃s: & lieux pour mettre leurs
uiandes & prouiſiōs pour l'yuer, & au
tres cōme chābres pour nourrir leurs
petiz : & dormir en yuer. & les accou
strent cōme boutiq̃s ou magasins : &
aṽs qlz les ont emplies de miel pour
la prouiſion de l'yuer, elles les fermēt
d'une bonne & gente cloſture de cyre

à fin q̃ nulle d'entre elles n'y touche
iusques en yuer. Et lors toutes en gē
neral sans propriété nulle mangenten
cōmun. Et aṽs que l'yuer est passé, au
printēps retournēt à leur mestier ainsi
cōme parauant, & leurs ordonnances
sont ainsi faites, q̃ celles qui ne uiēnēt
de bōne heure, dormēt dehors, qui fait
mal, est puny, leur couppent aucunes
foys un pied, ou une main, ou la teste,
selon que requiert & merite le crime,
mettāt les pieces en la uoye p̃ ou elles
passent, pour donner exemple aux au
tres, pour bien faire & laisser le mal.

Des mousches Guespes.

LEs mousches guespes font le sem
blable excepté q̃lles n'assemblent
poit de miel, & leurs roys aussi de mes
me: desquelz si ie uous disoys les inge
nieuses besoignes q̃ sont en leurs de
meurāces pour nourrir leurs petiz &
cōmēt eux mesmes se gardēt de froit
& de

chaut par les forestz & soubz les umbrages, ce seroit chose fort lōgue, par quoy ie men deportē. Vous est il dōc aduis frere Anselme q̄ lesdites abeilles soyent sages & ingenieuses? certes ouy & ne pouuez dire du contraire, par nulle raison.

De la nature des Formis.

AVtre petit, & subtil animal, est la la tressage & discrete formis, la sagesse & experiēce de laquelle voyant Salomō un des filz d'Adam qui a esté le plus sage & discret q̄ soit entre uo⁹ autres, uous reprenant dit au liure par luy fait appellé Les prouerbes. au cha. 6. O paresseux, ua t'en à la Formis, & apprens d'elle sens & discretion, & regarde la peine qu'elle prêt en esté pour amasser sa nourriture, a fin q̄ soy reposât en yuer se dōne plaisir & ioye. Or regardez frere anselme & cōtēplez en uo⁹ mesme cōç sagemēt & discretēmēt

ilz edifiēt leurs maisons & habitatiōs
deffoubz terre en diuerſes ſortes &
manieres les unes longues : les autres
larges, les unes pour habiter & demeurer : les autres cōme boutiques & magasins pour mettre leurs viādes & provisions de l'uyver les rempliſſant de froment, orge, lentilles, febues, pois, & autres victuailles. Et ſi par auenture à cauſe du lieu reumatique ou pour la pluye leurs uiures ſont mouillees : quand ilz uoyent qu'il fait beau iour & beau ſoleil elles les tirent de hors pour les eſſuyer, & ſeicher : & quand ilz ſont ſecz, les rapportent dedans leurs boutiques, & magasins ou ilz eſtoient premierement. Et d'auantage pour la crainte qu'elles ont, que leurs ditz uiures, ne ſe germent a cauſe de la chaleur et humidité (q ſont deux cauſes de generation) trenchēt en eſté & partiſſent le grain du froment en deux

deux parties. Et de l'orge, febues, lentilles ostent l'escorce, & cognoissent elles mesmes par leur sagesse & discretion que le grain du froment separé en deux parties: & que l'orge, febues, & lentilles dont l'escorce est ostée ne peuvent iamais germer. Dauantage en esté se leuent de grand matin & sortent de leur habitatiō, uont chercher uiures, & ce que chascune treuve a manger, cōbien q̃lle ayt faim, n'ē uouldroit pour riens du monde auoir māgé. mais l'apporte loyaument en la maison. à fin q̃l soit mangé en cōmun, sans aucune p̃prieté. Dauantage, si aucune desdites formis treuve grand quantité de uiures, s'en retourne fort sagement à ses compagnes, portant un grain de ce qu'elle a trouuē pour leur mōstrer, & lors toutes ensemble, ou la plus grāde partie d'elles s'en uont avec l'autre iusques à ce qu'elle leur ayt monst̃ré le lieu

lieu, & portent les uiures en leur maison & habitation, Outre plus si aucune d'elles treuue grand quantité de uiures, si cōme une piece de miel, ou autre semblable chose, uoyant qu'elle ne peut seule suffire à porter si groz faiz tout incōtinēt s'en retourne à la maison & le denunce aux autres. Et lors toutes ensemble, ou celles qui se treuuent en la maison uōt avec elle iusq̃s au lieu de la uictualle, & si elles le peuuēt porter, ou rouler toutes ensemble le portent tout entier: sinon partissent le tout en plusieurs & diuerses parties, & chascune en porte sa part à la maison. Et quād elles sont uenues, les autres leur demandēt le lieu de la uíande ou uictuaille que ladite formy a trouué, et leur disant les enseignes du chemin, tã tost s'en uont une à une, & avec celles qui l'amenent la p̃miere chose qu'elles font, elles s'arrestent, & se baissent
ain-

ainsi que font uoz dames Cathelaines
quād elles rencōtrent aucūs de leur co
gnoissance en la rue uenāt des pardōs
& leurs demandēt le chemin suyuant
les enseignes iusques à ce qu'elles uiē
nēt au lieu de la uictuaille: & portent
leurs part à la maison cōme leurs au
tres compaignes. Se gouuernāt toutes
foys soubz l'obeyssance de leur Roy.
Et celle qui fait mal est punie selō que
le crime est grand ou petit, luy coup
pāt main, pied ou teste, & les corps de
celles lesquelles par iuste sentence ont
esté mises a mort, sōt gettez au chemi
le pl⁹ pchain de leurs habitatiōs pour
donner exemple aux autres de nō fai
re cas semblable. Et le corps de cel
les qui meurēt par maladie est enterré
soubz terre en lieu de sepulture. Ou
tre plus si par cas d'auēture aduiēt que
aucune d'elles soit blecée par quelque
filz d'Adam ou autre animal, & qu'il
luy

luy soit couppé aucun mēbre, comme piedz, cuissēs ou mains pour laquelle chose elle ne puisse retourner à la maison, incōtinent & au cōmandemēt de leur Roy elles uont toutes au lieu, & l'apportēt à la maison, ou elle est bien pēsée iusques à ce qu'elle soit guarie, ou morte. Dōc frere Anselme uo⁹ semble il qu'en nous autres ayt autāt de sagesse & tant de sens cōme en uous: certes ouy & dauātage. Et en celà nul qui ueut user de raison ne peut cōtredire.

De la nature des Lāgoustes.

IE uo⁹ ueux parler frere anselme de la sagesse de la Lāgouste. cōe aps q l'esté est passē elles trēchēt la terre grasse, & y font une fosse, en laquelle mettent leurs œufz & les mettant soubz terre s'en uont: & s'en uolent autre part, & font la plus grand part mangées des oyseaux, & les autres à cause du grand froit, & gelée meurent. Et
apres

après quād le printēps est uenu & q̃ le
tēps est chaut & humide (q̃ sont deux
causes generatiues) incōtinent lesditz
œufz sortent, & nayffent Langoustes
tāt petites qu'il semble q̃ ce soient for-
mis de couleur noire & cōmēcēt à mā
ger & a rōger les herbes, & leurs croif-
sent les esles & en uolāt s'en uōt pour
leurs affaires: apres mettēt leurs œufz
soubz terre ainsī cōme ie uous ay dit:
& font ainsī cōme ont fait leurs prede-
cesseurs: sachās que s'ilz laissoiēt leur
dits œufz sur la terre ilz seroiēt cassez
& par tēps de gelée par le froit qu'les
geleroit se gualteroiēt tous: par quoy
ne fortiroient point, qui seroit cause
que leur nation seroit de brief finie &
exterminée du mōde. En apres elles se
gouuernēt & cōduisent toutes soubz
un Roy, & nul de leur cōpagnie n'ose
uoler iusques à ce que ledit Roy uolle
Aussi ont entre elles plusieurs ordōnā
ces

ces & coustumes, & qui ua au cōtraist
est griefuemēt puny, lesquelles seroiēt
fort lōgues à racompter: par quoy cer
chez autres raisons ou preuues pour
maintenir uostre fause opinion & uo⁹
aurez soudaine respōce: mais ne par
lez iusques à ce que ayez pensē q̄ uo⁹
deuez dire, & uous ne pourrez faillir

Frere Anselme dit à l'Asne.

SEigneur Asne, il ne faut ia penser
pour cela. Vous sauez assez & cela
est chose claire à tous que les gens con
stituez en dignité & noblesse mangent
les delicates & delicieuses uiandes, &
ceux de moindre dignité ou noblesse,
māgēt les grosses uiandes & de moïn
dre saueur. dōc nous autres filz d'adā
mangeōs plusieurs precieuses & deli
cates uiandes, cōme pain de bonne &
blāche fleur ou farine, Grues, Pigeōs,
Faifans, Perdrix, Becasses, oyseaux de
riuere, Herōs, Cygoignes, plōgeons,
Al

Allouettes, chappons: poules d'Inde,
& cōmunes. Ramiers, coulōbes tour-
terelles. pygeōs & toute autre uolatil-
le. & dauātage cerfz, biches, cheureux
daims, porcز sangliers, lieures, conilz
& toute autre sauuagine: Cheureaux,
aigneaux, veaux, moutōs, bœufs & plu-
sieurs autres uiādes, tāt rostyes, q̄ bou-
lyes ou en paste, en plusieurs & diuer-
ses especes & sauces, cōme sauce blā-
che, sauce noire, sauce grise, cameline,
poyurade, vin aigre, uerius, sauce uert
moustarde, nauets, aux, oignōs, choux
poreaux, espinars, laictues, oranges, &
plusieurs autres sortes de sauces, selō
qu'a chascune sorte de chair appartient.
Ainsi mesme des poissons Esturions,
Saumōs, truytes, lāproyes, solles, rou-
getz, grenaux, barbues, esquelfins, tur-
botz, thongres, marsouins, brochetz,
carpes, perches, tāches, loches, escreui-
ces, anguilles, & plusieurs autres, &
qua

si infinies uiandes & manieres de pois-
sons groz & menuz, Quāt a nostre de-
licieux & sauoureux breuuage, le uous
ueux dire que nous auōs plusieurs de-
licatz & sauoureux uins, ainsi comme
Maluesie, Romenie, bastard, muscat,
vins Grecz, & de Corfye. uernasse, ro-
sette, hypocras, & infinitz autres uins
blancz & uermeilz, fort subtilz, puis-
sans, alpres, pleins de liqueur, doux &
brusc, desquelz beuuōs à nostre plai-
sir en tout temps de l'annēe selon q̄ la
disposition & qualite du tēps le ueut
& requiert. Et uous autres animaux
n'auez semblables uiandes ny breuua-
ges: est ce pas assez suffisammēt prou-
ué que entre nous filz d'Adā sommes
de plus grande dignite & noblesse q̄
uous autres animaux, & en tout ce nul
qui a usage de raison ne peut ny doit
dire au contraire?

Re.

Répond l'Asne à frere Anselme.

FRere anselme uous me faites quasi
rire, cōbien q̄ ie n'en aye enuie. Bō
hōme de Dieu ou est uostre sens, & là
subtilité que soulies auoir: il semble ia
que uo⁹ foyez plus lourd & plus gros
fier qu'un payfant. Vous cuidez louer
les filz d'Adam: & uous les vituperez:
Comme ainsi soit, que ne pouez auoir
les uiandes que uous auez dites & nō-
mées: sinon en les achetant pour d'ar-
gent. Et uous ne pouuez auoir l'argēt,
sinon en grād trauail, douleur, tribula-
tion, & crainte meslee avec peine: en
marchādant, bataillant, nauigeant, che-
uauchāt: plusieurs & diuerses foys, en
uoulāt amasser argēt, uous mourez, &
estes noyez, pēduz, escorchez, decapi-
tez, bruslez, chassez, & emprisonnez,
pdāt mēbres, aureilles, mains, & pieds
& apres q̄ uous auez gaigné quelques
deniers: estes en plus grād' crainte, que

e

vous n'estiez au parauāt: pēsant cōme
vous les garderez, cōme vous les mul-
tiplierez ayāt tousiours paour & crain-
te, qu'ilz ne vous soyēt ostez par la Sei-
gneurie. Vous laissez de prendre plu-
sieurs plaisirs & delices pour la crainte
qui est en vous, disāt: Si ie fay telle cho-
se la iustice se pourra adresser à moy, &
me faire perdre mon biē: Aussi auez à
souffrir plusieurs hōtes, iniures, & de-
spitz dont ne vous osez venger pour
crainte de la iustice, & peur de ne p̄dre
les deniers: Et apres en l'autre monde
auez à rēdre compte comme vous les
auez gaignés, & en quoy vo⁹ les auez
employés & despenduz. Et si vous en
auez mal vsé yrez au feu infernal du-
q̄l iamais ne pourrés sortir. Et ap̄squ'a-
uez amassé argent: si ne pouuez vous
auoir pain de blāche fleur ou farine: si
non avec grand mal, grand trauail, &
sueur de vostre visage, car vous auez
à lab

à labourer, semer, cueillir, moissonner,
& separer la paille du grain, crybler,
moudre, pestrir, & cuire au four : &
tout cela avec grand' angoisse, & tra-
uail : Et mesmemēt aussi à cuire les au-
tres viādes, couppāt boys, allumāt feu,
plourāt à cause de la fumée q̄ être p les
yeux, pilant, broyant, passant, coulant,
pressant, & chauffant les saulces, &
espices par vous nommées.

L'Asne dit à frere Anselme les uian-
des qui leur sont propres.

FRere Anselme, Nous autres man-
geōs delicatemēt les viandes, ainsi
cōme bon fromēt, orge, aucyne, seigle
mil, febues, pois, lētilles, rys, & sembla-
bles semēces. Et quāt aux fruiçts nous
mangeons raisins, figues, pesches, meu-
res, abricotz, prunes, pōmes, poyres,
cerises, grenades, citrons, melōs & plu-
sieurs autres bons fruiçts de diuēses
sortes, & ne māgeons iamais sinon des

plus meurs & des meilleurs. Et ad-
uient q̄ quād uous autres uoulez cueil-
lir d'iceux fruiçts pour uostre manger
vous ne trouuez que les plus meschās
& uieux. & māgerez tout cela ioyeuse-
ment en despit de uous, sans que nous
en payons maille ny denier. Vous au-
tres payez, & nous autres mangeons,
Vous plantez les iardins, & nous mā-
geōs les fruiçtz. Vo⁹ creusez les puits,
& nous beuuōs l'eau, d'auātage nous
māgeons plusieurs bonnes ortuailles,
ainsi cōme choux, nauets, laictues, espi-
nars, & plusieurs autres sortes : des-
quelles ie me tais de pœur d'estre trop
long, Et tout sans fascherie ny trauail-
de labourer, semer, cueillir, moudre:
pestir, cuyssiner ny allumer feu, & mā-
geons chascun iour tant qu'il nous est
mestier, & le reste laissons à vo⁹ autres
qui nous le gardez iusques au lende-
main, & faut q̄ de la garde uous payez
les

les uignerons, sardiniers & autres gardiens. Et quāt aux autres uiandes de chair & de poisson, & des sauces dont uous auez parlé, en despit de uo^r no^r animaux en māgeōs plusieurs & diuer ses foys deuāt uous autres: ainsi cōme chiens, chats, rats, mousches formis, & ce par leur gloutōnie, car nulz autres des animaux n'en uoudroit auoir mangé. Le uous dy d'auātage que pour les diuer ses sortes de uiandes lesq̄lles aps grandes peines uous māgez, il uo^r sur uiēt plusieurs sortes de maladies: ainsi cōme fiebures quotidiaines, tierces & quartes, mal d'estomach, & de cousté, mal de roignons, roignes, podagres. ydropisie, gouttes, coliques. et souffrez autant de sorte de maladie q̄ uo^r auez de uiandes. Et dauātage uoulāt auoir guarison desdites maladies il uous cō uient souffrir plusieurs peines & tour mēs de faire incision en uostre chair:

cauteriser avec le fer chaut le lieu du mal, boire syrops, prēdre purgatiōs de rude & mauuaise saueur, lesq̃lles uous font deuenir secz, saignees, diettes, & uo⁹ faut abstenir des desirs de la chair. & plusieurs autres trauaux, lesquelz se roiēt longs à racōpter, desquelz nous autres sōmes exēpts & asseurez. Dōc frere Anselme laq̃lle est la uie des Seigneurs: la nostre qui est sans trauail & peril, & reposée: Certes c'est la nostre & la uostre est au cōtraire. parquoy si auez autre raison que la dessusdite biē uous seruira.

Frere Anselme dit à l'Asne.

REuerend Asne, l'autre raison par laquelle appert clairemēt & manifestemēt que nous sommes de pl⁹ grā de dignité que uous autres est: Pour les grās plaisirs & copieuses uoluptez q̃ auōs en noz haux grās & amples palais & maisons, belles dances de diuerses

les fortes de dames, pour rire, chäter,
iouer des orgues, leutz, harpes, guy-
ternes, Violles, uiollons, psalterions,
Rebecz, Cornemuses hauboyes, Cor-
netz, trompettes, clerons, Tabourins,
fleutes, flaiioletz, Larigotz, & plusi-
eurs autres fortes & maniere d'instru-
mēs aux nopces, festins, banquetz, &
assemblées. Vestans beaux uestemēs,
nous aornans de plusieurs belles che-
ues, ymages, deuises d'or & d'argent,
avec plusieurs beaux ioyaux: à sauoir
pierres p̄cieuses de plusieurs & diuer-
ses couleurs, qui ressemblent biē estre
choses dignes de seign̄rs & non de uas
faux. Je uous ay dōc claremēt proué
mō opinion estre uraye, & qu'il est rai-
sonnable que nous deuōs estre uoz sei-
gneurs: & uous autres estre noz uas-
faux & subgetz.

Comment l'asne preuue à frere An-
selme le contraire de son dire.

IL me semble frere Anselme que uo⁹
estes un peu doux de sel: & tiré à uo
lunté desordōnée: & tout pcede de pe
tit & debile entēdemēt: & ne le tiens à
mal: car uous estes desormais uiel, &
hors de memoire: bō hōme de dieu ne
sauiez uous pas que les plaisirs desq̄lz
s'ensuiuent pleurs & douleurs ne doi
uent estre appelez plaisirs: Comment
uous pouuezvous dōc leuer de ce qui
n'est autre chose que fumée qui tātost
passer: Car uous autres auez en lieu &
chāge du festi & des nopces: le cōuoy
q̄ se fait quād uous estes mortz à uous
enterrer: en lieu de rire les pleurs, en
lieu de ioye desplaisir: en lieu de chan
sons les grās crys à la mort. en lieu des
grandes maisons & sumptueux palaix
les estroictes & petites fosses. en lieu
des chābres, les prisons. en lieu des de
uises, chesnes & couliers au col. en lieu
de bien uous aduiēt mal & dommage
par

parquoy cherchez autre raisõ pour puer uostre faulse opiniõ: car ie croy, q̃ peu en trouuérrez deormais.

Frere Anselme dit à l'asne.

NOstre maistre l'asne, l'autreraison pour laquelle nous deuons estre, uoz seigneurs, & uous noz uassaux, est que dieu nous a donné loy, & non pas à uous autres: laquelle Loy nous cõmande que faisons bien, & que eui tions le mal. En apres nous faisons oraisons & ieusnes: & donnõs dismes & premices: nous faisons aumosnes: et nous sont uenuz des pphetes & mes sagiers de Dieu: & ne sont pas uenus à uo^r autres: Par quoy ces choses sont grandes dignitez de seigneurs. telz q̃ nous sommes, ce que uous n'auiez entre uous animaux.

La responce de l'Asne.

FRere Anselme, qui beaucoup ple souuent erre, & ainsi en prent il à uous.

uons. Et touteſſoys uous uoulez q̃ uoſtre raiſon ſoit receue, & là ou uo⁹ cuy dés faire hōneur aux filz d'Adā uous leur faites uilēnie & deſhōneur, par ce que uous n'entendez pas cōme uous parlez, ny ce q̃ uous dites. Et tout ainſi que uous uous louez que Dieu uo⁹ a donné Loy, & ne l'a point donné à nous autres, en cela uous uous faites grād deſhōneur & uitupere, & à nous grand honneur. Cōme ainſi ſoit que ſi l'hōme fuſt demeuré en l'eſtat q̃ Dieu le créa il n'eufſt eſté meſtier q̃ Dieu luy euſt dōné Loy: car Dieu le créa iuſte, pur, iannocent & ſans peché, & luy trefpaſſant le cōmandement de Dieu pecha: par quoy fut incontīnēt puny & getté de paradis terreſtre: & ſes enfans par enuye tuerent l'un l'autre. En aḗs feirent larrecins, rapines, faux teſmoignages, adulteres, blaſphemes faux ſermens, & pluſieurs autres maux, uices,

abo

abominations , & abominables pechez, si cōme sodomites & homicides pour lesquelles choses a esté nécessaire qu'il uous a esté dōné Loy, uous uoyant faire telles choses . Quant a nous autres nous n'en auons certes nul mestier: car ainsi cōme Dieu nous créa le premier iour ainsi auons demeure iusques au iourdhuy, le louant & benysfant sans faire nul mauuais peché: Par quoy regardez si celà est honneur ou uitupere. Et si auec raison uous deuez louer du fait q̄ uous dites. quāt aux oraisons p̄ lesquelles uous priez dieu qui uous pardonne les pechez offenses & maux que uous faites : nous autres n'en auons nul besoing : Car nous ne faisons mal ne peché.

Icy declare l'asne à frere Anselme
le ieusne des filz d'Adam.

LE ieusne que uous ieusnez dieu le
uons a ordonné pour le peché de
glou

gloutonnie, le faisant iustemēt & aīsi q̄l
appartient: mais uous ne faites pas ain
si cōme Dieu uous commande: ains le
iour du ieusne cōmettez beaucoup pl⁹
de peché de gloutonnie que à un autre
iour. Car il uous faut plus de uiādes &
pl⁹ exq̄ses qu'aux autres iours. & pour
ieusner un iour uous auez trois iours
bons à bien manger: car le iour deuāt
le ieusne vous dites: mangeōs & beu-
uons bien, car demain nous faut ieus-
ner. Le iour du ieusne dites: māgeons
& beuuōs bien aujourdhuy: car nous
ieusnons. Le lendemain du ieusne di-
tes, mangeons & beuuōs bien aujour-
dhuy, car nous ieusnasmes hyer. Et
tel ieusne frere Anselme n'est bon ne
iuste ne aussi fait cōme Dieu le cōman-
de. Et aussi disoit ce grād pphete Esaie
en la personne de Dieu disant: Est cela
le ieusne (cōme dit Dieu) q̄ i'ay esleu?
& voy qu'il veut dire, certes non: mais
veux

veux tu sauoir le ieufne que r'ayesleu:
Brise ton pain à ceux qui ont faim, &
fais entrer en ta maison ceux q ont ne-
cessité, & sont malades, leur dōnant de
ce q Dieu t'aura donné. Verras tu ton
prochain tout nud: & tu seras par tous
couuert: car c'est ta chair, parquoy tu
ne mespriseras point tō prochain: ayāt
fait ainsi tu inuoqras Dieu, & il te exau-
cera, tu crieras à luy & il te dira me voi-
cy: Mais vous autres frere Anselme ne
faites rien de tout cela à vostre pchain
mais plustost en dites mal, & en parlés
meschāment par grande trahyson: car
deuāt sa face luy riez, & incōtinent en
derriere dites mal de luy & en detracte-
rez. Et nous autres frere Anselme ne
faisons rien de cela, ny ne sommes flat-
teurs disans bien & louās noz sembla-
bles en leur p'sence, ny ne sommes trai-
stres en disant mal d'eux en arriere.

L'asne dit à frere Anselme les lar-
cins

cins que font les filz d'Adam.

L Es dîsmes, premices, & aumosnes
que vous faites, c'est des larcins q̄
faites les vns aux autres: ostant cela du
biē de vostre semblable: secretemēt, au
cunesfoys en public & par force, & fai
sant mal en faux poix, fauces & desloy
ales mesures: en mal acq̄rāt assemblés
tout ce q̄ pouuez: & vous autres mal-
heureux q̄ assemblés & amassés pour
ceux qui ne vous en sauront gré: c'est
à sauoir pour le mary de vostre femme
quād vous serez morts: ou pour le ma
ry de vostre fille: ou la fēme de vostre
filz: lesquelz se dōneront du bon tēps
avec les biens q̄ vous leurs laisserez &
vous en rēdrés cōpte à Dieu, mais no⁹
nous sōmes netz de ces pechēs, & mau
uaistiez q̄ est vn degré de seigneurie.

L'asne parle à frere Anselme des p-
phetes enuoyés aux filz d'Adam.

L Es prophetes que dites qui ne sont
venuz à nous autres, mais seule-
mēt à uous, c'est à uostre honte & uer-
goigne. Car les pphetes ne sont point
enuoyez sinō pour faire faire ce qui est
bon, & eüter ce qui est mauuais. ain-
si que dit toute l'escriture, & nous au-
tres n'en auons que faire: car comme
ie uous ay dit: nous ne faisōs sinō tout
bien, sans greuer autruy.

Frere Anselme dit à l'Asne.

Q Vel bien est ce seigneur Asne q̃
uons autres faites sans mal? C'est
chose uraye que les sauterelles
font grand mal & dōmage aux bledz,
& fructz, & mesme aussi plusieurs
autres oyseaux, ainsi que corneilles &
corbeaux. Dautantage les ratz font dō-
mage a toutes choses qui se mangent,
& aux robbes & uestemēs, & les Mil-
lans aux poulletz, les chiēs & les chats
desrobent les uiandes. Et le Loup, &
plu-

plusieurs autres animaux uiuent de larcins & rapines, ainsi cōme les renards, qui desrobent les gelines: parquoy uostre dire est faulx.

L'asne respond à frere Anselme.

FRere Anselme il me semble q̄ uous estes un peu doux de sel & legier de poys. Cōme il soit ainsi que les larcins & maux que font les filz d'Adā, il ne leur est pas licite de les faire: & les dōmages q̄ uous dites que font noz animaux dessusditz ce n'est pas peché enuers Dieu: ains leur est licite de ce faire: car Dieu leurs a dōné & ordonné uie en semblables choses: & mesme dit Iesus Christ en l'euangile parlant aux hōmes: Regardez aux oyseaux du ciel lesquels ne semēt ne labourent & uostre pere celeste les repaist, & saoule. Vous ne deuez pas entēdre frere Anselme q̄ Dieu leur dōne a māger avec sa main: mais il ueut dire qu'il leurs a

or,

ordonné uie & maniere de uiure. C'est
à sauoir des choses deuant dites. Et ce-
la est dignité de seign̄rs māger & boi-
re & ne trauailler point, cōme uous au-
tres. Par quoy bō hōme laissez aller ce-
ste fantasie, & uous tenez pour uain-
cu, puis que ne sauez donner raison au-
cune qui soit iuste ne uraye.

Frere Anselme dit a l'Asne des ue-
stemens des filz d'Adam.

SEigneur Asne, l'autre raison pour
quoy nous deuōs estre uoz seign̄rs
est, pour les beaux uestemēs de soye q̄
nous portons, ainsi cōme pourpre, ve-
loux, satin: damas, cotton, lyn, & layne
bien fourrez d'ermes, martres, luber-
nes, fouynes, ceruiers: & plusieurs au-
tres, desquelz uoulāt parler a present
serois chose fort longue. Donc cōme
semblables uestemens ne soyent sinō
pour les seigneurs: & uous autres estes
priuez de semblable chose: raison &

f

iustice ueuillēt que nous soyōs seignrs
de uous, & que uous soyez noz uas-
saulx & subgetz.

Respond l'asne à frere Anselme.

FRere Anselme, qui ne regarde de-
uant, il chet en arriere. ainsi uous en
prēt il: car uo⁹ parlez & ne pēsez pas a
ce que uous dites, ueu que uoz polles
sont toutes contre uous: & uous cuy-
dāt louer, uous uituperez: car uous di-
tes claiement qu'estes larrons, & uous
uou tenez pour telz: tant estes surmō-
té de uostre uolunté: car comme uous
saluez les plus nobles uestemens que
uo⁹ portez ou uestez, sont de soye &
de layne, Et uous sauez assez que les
uerms & animaux de la soye par leur
grand industrie & sagesse font leurs
maisons de soye pour en icelles demeu-
rer, dormir & reposer: pour estre chau-
demēt en yuer, pour se garder du uēt,
& de la pluye. & pour faire leurs œufs
de-

dedans , & uous autres leur ostez par force, leur desrobat pour en faire uoz uestemēs. Puis donc que la soye sort de leur corps, ilz deburoient plustost estre appelez seignrs, & s'en deueroiēt myeux glorifier & plus iustemēt que uous qui les ostez & desrobez.

L'asne dit à frere Anselme la nature des animaux.

Ainsi est il de la laine, Dieu la donnee aux animaux pour les garder du froit, du vêt, & de la pluye: Et uous autres leur ostez par force: & en faites voz vestemens. Dōc vous louez vous faucemēt de cela: ce q̄ plustost deuriōs faire entre nous: reprochant à vous autres filz d'Adā: que nous vous dōnōs pour vous vestir: par le moyen desq̄lz vestemēs vous estes gardez du vêt, du froit, & de la pluye: Ainsi est il des forrures que vous dites auoir: car ce sont peaux de noz animaux lesquelles vous

leur prenez & desrobez.

L'asne declare à frere Anselme les peines qu'ont les hōes pour eux vestir.

MAis Dieu tout puissant, lequel ne laisse nul mal impuny: vous punit de vostre mal fait, & larcin en ce mōde deuant qu'en l'autre: vous dōnant plusieurs trauaux & tourmens, de ladite foye, & laine à la lauer, nettoyer, blanchir, carder, filer, desuuider, tordre, ordir, tilter, taindre, & couper: & mille autres trauaux, lesquelz seroyēt longs à cōpter, & desquelz aurez vergōgne & hōte en les cōptāt, n'avez vous dōc point honte d'en parler seulement: en vous louāt de ce dont nous autres par raison deurions auoir la louāge, par qy pensez autre raison, & vous aurez telle responce que ie vous feray taire.

Frere Anselme dit à l'Asne.

MEffire l'Asne, encore dauantage deuōs nous estre voz Seigneurs,
pour

pour autāt que nous auōs Roys, Prin-
ces, Ducz, Marquis, Contes, Barons,
Seigneurs, Prelatz, Docteurs, Philoso-
phes, Presidēs, Cōseilliers, Aduocatz,
Procureurs, Secretaires, Notaires, Ri-
meurs, Châtres & laboureurs. Et tou-
tes telles choses appartiennent à Sei-
gneurs & non avassaux telz que vous
autres animaux estes.

L'asne respond a frere Anselme.

FRere Anselme: Vn bien fait ne cou-
ste rien, vous descouurez tousiours
tous voz maux, vous voulāt faulcemēt
louer. Car noz animanx tout ainsi que
vous auōs Roys, Seigneurs, officiers,
châtres, & beaux parleurs, cōme vous
auez, qu'il ne soit ainsi, regardez les a-
beilles, cōme elles sōt toutes soubz l'o-
beissance de leur Roy: ainsi comme cy
dessus vous ay dit: & trouuerrez que
Dieu les a toutes créés avec vn aguillō
pour la defense de leurs corps, & à crée

leur Roy sans aguillon, pour donner à
entēdre q̄ les roys & seigneurs doiuent
estre misericordieux & benigns, sans
aguillon de cruauté & mauuaistié.

L'asne dit à frere Anselme.

LE Roy nostre sire que premier de
Luōs nōmer, est Roy de tous noz
animaux par sa grāde uailance nobles
se, & magnanimité de courage. Il est
large & liberal sans auarice: & cela est
clair & notoire à tout le mōde. et quāt
il prent aucune uiande il en mēge fort
peu, & le demeurāt mangent ses serui
teurs & Courtisans, lesquelz suyuent
sa noble court. Quant à sa uailance il
n'est besoing d'en parler: car luy tout
seul assaudra mille de uous autres filz
d'Adam, & uostre Roy avec, qu'il ne
tournera pas seulemēt la face. Et quāt
vous mēmes uoulez louer quelque
filz d'Adam, uous dites cōmunement
il est uaillant comme un Lyon.

L'as

L'asne parle à frere Anselme des oyseaux, & autres animaux.

LEs oyseaux ont aussi pour leur roy l'aigle: les formis & les langoustes ont leur Roy cōme vous ay dit cy dessus: d'escriuains & notaires, il ne nous en faut point: autrement nous en aurions aussi bien q̃ vous. Car telles gēs ne seruēt sinon pour escrire les pces, plaits, & q̃stions qui journallemēt sont entre vous pour les larcins & rapines q̃ vous faites les vns aux autres: nyāt la verité, & soustenāt le mēsonge: & no⁹ autres ne faisons rien de tout cela. Nous auōs aussi de tresbōs architectes, ainsi cōme les arōdelles, guespes, & plusieurs autres à edifier leurs nids, maisons, & habitatiōs. De docteurs, philosophes, rimeurs & beaux parleurs, en auōs assez mais pource que vous n'entēdez leurs lāgages, vous vous en moquez ainsi que fait le Chrestien du Maure: & le

Maure du Chrestien, & de son parler:
& cela viēt pource q̄ l'un n'entēd poit
l'autre: par sēblable maniere estes vous
car pource que vous n'entēdez pas le
parler ou langage des animaux, uous
pensez qu'il n'y ayt nulle science en
eux. Et vous veux dōner à entēdre que
toutes les chansons que chantēt les oy
seaux, ainsi q̄ papegaux, rossignolz, li
nottes, chardonnerz, alouettes, & ver
diers: sōt toutes faites en ritme, & biē
rethoriquemēt ditées; tellement que si
vous les entendiez elles vous semble
royēt beaucoup plus subtiles, & mieux
ordōnées que ne sont les vostres, nous
auōs aussi bons chātres & musiciēs cō
me les oyseaux dessusdits: desq̄lz vous
mesmes dites quāt vous voulez louer
aucun châtre des filz d'Adā, il châte si
doucemēt, qu'il semble vn Rossignol.

L'asne dit le bon gouuernement du
Roy des animaux.

Le

IE uous ueux bien dire , & declarer
Frere Anselme : que noz Roys sont
meilleurs à gouuerner leurs subgetz,
que les uostres, & sont plus misericor-
dieux à ceux, qui sont soubmis à eux,
que les uostres: car uoz Roys n'aymēt
leurs subgetz sinō pour le pffit, qu'ilz
ont d'eux: ainsi cōme dismes: truages:
tailles: impositiōs: gabelles: & uictuail-
les, & plusieurs autres proffitz, & uti-
litez qu'ilz recoyuent d'eux. Et pour-
ce q̄ par eux se deffendent de leurs en-
nemis. Et cela est ung signe de cupidi-
té, & misere: car la raison ueut , que le
Roy, ou Seigneur: soit clemēt, piteux,
& misericordieux , iuste faisant iustice
en tout temps, qui est rendre à chascun
ce qui est sien , ne desguysant la iustice
par auarice: ne par faueur: ne p crainte:
gardāt, & acōplissant tousiours ce que
Dieu ueut, & cōmande, qui est le uray
Roy des Roys , & Seigneur des Sei-
gneurs

gneurs: ainsi que font les Roys des animaux: selō que cy apres uous declare-
ray. Le treshaut prince & roy des ani-
maux, est le Lyō & sachez q̄ aux assem-
blées, brigues, guerres, & batailles il
est tousiours le premier, & se met sou-
uent en peril de mort pour ses gens, &
ce pour la pitié qu'il a d'eux: & ce qui
est à eux il leur dōne sans qu'il ueuille
riēs auoir prins d'eux, ne par leur pro-
pre gré, ne par force. Aussi uous ueux
dire du Roy des Formis, & des lāgou-
stes cōme ilz sont piteux & miséricor-
dieux en tous leurs faits & gouerne-
mens sans qu'ilz prennent iamais nul
droit sur leurs gens. Et aussi cōme les
Roys des grues pour la grand' pitié &
cōpassion qu'ilz ont de leurs subgetz,
eux mesmes font le guet de nuyt pēdāt
que leurs gēs dormēt. Et le semblable
font tous les autres roys des animaux
pource q̄lz ont pitié de leurs uassaux,
&

& ne vsurpent iamais aucun droit ny
truage. & ne demādent iamais riens à
nully. Quāt aux seruiteurs & officiers
de uoz Roys trespassez, lors que uoz
roys nouueaux entrent en nouuelle sei-
gneurie, ilz font du seruice à ceux qui
seruoiēt leurs peres, & les recōpēfant
mal de leurs bons seruices, faisant au-
tres nouueaux seruiteurs: & bien sou-
uēt (affin que la seigneurie soit toute à
eux) ilz tuent leurs freres, oncles & pa-
rens, ou les mettēt en prison, ou bānis-
sent perpetuellemēt. Et craignant per-
dre la seigneurie temporelle, laissent al-
ler & perdre la spirituelle, Mais entre
nous animaux ne faisons riens de tout
cela, quād il aduient qu'un autre entre
en nouuelle seigneurie. Par quoy cer-
chez autre raison pour prouuer uostre
faulse opinion estre uraye, & uous au-
rez responce.

Frere Anselme dit à l'Asne.

Sei

SEigneur Asne l'autre raison q̄ nous
sommes de plus grande noblesse &
dignité que uous & par raison deuons
estre uoz seigneurs, & uous noz uas-
saulx est pource que nous sommes fais
tout à une semblâce qui est semblable
à l'unité de Dieu: lequel est un tāt seu-
lement, & uous autres estes fais à infi-
nies semblances & figures, aussi Dieu a
composé en nous troys choses dignes
de grande admiratio.

La premiere merueille, q̄ est en la
semblance des filz d'adam.

LE premier est, que de cēt mille hō-
mes ou femmes uous n'en trouue-
rez point cinq ou six qui se ressemblēt
de uisage: cōbien que tout ce q̄ est au
uisage de l'un soit au uisage de l'autre:
car ilz ont tous frōt, sourcilz, paupye-
res, yeux, nēz, lebures, barbes, & avec
tout ce ne ressemblēt les uns aux autres

De la seconde merueille qui est

le

le parler.

LE second est qu'ilz ont tous lāgue
Lauec laq̃lle ilz parlent & chantent,
& si ne uerrez iamais que le parler, &
le chant de l'un ressemble au parler &
chant de l'autre: mais si aucun d'eux
a un amy cognoissant priuē ou fami-
lier, lequel soit en lieu qu'il ne le puisse
ueoir, & le oyt pler ou chanter: cognoi-
stra qui ce sera, & le nommera par son
nom sans que en cela il faille iamais.

De la tierce merueille, qui est
l'escriture.

LE tiers est, que les lettres desq̃lles
ilz escriuēt, sont xxiij. en nōbre, &
chascune lettre à sa figure ou semblāce
& s'il y a cēt mille escriuains: & q̃ tous
escriuent vne mesme chāson: combien
qu'ilz escriuēt tous d'un encre, & auec
vne mesme plume: encore auec tout ce
la iamais l'escriture ne se resseble: ains
chascune escriture sera cogneue de la
main

main de celluy q̄ l'aura escrite . Et cela
estvne grād grace, q̄ Dieu nous à faite.
Car si tous les hōmes , ou les fēmes se
ressembloyēt plusieurs maux & incon
ueniēs s'ē ensuyuroiēt: car le pere pour
roit auoir affaire avec sa fille , pēsant q̄
ce fut sa fēme : ou auoir affaire avec la
fēme de son filz, pēsant q̄ fut vne autre
fēme. Et aussi mesmes feroient mal les
femmes receuāt en la maison autres q̄
leurs maris, & cela parce q̄ la semblāce
seroit toute vne. L'un entrer en la mai
son de l'autre : & luy ofter tout ce qui
trouueroit en la maison: & parce moyē
tout le mōde seroit destruit & defait.
Mesmes aussi on ne sauroit lequel est
le pape: ou leq̄l est le Roy: car chascun
foy vestāt de vestures royales, ou papa
les, se pourroit dire vn roy, ou vn pa
pe, q̄ le peuple ne pourroit contredire
ou contester: & cela par la semblāce, q̄
seroit tout vne. Dauātage le Iuif ne se
roit

roit cogneu du Chrestien, ny le maure.
du Iuif, & pourroyēt auoir affaire avec
les Chrestiennes, & infinis autres mauz
se ensuiuroyēt, si tous les hōmes se res-
sembloyēt: tellemēt qu'il n'y a mal qui
ne s'en ensuiuit, & seroit tout le mōde
pdu, semblables maux & incōueniens
se ensuiuroyēt, si tous les hōmes se res-
sembloyent au parler. Car la nuit on
pourroit hurter à la porte de quelcun
qui seroit absent, en disāt: Ouurez ma
dame: & lors la dame pour la sēblance
de la voix de son mary, luy ouuriroit, et
infinis autres maux & erreurs se ensui-
uroyēt. Que si ie les vouloys tous de-
clarer ce seroit chose trop lōgue. Ainsi
mesme de l'escriture, si toutes les let-
tres se ressembloyēt: vn simple hōme
pourroit escrire en la persone d'un roy
quelq̃ letre adressant à vn gouuerneur
ou chastellain, leq̃l tiēdroit quelq̃ cha-
steau pour icelluy Roy, luy mādāt sur
peine

peine de encourir nostre ire & indigna-
tion, que incontînēt nostre lettre Roy-
ale veue tu donnes, & assignes le cha-
steau q̄ tu tiens pour nous en garde, au
porteur de ladite lettre, & venir incōti-
nēt deuāt nostre royalle p̄sence. Dauā
tage escriuant en la persone du pape, q̄
la p̄sente veue vn tel soit mis en posses-
sion d'une telle Euesché, ou dignité:
Outreplus se pourroit escrire en la per-
sone d'aucun marchand, à quelque sien
facteur estāt en Alexādrie, ou ailleurs
ou il seroit: que la p̄sente veue, & sans
aucune dilation tu dōnes, & payes tant
de ducatz à vn tel, lequelz sōt pour la
valeur, que i'ay icy reccu de luy, des q̄l-
les choses aduiēdroit vn grand mal, &
pour destruire le mōde en vn an. Mais
vous autres aīaux n'aucez riens de tout
cela, ny de ces merueilles ains vous vo⁹
ressemblez tous. C'est à sauoir tous les
lyons se ressemblent, tous les bœufs se
ress.

ressemblēt: tous les moutōs se ressem-
blent. Et pour cela entrevous autres, le
filz à affaire à sa mere, le frere à sa sœur
pēsant que ce soit sa femelle, pource q̃
tous se ressemblēt en la face, & en tous
les autres mēbres. Et pource que vous
vo^r ressemblez à la voix ou cry, quād
le filz de la vache crye: incōtinēt la me-
re s'approche de luy pēsant que ce soit
son masle: & le filz à affaire avec elle
pēsant q̃ ce soit sa femelle: & tout cela
aduient pour autant qu'ilz se ressem-
blēt de cry & de uoix. Telle est la facō
des cheuaux & iumens, lyons & lyon-
nesses. Et en ceste sorte les petizani-
maux, ainsi comme chiens, chatz, ratz
se conduysent. Il appert donc assez
clairement que nous sommes de plus
grande noblesse & dignité que uous
autres.

L'asne respond à frere anselme,
& dit.

g

Fre-

FRere Anselme il me semble claire-
ment que uous estes hors de vostre
memoire: car pour uostre outrecuidā
ce voz parolles sont follies & fanta-
sies & n'entendez la question. Car si
uous estes tous d'une semblance mes-
me aussi tous de diuēses, & quasi infi-
nies volūtez & lāgues, & estes diuisez
en vne chose: en laquelle si uous estiez
sages: ou qu'il y eut en uous quelq̃ dis-
cretiō, Vous deuez estre tous d'un ac-
cord: c'est a sauoir en la loy de Dieu &
en la foy de Iesus Christ son filz, en la-
quelle uous deuez estre sauuez: Car il
ya entre uous autres des mauuais, des
Iuifs, des Chrestiens, des Turcs, des Sar-
razins, des tartares, des sauuages, & au-
tres infiniz, lesquelz n'ōt, ne entendent
aucune loy, & toutesfoys chascū d'eux
dit & croyt qu'il tient & suyt la ueritē
& tous les autres treuuent & suyuent
le mensonge & fauseté: & de cela iure
&

& fait serment, & croyt fermement q^{il}
est ainsi. Autres d'entre uous laissent
Dieu tout puissant, & adorent le So-
leil. Les autres la Lune, Les autres les
ymages & ydoles d'or, d'argent, & de
pierres, lesquelles ne ualent ny ne peu-
uent ualloir tiens ny pour eux-mesmes
ny pour les autres.

Des animaux lesquelz sont to⁹ faits
en plusieurs semblāces, & cōme ilz
sont tous d'une pensée & uolunté à
adorer un seul Dieu qui les a créez

NOus autres avec noz diuerfes sem-
blances, tous d'un accord & d'u-
ne pensée croyons & adorons vn seul
Dieu lequel no⁹ a faitz. Et luy uoyāc
nostre bone & pure intentiō nous dō-
ne à boyre & à māger sans peine, sans
travail de labourer, de semer, ny creu-
ser puyts: & uous autres avec telle & si
belle semblāce q^{uo} dītes auoir pour

ce que uous ne faites pas ce qu'il veut
& commande il ne uous donne a mā-
ger ny a boyre sinon avec grād trauail
& sueur de uostre uisage. Donc frere
Anselme lequel vous semble plus grā
de noblesse & dignité māger & boyre
en lyesse & repos, ou manger & boy-
re en trauail & tristesse. Et quant à ce
que dites de noz semblāces & de noz
uoix, pour raison desquelles dites que
auons affaire avec noz meres, & avec
noz sœurs, uous ne sauez que uous di-
tes: Car nous ne faisons point simila-
bles chose par faute de cognoissance:
mais nous le faisons pource qu'il nous
est licite, & Dieu ne le nous a pas def-
fendu, & le uo^u ueux declarer sy le po-
uez entendre. Frere Anselme ainsi
cōme uous pouez ueoir par claire &
manifeste experience, tous les iours ad-
uient qu'il naistra en une nuyt cent ou
deux cens animaux, ueaux ou cheure-
aux

aux: & le lendemain leurs meres vont
à la pasture, & leurs enfans demeurent
à la maison: & sur l'heure de vespres
au retour de la pasture, combien que
toutes se ressemblent en leurs faces &
en leurs uoix, toutesfoys chascun des
enfans ua tout droit à sa mere s'as qu'il
soit mestier que quelcū leur monstre,
Et ne faudrōt point: c'est à sauoir q̄ nul
d'être eux ne s'adresse à autre qua sa me
re propre. Vous pouez dōc assez clai
remēt veoir que auoir affaire à noz me
res & sœurs n'est pas par faute de co
gnoissance, que nous ayons: mais dieu
la nous a dōnée meilleure & plus par
faite qu'à vous: car vous autres, com
biē que ne vous ressembliez en riens,
ains chascun a sa semblāce & uoix tou
te differēte de l'autre, qui est chose pl^{us}
facile à cognoistre: toutesfoys quand
vous naissiez, ie ne dy pas le lendemain
mais uo^{us} estes ēcore cinq ou six moys

que iournallemēt uoyez uoz peres & meres & avec tout cela ne les cognoifsez & ne fauriez faire discretiō ou difference d'eux avec autres personnes eſtrāges. Mais uous appelez tous les hōmes, que uous uoyez, papa: & toutes les femmes, mama. penſans que to⁹ les hommes ſont uoz peres, & toutes les femmes uoz meres. Dōc bon homme de Dieu quād uo⁹ uoudrez parler pēſez y biē p^mieremt. & uous ne faldrez point. Et ſy uous auez autres raiſons pour puer voſtre faulſe opiniō amenez la en auāt, & uous aurez rñſe

Frere Anſelme dit à l'Asne.

REuerēdiſſime Asne la raiſon pour prouuer que nous ſommes de pl⁹ grāde nobleſſe & dignité que uous autres animaux: & que par iuſte raiſon nous deuons eſtre uoz ſeigneurs: eſt q̄ nous uous uendons & achetōs, nous uous donnons à manger & a boyre & uous

vous gardons de chaut & de froit: des
lyons & des loups: & vous faisons des
medicines quād vous estes malades,
Faisans tout cela pour la pitié & mise-
ricorde que nous auōs de vous. Et nul
cōmunement exerce telles œuures de
pytié, sinon les seigneurs à leurs sub-
getz & esclauēs.

L'asne respond à frere Anselme.

F Rere Anselme vostre raison est de
petite ualeur, car si pour nous ache-
ter & uendre nous deuons estre uoz
subgetz & esclauēs: & uo^r noz seignrs
dōc par semblable raison doiuent estre
les Chrestiens & les Maures, mais cela
n'est sinō force & vsurpation: & ou la
force regne, droit ne raison n'ont lieu.
Et quāt à ce que dites que vous nous
dōnez à manger & boire, & nous gar-
dez de froit, de chaut & de to^r maux:
Vous ne le faites sinō pour le profit
de vous mesmes: car nostre bien est uo

stre proffit & nostre mal est uostre dō
mage: & ne le faites pas par pitié ne cō
passion que ayez de nous, mais uous le
faites de crainte que uous auez q̄ no⁹
ne mourirōs, car par nre mort uous p-
dez les deniers desq̄lz nous auez ache-
tez. Et uous ne beuriez point de lait
ne māgeriez poit de fromage, de beur-
re ny de cresseme, uo⁹ n'auriez point de
laynes pour faire draps: ne de peaux
d'aig-neaux pour faire fourreures ains
mourriez de froit. vous yriez à pied,
& si porteriez les charges à uostre col
cōme bastiers sans nre ayde. Et de ce
q̄ dites que auez pitié de nous, uo⁹ p-
nez les aig-neaux, veaux & cheureaux,
& les enfermez les separans de leurs
meres, & les laissez mourir de soif af-
fin de boire leur lait leq̄l dieu a ordō-
né pour leur nourriture, & en faites fro-
mage cōbien que uous ayez fort bon-
ne eue, & plusieurs & diuerses sortes
de

de uins que uous pouez boyrè. Auez
uons iamaïs veu(frere Anselme) ad-
uenir que aucûs d'entre noz animaux
boyuēt du laict aṽs qu'ilz sont seurez
& qu'ilz ne tettent plus. Mais uostre
gloutōnie & gourmādisie est si grāde q̃
on ne la peut dire ne cōpter, uo⁹ estes
vieux & mangez du laict. Dauantage
qui est encore pis, uous prenez les ve-
aux, cheureaux, & aigneaux & les tuez
& aṽs les escorchez & les mettez par
pièces, uous fricassez leurs fressures &
faites bouillir leur chair dedās le pot &
la rostissez en la presence de leurs pe-
res & meres. ausq̃lz en faites le sembla-
ble lesrostissant en la pñce de leurs filz
& ilz se taisent, & en grande patience
souffrēt toutes ces peines & cruautez.
Ou est donc la pitié & la misericorde
que uo⁹ dites auoir des animaux. plus
uons plez, & plus errez, & faites grād
honte à uous mesme, car les gens uous
esti-

estimēt sage & entēdu, mais ouyāt uos
parolles uous estimēt fol & ignorāt, p
quoy si uous auez autre raison dites la
& uous aurez responce suffisante, &
peut estre telle qu'elle uous fera taire
& rendra muet.

Frere Anselme dit à l'asne.

SEigneur asne l'autre raison & preu
ue que entre nous filz d'Adā som
mes de plus grāde dignité & noblesse
que uous autres animaux, est: q̄ nous
sommes tresingenieux à bastir maisons
tours, & palais pour habiter: les faisās
de plusieurs manieres & facons ronds
quarrez, & de toutes autres formes &
tailles. Et cela par la grād subtilité, &
prudence de nostre entendement. Et
uous autres estes priuez de tout cela.
Et qui fait faire tout cela est digne d'e
seigneur. Et au contraire qui ne fait ou
ne fait faire telles & semblables choses
iustice & raison veullēt qu'il soit subiu
gué

gué & uassal.

L'asne respond a frere Anselme.

FRere Anselme: tāt plus uo⁹ plez tāt plus faillez, ainsi qu'il me semble, et cuydant auoir assez de sauoir uous en estes du tout esloigné: Car s'il y auoit en uous raison ou discretion aucune, uous verriez apertement que toute la louange q̄ uous uous dōnez de la maistrise: uous faites grand folie de le dire & me semble en uerité qu'estes fort rude & foyble d'entendement, & cela est clair à un chascū, pour la sotte louange q̄ uo⁹ uo⁹ dōnez d'edifier: car faisant cōparaïson de toutes uoz œuures aux nostres il semble q̄ ce soit mocquerie.

Cōme l'asne preuue au frere tout le contraire par uiues raisons.

FRere Anselme uoyez uous pas les abeilles cōme en bōne ordōnance & soubz un Roy se gouernent, ainsi cōme assez euidēment uous aydit, &
de

declaré cy dessus, & cōmēt elles fōt & ediffiēt ioliemēt leurs maisons p̄ cōpas les vnes a six quarres, les autres a huit autres a triangles, autres quarrées, & ainsi plus ou moins selō qu'il leur est mestier, & les ediffiēt d'une seule matiere cōme est de cyre: Et les hōmes ia mais ne font ny ne peuuent faire leurs habitations d'une seule matiere, mais il leur faut sablon, chaux, terre, eaue, pierres, boys, fer, & plastre. Et encore apres toutes ces matieres, ont besoing de marteaux, picz, regles, syes, coignees, esquarres, limes, cordeaux, & autres mesures & engins sans lesquelz ne les pourroient bastir ny ediffier. Et les abeilles n'ont en rien affaire de tout cela, tāt est grād leur engin & subtilité, & n'y a hōme au mōde que si gētemēt & ainsi cōpassées & mesurées les puisse faire cōme elles font d'une seule matiere. Les Hyraignes font aussi leurs
ha

habitations & palais tout d'une seule
matiere: c'est à sauoir de beau fil & les
tissent plus delies q̄ soye en diuerſes fa
cons: & à claire voye, lōgues, quarrées
à triangles, rondes, qu'il semble que ce
soyēt crespes, avec plusieurs cordes &
filz, sans q̄lles ayent besoing de fuscau
ny q̄noille, ne desuuydoir, ne tournēt
tes, ne cardes, ne tailleur, ne tisserāt. Et
les filz d'Adam ne peuuēt ny ne sauēt
faire vne aulne de drap, ou de toille sās
lesditz engins. Dōc frere Anselme les
quelz sont pl^r subtilz en leurs œuures
les filz d'Adam ou noz animaux: Cer
tes (si uous n'estes hors du sens) vous
cognoissez bien & clairemēt que noz
aiaux sont plus subtilz beaucoup que
ne sont les hommes. Maintenant dōc
me tairay de peur de dōner fascherie a
treshaut & puissant roy nostre sire, Sē
blable chose des arōdelles touchāt lēdi
fication de leurs habitatiōs, & des au
tres

tres oyseaux à faire leurs nidz sur les
lieux hautx tant proprement faitz q̄lz
semblent bien estre faitz par bōne geo
metrie & mesure. Et par ainsi cherchez
autre raison & pensez bien a prouuer
vostre faulse opinion.

Frere Anselme dit à l'Asne.

Monsieur l'asne sans y pēser ie uo
prouueray qu'entre nous filz d'a
dam sommes de plus grāde dignité &
noblesse que uous autres animaux. Et
ce pource q̄ nous māgeōs les animaux
de la terre, de la mer & de l'air. C'est à
sauoir les oyseaux de plusieurs, & di
uerses sortes, dōt la chose est claire &
certaine q̄ le māgeur est plus noble q̄
n'est pas la chose mangée, par quoy il
appert que nous sommes plus nobles
que uous autres.

Respond l'asne.

EN bouche close (frere Anselme)
il n'y entre mousche. Bō hōme de
dieu

Dieu, il uaudroit myeux queussiez la
bouche close q̃ parlissiez solemēt: dōc
par la vigueur de uſe raiſon les verms
ſeroiēt uoz ſeigneurs, car ilz uous mā
gent, auſſi ſeroient les Lyons & Vou
tours uoz ſeigneurs, & tous les autres
animaux & oyſeaux & les poiſſons de
la mer: car ilz uous māgent: & ſeroiēt
uoz ſeigneurs les Loups, les chiens &
plusieurs autres animaux. Et qui eſt en
core pis, les poux, pulſes, punaiſes len
tes, ſyrōs & autres ſeroiēt uoz ſeigñrs
car to⁹ ceux cy mangent uoſtre chair.
Dites moy donc par voſtre foy ſi vo
ſtre diſpute qui eſt ſans raiſon que uo⁹
puiffiez donner ny aſſigner, eſt ſuffi
ſante.

Comment une mouſche demande
licence à l'Asne pour parler.

Cela dit par l'Asne, voicy vne mou
ſche qui ſe leua ſur pied, diſant à
l'Asne, Tresreuerēd reſpōdāt, cōbien
qu'il

qu'il ne me pcede de grande discretiō
de parler sans qu'ē sois requise: toutes
foys la grand temerité, audace & ambi
tion q̄ ie voys en ce frere ne peut estre
sans que ie luy die quelques raisons, p
lesquelles s'il a peu ou prou d'entēde
ment cognoistra que les animaux sont
de plus grāde noblesse que les filz de
Adam: par quoy uous plaira permet
tre que ie puisse parler à luy.

L'asne respond à la mousche.

MA dame Mousche soubz le bon
Muouloir du Roy nostre sire vous
& tout autre animal qui saura donner
ou assigner aucune raison par laquelle
puisse apparoir que nous autres som
mes de plus grande noblesse & digni
té que les filz d'Adam qu'il la dōne et
profere maintenant.

La Mousche dit:

FRere Anselme, ie ne dy pas les pl⁹
hōnorables, nobles & grands ani
maux

maux: mais encore les pl^r petiz & malostruz sont de plus grãde dignité & noblesse que uous autres. Et premiere ment uous diray de nous autres mousches, dont uous ne faites nul estime, & ne no^r prisez riens, & ceste est la preuue

La premiere preuue de la Mousche.

LE principal & plus grãd seigneur de uous autres filz d'Adam, est le Pape, l'Empereur & le Roy. Et quãd les grandes festes viēent ilz se vestēt & habillēt de riches uestemēs de soye cōme pourpre & ueloux: & se parfument de plusieurs bōnes odeurs, cōme Ambre grys, Cyuette, musc, & autres, & lors en grand orgueil leur semble que au mōde n'y ayt honneur, ny noblesse plus grande que la leur. Et lors qu'ilz ont tant de gloire, nous autres mousches sortās de l'ordure, et ayās les mains ordes & sales, & les piedz embrenez, nous mettōs en la barbe de uo

h

stre pape, Empereur ou Roy, & la no⁹
torchons & essuyōs noz piedz & noz
mains embrenées. Et apres s'il nous
uiēt en uolunté de pisser, ou de chier,
no⁹ chiōs & pissons en leurs barbes &
uestemēs. Et lors sentāt le Pape Empe
reur ou Roy l'odeur de nostre merde,
que nous auons mise en leurs barbes,
disent à leurs seruiteurs, qui sont à len
tour d'eux: sentez uous ceste puanteur
que ie sens? Et respondent que nō, &
ne fait le pouure que no⁹ autres luy a
uons embrené la barbe. Dōc frere An
selme lequel vous semble qui soit de
plus grande dignité & noblesse, nous
autres qui chiōs & pissons en uoz bar
bes, & des Papes, Roys & Empereurs
& nous torchōs les mains & les piedz
embrenés en leurs barbes, & aux vo
stres: ou les filz d'Adam? Certes
vous sauez & cognoissez bien q̄ nous
autres mousches qui sommes des plus
ma-

malostruz animaux qui soient au monde
de sommes de plus grande noblesse &
dignité que uous n'estes entre uous.
Combien donc d'auantage doiuent estre
les plus nobles & grans animaux de
plus grande noblesse & excellēce que
uous autres? Certes qui doute en ce-
la, il est peu sage.

Le moucheron dit au frere.

A Pres que la mousche eut parlé se
leua sur pied un petit moucheron
lequel dit au frere: Frere Anselme la lan-
gue n'a point d'os, & sy parle biē gros
ainsi uous en prent il: car parlāt & di-
sant plusieurs folles & temeraïres pa-
rolles cōtre les nobles animaux ne cui-
dāt riēs dire: mais ce leur est un si grād
desplaïsir qu'ilz voudroient plustost
auoir tous les os & mēbres coupez,
que d'ouyrvoz parolles lesquelles cer-
tes portent la bannière de petit sauoir.

Là raison & preuue du moucheron.

h 2

BOn hōme de Dieu si nous autres q
somes des plus petiz animaux q
soient au mōde, uainquōs & suppedi-
tons uoz Papes, Roys, Empereurs &
autres grans seigneurs, cōbien d'auan-
tage feroient les autres grās & nobles
aiaux, car nous autres entrons en leurs
chābres en despit d'eux: & cōtre leur
uolunté: cryant quand ilz ueullent re-
poser: ne les laissās dormir les mordās
& beuuās leur sang: iusques à ce q̄ en
foyōs saoulz: & leurs faisons tāt de de-
spit, les piquans & mordans que plu-
sieursfoys par le grād desplaisir qlz se
dōnēt de nous, se donnēt eux mesmes
de grans soufflets nous cuydans tuer,
& lors en uollant nous eschappōs. Et
apres retournons tant de foys ql nous
plait: & iusques à ce que soyōs rēpliés
& saoules de leur sang, que seulement
ilz ne se peuuēt deffēdre de no^r. Dōc
bon homme de Dieu taisez uo^r & cō-
sen-

sentez à uostre trefreuerẽd respondãt:
Car selon uostre raison dessusdite que
le mangeur est plus noble & de pl^r ex
cellente dignité que la chose mangée,
il appert assez claiремẽt que nous som
mes plus nobles & plus dignes q̃ uo^r:
Car nous autres mangeons & beuuõs
uostre sang: par quoy appert claire
ment & manifestement uostre opiniõ
& fantasie estre faulse, & non uraye.

La Punaise dit à frere Anselme.

FRere Anselme, dit la Punaise, nous
autres aussi en despit de vous som
mes & habitons en uoz maisons palais
& chambres dedans les couches, litz,
lodiers, materas, couuertes, cuyssins et
linceux: & mãgeõs vostre chair et beu
uons uostre sang, et chyõs en uoz bar
bes et robes vne merde plus puante q̃
la uostre, que seulemẽt ne uous pouez
deffendre de nous: par ainsi pouez co
gnoistre et veoir claiремẽt en quel esti

h 3

me nous uous tenons, et combiẽ nous
uous prions: Car si nous uous prisiõs
ny peu ne prou nous ne uous chieriõs
point sur les barbes. Ou est dõc ceste
uostre noblesse de laquelle faites tant
grande mention; il me semble et à uo^r
mesme doit sembler, si uous uoulez
dire uerité, que nous autres animaux
sommes de plus grande noblesse, que
uous autres filz d'Adam.

Le Poux dit à frere Anselme.

Apres que la Punaise en soy taisant
se fut assise, un Poux se leua sur
ses piedz fort gros et gras disãt: Frere
Anselme nous mãgeons uostre chair,
beuuiõs uostre sang, et de uoz femmes
et enfans et dormons en uoz habillemẽs,
litz, linceux, et chions en uos che-
ueux et barbes, les emplissõs de lêtes,
Et uous ne faites riẽ de toutes ces cho-
ses à nous autres animaux. Il appt dõc
la chose estre claire que nous sommes
de

de plus grande noblesse et dignité que uous autres. La pulce parle.

A Pres que le poux eut acheué sa parolle se leua une pulce deuant frere Anselme disant : tout ainsi que nostre cousin germain le Poux uous a dit, ainsi uous dy ie, que nous autres en despit de uous et contre uostre uolunté dormons en uoz litz et beuuõs uostre sang. Et pour uous faire plus grand despit uous entrons aux aureilles, tellemēt que ne uous laissons dormir ne reposer. et uous embrenons les linceux : uous autres faites les buées et les lauez, a fin qu'ilz soient beaux et netz. Laquelle uous semble dõc plus grande noblesse, la nostre qui ne uoudrions auoir chié sinon en linceux beaux et netz, ou en uoz chemises : ou la uostre qui chiez aux retraitz puans , q uous faites. Et pour la grād puanteur uous estoupez le nez pour la grāde

abomination que uous en auez. Et après faut que uous mesmes ostiez l'ordure desdits retraits: et no⁹ autres ne lauōs point nostre ordure: mais uous cōme noz seruiteurs et esclauēs lauez à belle lessiue et sauon les linceux et chemises ou nous auōs chié, et deuōs chier. Il est dōc assez clair et notoīre que no⁹ sommes de plus grande dignité et noblesse que uous.

Le Cyron dit à frere Anselme.

A Pres que la Pulce eut parlé se leua sur pied un Cyron parlant par grande audace: disant: Frere Anselme le cōmun prouerbe dit: Si tu ueus que ie die bien de toy, ne dys mal da nully: et ainsi par le contraire. Si tu di mal de quelquun, il sera encore dit pis de toy. Pource qu'entre uous filz d'Adam dites que ie suis peu de chose et uaux encore moins. Toutesfoys nous autres q⁹ sommes les plus petiz animaux du monde

de sommes de plus grāde prouesse et ualeur que uous autres: qu'ainsi soit la chose est claire que nous nous couurons dedās uostre chair, & pour la grāde mangeaïson que nous vous dōnōs uous grattez & frottez de sorte q̄ plusieurs foys uous escorchez & esgratignez uoz chairs, que ne uous pouez garder ne deffendre de nous. Il est dōc assez notoire & euident qu'entre nous animaux sommes de plus grande noblesse & dignité que uous.

Le Verm des dens machelieres dit.

A Pres que le Cyron eut parlé se leua un Verm des dēs machelieres me disant ainsi: Frere Anselme uous sauez assez combien de trauaux & molestes nous uous auons donné l'an passé, tellemēt que uous auons laïssé bien peu de dens dedans la bouche: p quoy ainsi cōme par experiēce auez esprouué par uous mesme, sauez que en pareil
reil

reil cas faisons encor pis tous les iours
à uoz propres Roys, Empereus & au
tres grans seigneurs, leurs donnât tât
de fascheries & douleurs, que ne les
laissions dormir ne reposer. Et pour la
grande & extreme douleur que nous
leur faisons plusieurs foys souhaytent
la mort, Et par q̃lques medicines qlz
prennēt ne peuuēt iamais guarir iusq̃s
à ce qu'ilz les facent arracher. Et en ce
ste maniere les faisons estre sans mar-
teaux & sans dens en la bouche. Pour
laquelle chose ilz perdēt la moytié du
plaisir du manger: car ilz maschent les
uiandes en grand' peine & trauail, &
ne peuuēt manger sinon uiandes mol-
les, qui leurs est grād desplaisir & me-
lancolié, dōt ilz ne se peuuēt defendre
de nous. Il appert donc manifestemēt,
que nous auons plus de souueraineté
sur uous, que uous sur nous. Et par cō-
sequēt sommes de plus grāde noblesse
se

se & dignité que uous. Respōdez à ce
ste heure sy ce que moy & mes cōpai-
gnōs uo^r auōs dit est uray ou faux car
pour certain uous n'estes si gros ny si
rude d'ētēdemēt, q̄ ne le cognoissiez.

Frere Anselme pense, & dit en soy
mesme.

A Pres que i'euz ouy les parolles
desditz sept animaux ie fuz fort
troublé & à demy hors d'entendēmēt
uoyant clairement leurs preuues estre
vrayes, & n'ayant que dire cōtre icel-
les ie dy en moy mesme. I'ay bien esté
peu aduisé, & encore moins sage: que
ie ne me suis donné pour uaincu à l'as-
ne plustost que maintenant manifeste-
mēt me faille dōner & tenir pour uain-
cu de si malostruz malheureux & mes-
chantz animaux, comme sont les sept
dessusditz: Car encor est ledit Asne de
plus grand hōneur entre nous autres
filz d'Adam, que ne sont les deuārdits
ani

animaux. Cōme ainsi soit que la plus
grāde part des pphetes cheuauchoiēt
sur Asnes & Asnesses: cōme le pphe-
te Balaam, & sur un Asne estoit la biē
heurée uierge Marie fuyant avec Jo-
seph & Iesus Christ en Egypte pour la
crainte de Herodes. D'auātage nostre
seigneur Iesus Christ filz de Dieu eter-
nel entra sur un Asne en Hierusalem.
Dōc p toutes ces raisons ont esté meil-
leur & plus hōnorable pour moy que
ie me feusses dōné pour uaincu à l'asne
que a present, q̄ par forme & vigueur
de raison faut que ie me dōne & tiēne
pour uaincu aux sept animaux deuant
ditz. De laq̄lle chose ie uins à suer d'a-
goisse & de la grād destresse que i'en-
duroye, ne pouant contester ne cōtre-
dire. Voulant donc me dōner & tenir
pour uaincu aux sept petiz animaux de-
uant ditz: & moy pensant en la respon-
ce que ie deuois faire sortir l'asne avec
telles

telles parolles .

L'asne dit à frere Anselme.

FRere Anselme il me semble à uostre cōtenance que uous ayez sommeil: & que uouliez dormir. vo⁹ auez ouy les parolles de noz sept petiz animaux: Combien que uous n'ayez à respondre sinō à moy, & à mes raisons. Et pource si uous reste aucune autre raison pour prouuer uostre faulse opinion, dites la maintenāt & uous aurez suffisante & uraye responce.

Frere Anselme dit ces parolles.

INcontinent que ie euz ouy les parolles de l'Asne, ie fuz semblable à un hōme qui retourne de mort à uie & de mortelle maladie en santé: & me sembloit que ce fust un Ange q̃ Dieu me eust enuoyé, & luy dy ainsi. Seigneur Asne la raison pour laquelle nous sommes de plus grande dignité & noblesse, est que quand nous mourons, l'ame

ne

ne meurt point. & auons resurrection,
& entrõs en paradis, auquel lieu auõs
gloire infinie: & uous autres animaux
n'auetz riens de cela: car quand uostre
corps meurt, uostre ame meurt aussi
ensẽble: & n'auetz resurrection ne gloi-
re: & cela est un grand degré & digni-
té de seigneurs: Il appert dõc euidentem-
ment que mon opinion est uraye, &
non faulse.

L'asne respond à frere Anselme.

FRere Anselme un mauuais enten-
deur conturne les parolles à re-
bours Ainsi faites uous : car uous li-
sez l'escriture & ne l'entendez , car
comme dit le sage Cathon frere Ansel-
me: que lire & non entẽdre ce n'est pas
lire mais est despriser le bien. Vous
saez bien que Salomon qui a esté le
plus sage que iamais ayt esté entre les
filz d'Adã dit en son Ecclesiasti. ca. 3.
Qui est celuy qui fait , si les ames des
filz

filz d'Adam montent en haut, & les a-
mes des iumēs & autres animaux de-
scēdent en bas : cōme s'il vouloit dire
nulne le fait sinō celuy q les a crées. Et
uo⁹ asseure frere Anselme que vostre
pler est peu sage en cela, Voulez uo⁹
determiner ce q Salomō met en doub
te parlant sagemēt? Et quantā ce que
dites que entrerez en paradis, apres
la resurrection: aussi ira il la plus grād
partie de uous en enfer au feu eternel
& perdurable, ou urayemēt iamais le
feu ne cessera, ny les uifz ne mourrōt
ainsi cōme dit l'escriture. Et desirerez
que feussies mort au uētre de uoz me-
res: & peu de uous autres irōt en para-
dis: car ainsi le dit l'Euang. saint matt.
20. disant : Que plusieurs sont appel-
lez: & peu esleuz. Et Daud le pphe-
te au psal. 15. dit : Seigneur dieu qui se-
ra celuy qui habitera en tō tabernacle?
C'est à sauoir en paradis. Respōd dieu
Celuy

Celuy qui chemine sans macule; c'est à
fauoir sans peché: ainsi que sommes en
tre nous. Si uous auez donc aucune au
tre raison pour prouuer uostre faulce
opiniõ estre vraye: dites le moy, & uo⁹
aurez telle responce que ie uous feray
taire.

Frere Anselme dit à l'asne.

Seigneur Asne l'autre raison q nous
sommes de plus grande noblesse &
dignité que uo⁹, est, que nous sommes
faitz & créez à l'image & semblâce de
Dieu, & vous autres nō. Et cela est un
grand & superlatif degré, pour laquel
le chose il est saint & iuste que nous
soyōs uoz seigneurs, & que uous no⁹
soyez subgetz & uassaux.

Respond l'Asne au frere.

Frere Anselme qui beaucoup parle
souuent erre: ainsi uous en prent il,
& cuydez auoir vaincu la questiō par
la susdite raison: C'est à fauoir que uo⁹
dites

dites que estes faitz à l'image & sem-
blance de Dieu, & nous autres nō. Ne
saluez uous pas que uoz pechez met-
tent en auāt ce que uous dites. Bō hō.
me de Dieu pensez uous uous autres
filz d'Adam que dieu soit fait à uostre
semblāce: la ne plaise à Dieu: car dieu
n'a ne teste n'yeux: ne bouche, ne mais
ne piedz, & d'auātage il n'est pas cor-
porel. mais uous (frere) uo⁹ fondez sur
ceste autorité qui est en Genese q̄ dieu
dit: Faisons l'hōme à nostre ymage &
semblance. Et sans nulle doubte il est
uray, & n'y a q̄ dire en cela, mais uous
ne l'entendez ne sauez comme elle se
doit entendre. Toutesfoys combien q̄
ie n'aye esté aux estudes à Paris, ny à
Boloigne cōme uous: le uo⁹ declare,
ray maintenant trespuidemniēt si uostre
rude esprit le fait ou peut entēdre. Ou-
urez donc maintenāt les aureilles pre-
nant garde à mes parolles, & uous uer-

rez cōe se doit être ladicte autorité.

L'asne declare cōe au corps de l'hōme y a douze conduitz à la semblance des douze signes.

SAchez frere Anselme que les philosophes disent & affermēt que l'hōme doit estre appelé petit monde, & ainsi le nomment en leurs liures. Et ce pour autāt que cōe ilz disent, il se treuve en l'homme tout ce qui est au grād monde, C'est à sauoir au ciel, & en la terre: car tout ainsi cōme au ciel a douze signes, aussi en l'hōme trouuerrez douze conduitz. Premièrement deux aux oreilles, deux aux yeux, deux au nez, un de la bouche: deux aux māmelles: un au nombril, & deux aux parties inferieures.

Icy l'Asne parle des quatre elemēs.
TOut ainsi cōme au grand mōde a quatre elemēs, c'est a sauoir le feu l'air, l'eau, & la terre: Ainsi au petit monde

monde de l'homme a quatre membres
C'est à scauoir le Cerueau, le Cœur,
le foye & le poulmon, & ainsi comme
par lesditz quatre elemens est regy &
gouuerné tout le grand monde ainsi
par lesditz quatre membres est regy
& gouuerné tout le petit monde, c'est
à sauoir le corps de l'homme & ainsi
comme par les humeurs, vapeurs, froi-
dures & humiditez qui montent haut
en l'air se concrèent & engendrēt (ap-
prochant le mouuemēt du ciel, & des
planettes) uens, tonnerres, pluyes: ain-
si montent les uappeurs des parties in-
ferieures aux parties supieures, & font
uēt comme rotter, tonnerres cōme l'e-
sternuer, & le toussir, & pluyes ainsi
comme sont les larmes, & la salyue. Et
pour briefuement parler, la chair du
corps de l'homme est semblable à la
terre: car il est crée de terre, & en terre
doit retourner: les os sont comme les

mōtagnes, les aureilles comme les my
nes des metaux, qui sont aux concav
tez & interieures pties des montagnes
le vètre est comme la mer, les boyaux
sont comme les riuieres, les ueynes cō
me les sources & fontaines, la chair cō
me la terre, ainsi que ie uous ay dit, &
les poilz & cheueux cōme les herbes
& plantes. Et les parties ou il ne croit
point de poil sont ainsi que la terre sal
lée & argilleuse, ou il ne croit iamais
herbes.

L'asne declare à quoy est cōparée la
partie de deuant du corps de l'hōe.

DAuātage le uifage & la partie de
deuant du corps de l'homme est
ainsi que les parties peuplées & habi
tées du grand monde car ainsi comme
lesdictes parties sont peuplées de Vil
les Villages & chasteaulx ainsi est peu
plée & habitée la partie de deuant du
corps de l'homme. C'est assauoir de
nez:

nez, bouche, mammelles, nombril ensemble les patties inferieures & les mains & les piedz.

A quoy est comparée la partie de derriere du corps de l'homme.

L'Eschine & la partie de derriere du petit monde . C'est a sauoir du corps de l'homme est ainsi comme les parties du grand monde qui ne sont peuplées ny habitées. Dauantage la partie de deuant du corps de l'homme est ainsi comme le leuât: Et le derriere est ainsi comme le poient la main dextre est comme le midy & la fenestre est cōme septentrion, l'esternuer, cryer, toussir & le bruit & rumeur que font les boyaux sont comme les tonnerres ainsi que dessus vous ay dit & declaré. Et les larmes, la salie & l'urine sont ainsi que la pluye: le rire est cōme la clarté du iour. Le pleurer comme l'obscurité de la nuit. Le dormir cōme la mort.

Le ueiller, comme la uie. Le temps de la puerilité, comme le printēps. L'adoleſcence, comme l'eſtē. La ieuneſſe cōme l'autonne. La uieilleſſe comme l'yuer. Et auſſi comme le grand monde eſt regy, & gouuerné par noſtre Seigneur Dieu, ainſi le petit monde, c'eſt à ſauoir le temps d'authonne eſt regy & gouuerné & ſeigneurie par l'ame intellectiue qui fait dudit corps ce qu'il luy plait. car au meſme point & heure que l'ame ueut q̄ le corps s'arreſte, incōtinēt s'arreſte. Et au poinct que l'ame ueut que le corps ſe leue, il ſe leue. Et auſſi generalemēt au poinct que ueut faire aucun mouuement au corps ainſi comme eſtendre les piedz et les mains enſemble ou les clorre ou fermer, ou ouurir les yeux, ou ſauter, ou courir, ou autre mouuement plus grand ou petit, incontnēt eſt fait & acōply, ſans qu'il faille ou ſoit beſoing, que

que l'ame face au corps aucun parler-
ment, ne luy donne signe ou enseigne,
mais au mesme point & instant que l'a-
me ueut, que aucuns desditz mouemēs
seront faitz, le uouloir, & le fait, sont
tout un. Tellement qu'il n'est besoing
que l'ame dye aux yeux fermez uous,
ou dye aux iambes courez: ou aux au-
tres membres: faites ainsi, & ainsi: mais
comme ia uous ay dit, le uouloir, & le
fait sont tout un.

L'asne declare comme ladite aucto-
rité se doit entendre.

Dieu tout puissant au poinct & in-
stant qu'il ueut & luy plait qu'il
soit fait quelque chose au monde plus
grād, c'est à sauoir au ciel ou en la ter-
re, incontînēt au mesme poinct, & au
mesme momēt est fait & accōply, sans
qu'il luy soit besoing de dire: telle cho-
se soit faite, mais au mesme instāt qu'il
le ueut, & luy plait que quelque cho-

se soit faite, au mesme point & instant
est fait & accompli; tellement q̃ le uou-
loir & estre fait sont tout un. Et ainsi
fait l'ame intellectiue en ce monde pl^o
petit, c'est à sauoir au corps de l'hōme
& en ceste manieres' entend ladite auo-
rité. C'est à sauoir: faisons l'homme à
nostre ymage & semblance: car il par-
le de l'ame. C'est à sauoir que ainsi cō-
me Dieu fait tout ce qu'il luy plait au
mōde pl^o grād, c'est à dire au ciel & en
la terre, ainsi & par semblable maniere
fait l'ame au monde pl^o petit, c'est à di-
re au corps de l'homme: tellement que
uostre ame intellectiue en ceste manie-
re est faite à l'ymage & semblance de
Dieu.

L'asne declare comme en l'ame in-
tellectiue y a trois puissances: les
comparans à la sainte Trinite, & dit
que pour cela ladite ame est faite à
l'ymage & semblance de nostre sei-
gneur

gner Dieu.

FRere Anselme, pource que (cōe il
me semble) uo⁹ ne m'ētēdez assez
bien touchāt ladite auctorité, ie la uo⁹
declareray en autre maniere par quoy
prenez garde à mes parolles, selon q̄
disent les philosophes, & aucuns do-
cteurs en medicine, l'ame de l'homme
n'est autre chose sinon trois puissances
c'est a sçauoir, memoire, sens & uolūtē.
Et ces trois puissances font une ame.
& aīsi cōe de Dieu le pere nayst le filz
& du pere & du filz egallemēt proce-
de le saint esprit. Ainsi en semblable
maniere de la memoire nayst l'entēde-
ment, & de la memoire, & de l'entēde-
ment egallement procede la uoluntē.
Et ainsi cōme la psonne du pere, n'est
pas celle du filz, ne celle du filz, celle
du saint esprit: ne la personne du saint
esprit, celle du pere, ne du filz. Ainsi l'a-
cte de la memoire n'est pas en l'entēde-
ment

ment: ne l'acte de l'entendement n'est pas la uolunté, mais ainsi ces trois puissances fōt une ame intellectiue. voyez frere Anselme cōme l'ame intellectiue est faite à l'ymage & semblāce de dieu Et en ceste maniere s'entend l'adite. autorité. C'est à sauoir: faisons l'homme à nostre ymage & semblāce. D'auantage (frere Anselme) sinon q̃ uo⁹ soyez tāt outrecuydé que ne puissiez un peu penser auant que parler, par uostre raison mesme, c'est à sauoir que uo⁹ estes faitz à l'ymage & semblance de Dieu. Je uous ueux puer que nous autres animaux sommes p droit de plus grād dignité & noblesse que entre uous filz d'adam: Car uous dites que uous estes faitz à l'ymage & semblance de Dieu. Et nous autres pouons dire, & telle est la uerité que non tāt seulemēt dieu mais encore les saintz sont faitz a nostre ymage & semblance, & à celà ne
pou

pouez contester ne cōtredire: car entre uous filz d'Adā paignez dieu tout puissant a la semblance d'un aigneau. & paignez les euāgelistes qui sont les saintz principaux que uous ayez a la semblance de noz animaux: car uous paignez saint Luc à la semblance d'un boeuf ou thoreau. Et saint Jean à la semblance d'un Aigle. Et saint Marc a la semblance de la seule uictoire. Et chantez à Pasque une prose qui dit, que Iesus Christ s'est leué avec grand puissance, & d'aigneau q̄l estoit s'est fait lyon par uictoire solennelle. Doncq̄s frere Anselme laq̄lle uous semble plus grā de noblesse & dignité, la uostre q̄ estes faitz à l'ymage & semblance de Dieu, ou la nostre, qui auons Dieu, & ses saints semble a nous. Ainsi donques comme uous mesmes chantez a Pasques, & paignez par toutes les eglises Certes si uous n'estes hors du sens uo²

co.

cognoissez clairemēt que nous sōmes
de plus grāde dignité & noblesse que
uous n'estes, par quoy cherchez autre
raison pour prouuer vōstre faulse opi
nion estre uraye.

Frere Anselme respond.

R Euerēdissime Asne l'autre raison
par laquelle nous sommes de plus
grande dignité & noblesse que uous,
est, que nous auons ordres, religions
& conuens de Cordeliers & freres mi
neurs, Iacoppins & freres prescheurs,
Augustins & Carmes & plusieurs au
tres, qui seroient longz à racōpter, aus
quelz il ya plusieurs saintz hōmes me
nans sainte & hōneſte uie. Et lesquelz
pour seruit Dieu ont laisse & abādon
né tous les plaisirs mondains: uiuantz
chastement: & ne prennent iamais fem
mes, cuitans les pechez, principalemēt
lès sept pechez mortelz. Et entre uo^s
n'avez riens de cela, qui est un-degré
de

de grande dignité, noblesse & sainteté
par laquelle chose est prouué clairement
que nous autres filz d'Adam sommes
de plus grande dignité & noblesse, q̃
uons autres animaux.

L'asne respond à frere Anselme &
luy parle des conuens, ordres, Reli
gions & monasteres.

FRERE Anselme uous uoulez touf
iours de plus en plus que ie uous
chante uostre lecon. Bõ hõme de Dieu
uons me cõtreaignez de dire ce q̃ uous
ne uouldriez. Mais tenez le secret car
c'est vostre grant honte & vitupere.
Et pourtant ne saches gré à ma respon
ce car ie uous pourrois un peu char
ger le bast, parlât tousiours verité. Fre
re Anselme ainsi comme uous scauez
que depuis la mort de saint Francoys
de saint Loys de marceille, et de saint
Anthoine de padoue qui furent freres
myneurs iamais ne s'est trouué en l'or
dre

dre vng frere qui ayt esté saint ainsi
de mesme apres la mort de saint Do-
minique, de saint Thomas Daquin, &
de saint Pierre le martyr qui furēt fre-
res p̄scheurs ne s'est iamais trouué au-
dit ordre un frere qui ayt esté saint. &
pour nō prolonger mō sermon & par
lemēt il ne faut plus parler de tous les
autres ordres, ny des prestres & secu-
liers ny de leurs œuures peu iustes &
encor moins bonnes. Et ne treuve au
monde aucune differēce d'eux aux hō-
mes mōdains, sinō que les hōmes mō-
dains ne prennent qu'une seule femme
pour espouse, luy escriuant le traité de
mariage, & luy dōnant l'aneau: Et les
moynes en prennent tāt qu'ilz en ueul-
lent, sans mettre par escrit aucun traité
ny dōner aneaux. Et telz sont les moy-
nes specialemēt & la plus part des nō-
nains & dames de religion. Et l'autre
partie sont femmes mariées, uesues, &
pu-

pucelles, & soubz l'habit de deuotion
plusieurs & souuentesfoys donnent
eschec pour Roc à ceux qui ont le bec
saune. En ceste maniere font souuent
bonne buée sans lessiue, ainsi cōme fit
un frere prescheur à une bonne dame
se confessant à luy, mais pour le faire
court me tairay de tout leur fait, cōme
il fut ne cōme ne fut point. Lors que
l'Asne uouloit poursuyure sa respōce,
le Roy des animaux luy dit.

Le Roy des animaux parle.

BEau respondāt, il plaira à uostre sei-
gneurie sauoir le fait du frere pres-
cheur, & comme il fut avec la bonne
dame & ne uous souciez sy frere An-
selme ne uous en fait gré : car l'exēple
dit. Que qui dit mal, le ueut ouyr, &
pourtant qu'il a dit mal de nous, la rai-
son ueut que le semblable luy soit fait.
& incōtinent que l'Asne eut ouy parlé
le Roy, se tournant uers moy dit ainsi.

L'as

L'asne commence à descouurir les mauuaises oeuvres & faictz des Religieux disant ainsi.

SAchez frere Anselme qu'il y a vne Isle en Cathelogne nōmée tarragōne & anciennement estoit appellée secondine car en grandeur elle estoit appellée seconde apres la cité de Rome. Et cela appert encore auiourd'huy estre ueritable par les grans, antiques & sumptueux edifices qui sont encore de present en estre par toute la cōtrée de ladicte cité. Et trouuererez frere Anselme que hors de ladicte cité a un conuent de freres prescheurs auquel conuent auoit un religieux appelle par son nom frere Iehan iuliol. Et estoit ce frere iuliol un beau gallant de sa personne fort bien faict & proportionne de tous ses membres. & de grande eloquence de laquelle chose tout le peuple de tarragōne luy uoloit grād bien

bien & le tenoyent en grand estime & reputatiō, tellemēt que les principaux de ladite citē se cōfessoient a luy, ensemble leurs femmes & enfans. En ladite citē auoit un hōme de bien nōmé Iehā desterliers, leq̃l auoit pour femme une bōne dame appelée par son nom, madame Tecle, & estoit ledit Iehā hōme fort spirituel & deuot, & sa femme de mesme. Et estoit une des belles dames de toute la citē, tellemēt qu'il sembloit par sa beauté que ce fust un ange de la haute hierarchie.

La dame parle à son mary.

VEnu le Careme (frere Anselme) & uoyāt ma dame Tecle q̃ ses uoïnes alloiēt iournallemēt a cōfesse, dit a son mary: Seignr, desia dix iours du Careme sont passez, & ne me suis en cor point confessée, Par quoy si uous plaisoit ie y uoudrois bien aller. De ceste chose le mary eut un souuerain

k

plaisir uoyāt sa bonne intētīon , & respondāt luy dīt: Dame ie suis trescontent q̄ vous alliez à confesse: Toutesfoys pource que uous estes ieune & innocente, & ne uous cōfessastes iamais, & pource que uous ne sauez pas la maniere de uo^r cōfesser, ie ueux q̄ uo^r alliez cōfesser à frere Iehan Iuliot de l'ordre des freres prescheurs, car il est mō confesseur, & est hōme de bien & bien sauant en son prescher, & à confesser fait merueille: & fait fort bien demander les pechez, & iceux biē examiner. Et pource que ne le cognoissez uous le demanderez, & on le uous monsterrā, & luy direz que ie uous ay enuoyé à luy afin qu'il uous confesse.

Cōmēt ma dame Tecle s'e ua au cōuent des freres prescheurs, & demāde frere Iehan Iuliot, lequel luy fut monstre.

Incō

INcontinēt que ma dame Tecle eut
luy les parolles de son mary elle af-
fubla son mâteau, & s'en alla droit au
cōuent des freres prescheurs. Et cōbiē
q̄ ladite dame passast toutes les autres
en sa beauté, elle estoit toutesfoys af-
sez sotte & rude d'entēdement, & à la
bonne foy croyant q̄ tout ce qu'on luy
disoit fut uerité. Soudain qu'elle fut ar-
riuée audit cōuēt, elle demāda aṽs fre-
re Iean Iuliot, lequel incōtinēt luy fut
monstré. Lors ma dame Tecle luy bai-
sant les mains dit: Mōsieur frere Iuliot
mō mary m'a enuoyée à uous, afin que
me mōstriez cōe ie me doy cōfesser.
Voyāt frere Iuliot la beauté de la da-
me, & cognoissant à son parler qu'elle
estoit lourde d'entēdemēt fut fort ioy-
eux, & dit à soy mesme: Certes ie uous
mōstreray si bien à uous confesser que
d'icy en auāt ne sera besoing que autre
uous mōstre. Et lors il la feit entrer en

un coing & siege de l'eglise, ou il auoit accoustumé de cōfesser, & estoit ledit coing & siege fort secret & obscur: tellement que ceux qui estoient dedās ledit siege uoyoyent ceux q estoient dehors & ceux de dehors ne uoyoyent point ceux qui estoient audit siege pour la grāde obscurité d'iceluy.

De la confession que fit frere Iuliot à ma dame Teclē.

INcontinēt luy demāda frere Iuliot si elle auoit aymé quelquū, & elle respond. Mōsieur, ie ne doubte point q pour ma grād beauté plusieurs ne soient amoureux de moy: mais q ie soye amoureuse de quelquun, ie ne le fus ia mais: car mō mary me dit, que la dame qui ayme autre hōme que son mary, les uieilles forcieres uiēnent la nuyt & la prennēt & la mettent en un sac, & la gettent dedās la mer. Et pour ceste raison ie ne fuz iamais amoureuse, ny ay uou

uoulu biē ny porté amour à autre qu'à
mō mary de pœur d'ētrer au sac. Incōti
nēt que frere Iuliot ueit que la tēdret
te estoit ainsi legiere de poys, il eut un
singulier plaisir, & dit en soy mesme.
Sans faute ie uo⁹ mettray auiourdhuy
en tel sac que d'icy en auāt uo⁹ naurez
pœur du sac des uieilles: & lors luy de
manda: Ma fille combien ya il q̄ uous
estes avec uostre mary: & elle respōd:
Monsieur il y a auiourdhuy six moys,
qu'il me print à femme. dit frere Iuliot
Ma fille, en ces six moys combien de
foys a eu affaire uostre mary avec uo⁹:
& elle respond. En uerité monsieur ie
ne le uous pourroys iamais dire rāt de
foys me l'a fait de nuyt & de iour, que
ie n'en ay sceu tenir cōpte. Incōtinēt q̄
frere Iuliot eut cogneu qu'en ceste re
sponce la dame estoit un peu douce
de sel dit en son cœur. Certes uous ne
fortirez d'icy iusques a ce qu'ayez fait

la raison. Et lors se mōstrant fort trou
blé luy dit. Quelle chrestienne estes uo⁹
qui ne tenez cōte des foys que uostre
mary le uous a fait: combien que par
droit en ayez a donner le disme au cō
fesseur a qui uous uous cōfessez. Com
me pourray ie donc prendre le dysme
de uous, si ie ne say cōbien de foys uo
stre mary a eu affaire avec uous: Cer
tes uous meriteriez grāde peine & pe
nitence: Incontinent que ma dame Te
cle eut ouy les parolles de frere Iuliot
elle luy dit en plourāt. Mōsieur ie uo⁹
prie pour lamour de Dieu me uouloir
pardonner: car moy pouurette suis tō
bée ignorammēt en ce tant grand pe
ché, & ie uous prometz en uerité que
d'icy en auāt ie y prendray bien garde
& conteray combien de foys mon ma
ri le me fera. & les marq̃ray avec mes
patinoftres, afin que ie ne les oublie,
& chascune foys qu'il le me fera ie y fe
ray

ray un noud. Et pource monsieur que
mon mary fait, que ie ne fay riens de
telles choses m'a enuoyée a uous, a fin
que me mōstriez. Incontinent que fre
re Iuliot ouyt les parolles de la ieune
dame il eut grand ioye, car il cogneut
clairement qu'elle estoit de simple uo
lūré, & pour la conforter luy dît. Ma
fille de Dieu & de moy uous soit par
donné & ne plourez plus, ny ne uous
donnez desplaisir : Car ie y donneray
bō ordre a tout. & feray le comte a ce
ste heure. Et s'il y a quelque peu plus
ou moins, cela n'y fera riens.

Du compte que feit frere Iuliot a
ma dame Teclé.

MA fille selon uōstre dire il y a au
iourd'huy six moys que uo^r auez
esté espousée. Et pour lamour de uo
stre mary & de uous ne cōpteray que
trente iours pour chascun moys, com
bien qu'aucuns en ont trente & un

iours. & selõ ce que uous dites il uous
l'a fait tant de foys de nuyt & de iour q̃
n'en auez sceu tenir le compte. Voyez
toutesfoys que pour l'amour de uous
ie ne mettray sinõ à raison de une foys
tant la nuyt q̃ le iour, q̃ seroit six foys
trente qui est en somme toute cēt qua-
tre uingtz foys, & le disme ma fille est
de dix une : par quoy il m'en appar-
tiendroit dixhuit foys: & plus de dix-
huit autres uous en ay laissẽ & dauan-
tage pour lamour de uostre mary, qui
uous a adressẽe à moy: Alors ma da-
me Tecle luy baissant les piedz luy dit.
Monsieur cent mille mercys uous rēs
de uostre courtoysie par laquelle sans
aucũe precedẽte cognoissance m'auez
fait tant de grace. Et pourtant mōsieur
au nom de Dieu pensez de prẽdre de
uostre disme toute telle part qu'il uoũ
plaira.

Comment frere Iuliot commenca
a prẽ-

a prendre le disme.

VOyant ce ledit frere la getta gēte-
ment à terre, & print d'elle le dis-
me de uingt foys : & ayant print le-
dit disme dit à la dame: Ma fille voyez
que ie suis maintenant payé de uingt
foys, & ne me ueux pour le pñt payer
de plus: car uous ne le pourriez souste-
nir pour autant qu'estes foyble a cau-
se du ieusne. Mais si plaist à Dieu ie
uous iray uisiter a la maison, & pren-
dray chascū iour le reste du disme. Mō
sieur dit la dame: le prendre & le lais-
ser est en uo°: car ie ne suis point si sot-
te que ne uous puisse bien payer de vo-
stre disme: & pour uous dire verité ie
ne uoudroys riēs deuoir de reste si pos-
sible estoit: par quoy ie uous prie, que
le plustost q̄ pourrez prenez de moy
le reste du disme. Et apres que frere iu-
liot luy eut demādé ou elle demouroit
la ua absoudre de tous ses pechez. luy
di-

disant ce que s'ensuit.

De l'absolutiō que feit frere Iuliot.

VOyez ma fille, maintenant par ce
ste cōfession estes absoulte devez
pechez: & estes aussi pure & nette que
le iour que naiquistes du ventre de vo
stre mere. A la charge & conditiō tou
tesfoys que uous teniez secret tout ce
qui a esté entre uo^r & moy en la con
fession. Vous faisant a sauoir que qui
reuele ou descœure. le sacrement de
sainte confession, la lāgue luy est coup
pée, & apres sa mort ua à cēt mille dya
bles, & ne voyt iamais la face de Dieu.
Respond ma dame Tecle, & dit: Mon
sieur, ne plaise à Dieu que ie dye riens
de la sainte confessiō. Toutesfoys mō
sieur ie uous supplie n'oubliez de ueir
en ma maison pour prendre le reste du
disme. Et cela dit luy baïsa les mains,
& print cōgé de frere Iuliot, & s'en re
tourna en sa maison.

Ce

Ce que dit le mary à la femme au re-
tour de sa confession.

EStre arriuée en la maison trouua s^o
mary qui l'attēdoit pour dīner, &
luy dit: Dame bien uous soit de la cō-
fession, que uous semble (dit il) de fre-
re Iuliot, & de sa maniere de cōfesser?
Certes, dit elle: il est bien parfait hom-
me & tresbon confesseur: & homme q̄
fait fort bien demāder & examiner les
pechez. Et quant à moy, dit elle, seign^r
iamais ne me uouldroys confesser à au-
tre qu'a luy, tant y ay trouué de plaisir.
Pour ce, dit le mary uous enuoyay ie à
luy: Car ie say qu'il est hōme fort pru-
dent & discret a examiner les pechez.
Et cela dict, ilz dīnerent avec grand
soulas & ioye.

Cōe le frere print le reste du dīme.

APres peu de iours frere Iuliot uīt
uisiter ma dame Teclē, & print de
elle vne p^{te} du dīme, & ainsi de iour
a au

a autre fait tant de uisitacions qu'il feut
tresbien acheué de payé dudit disme.
Voyla (dit l'Asne a frere Anselme) la
sainteté qui est aujourdhuy en uoz re-
ligieux que cy dessus auez nōmez bō
homme de Dieu. Vous feriez bien de
uous taire, & uous tenir pour uaincu,
& si uous ne le uoulez faire, tenez uo^r
asseuré q̄ ie parleray & uous feray tel-
le responce que uous en aurez peu de
plaisir. Et uous fay a sauoir a fin que
ne soyez trompé, que ie fay tant des
affaires des religieux qu'il uo^r semble
ra que i'aye esté conuentuel ou religi-
eux en chascune desditz ordres.

Frere Anselme respond sur la mau-
uaise confession de Frere Iuliot.

Monsieur l'Asne. La meschanceté
faite par ledit frere Iuliot ne fait
rien au preiudice des autres religieux,
ny de leurs saintetez. Ainsi comme le
peché de ludas qui uendit nōstre sau-
ueur

ueur Iesus Christ ne fut en preiudice
des autres apostres: Car Iudas par son
œuure meschante est puny en enfer, &
les autres apostres par leurs bonnes &
saintes œuures sont colloquez en para
dis. Par semblable maniere sera ledit
frere Iuliot puny en l'autre monde, &
les autres bons religieux seront guer
donnez de leurs bonnes œuures. Da
uantage seigneur Asne ainsi cōme uo⁹
saez, le peché de luxuré est tant natu
rel, qu'il n'y a homme au monde (si ce
n'est par speciale grace de Dieu) qui
s'en puisse excuser. Et apres la beauté
de la femme qui est uray poison & ue
nim mortel, qui enuenime la ueuë de
l'homme, & la fait tousiours cheoir &
tūber audit peché. Et mesmement uo⁹
saez que la femme trompa nostre pe
re Adam; qu'elle trompa le grād Roy
Dauid, elle trompa le grand sage Salo
mon, elle trompa le noble & fort Sam
son.

fon. Et ainsi que ledit frere Iuliot n'auoit tāt de perfection que nostre pere Adam, ne si grande seigneurie que le Roy Dauid, ne tant de sagesse que Salomon, ny tāt de force que Samson: lesquelz tous avec leur perfectiō seigneurie, sagesse, & force ne se leurēt ne peurent contregarder des femmes. Vous deuez tenir pour excusé ledit frere Iuliot. Ioint que ainsi que uous. avez dit cy dessus la beauté de ladite ma dame Tecle estoit telle qu'il sembloit que ce fust un ange de la haute hierarchie. Et ceste grande beauté feit tresbucher ledit frere Iuliot audit peché: mais les autres religieux ne font ny commettent tel peché: ny nulz des autres sept pechez mortelz.

L'asne respond à frere Anselme.

FRere Anselme, uous me uoulez donner ueffies pour lanternes demeurant tousiours en uostre pertinacité

te: disant que uoz religieux eurent les
sept pechez mortelz. Et pourtāt uous
ueux aduiser & faire entendre comme
par uoz religieux sont commis lesditz
sept pechez mortelz, en telle forte &
maniere qu'il uous faudra accorder p
force que mō dire est uerité. Frere An
selme sachez que les sept pechez mor
telz, sont ceux cy. A fauoir: Orgueil,
Auarice, Luxure, Ire, Gloutonnie, En
uie & Pareffe. Maintenant uous recite
ray sept hystoires pour chascun peché
une. Par lesquelles uerrez clairement
comme uosditz religieux commettēt
lesditz sept pechez mortelz. A la char
ge toutesfoys que ie demanderay licē
ce au treshaut & puissant prince mon
seigneur & Roy. A fin que cela ne luy
uienne à ennuy: car les recitant il faul
dra que ie prolonge mes parolles. Et
lors dit le Roy à l'Asne: Beau respon
dant, il nous plaira bien de ouyr lesdi
tes

tes hystoires, & sachez que uostre parler no⁹ est agreable & plaisant, pour tant au nom de Dieu pensez de les reciter. Et apres qⁱ l'asne eut ouy ces parolles, se tournant deuers moy me dit.

Du premier peché mortel. Orgueil

FRere Anselme ie commenceray du premier peché mortel, qui est Orgueil, En q^{lle} maniere uoz religieux Peuvent selon qⁱ uous dites. En Tosca ne a une cité nōmée Perouse, assez belle, grande & noble, aupres de laquelle a un estang plein d'aue, que les Toscās appellent le lac de Perouse, fort grand & en iceluy lac a trois ysles, dōt la pl⁹ grāde est habitée & peuplée de gens. Il y a audit lac, ou estang de plusieurs fortes de poissons, & ont accoustumé les seignrs de Perouse de affermer ou arêter ledit lac ou estāg aux pescheurs à raison de dix mille francs par an, qui est une tresbelle rête. Et au temps que
l'eglise

l'eglise seigneurioit ladite cité, le pape
la dōna à un Abbé nōmé le grād abbé
hōme fort superbe, & tant rēply d'or-
gueil que Lucifer n'en auoit guiere da
uātage. Et pource q̄ cōme l'eglise eut
prinse ceste cité par force, doutant de
rebelliō ou reuolte edifia un beau cha-
steau en une part de la cité, leq̄l estoit
tresfort & inexpugnable, & habitoit
en iceluy ledit abbé avec ses souldards
& tenoit fort subgetz les perusins, en
telle maniere qu'il n'y auoit nul Peru-
sin q̄ osast porter avec luy ny tenir en
sa maison aucunes armes de deffence,
mais les tenoit plus subgetz que s'ilz
eussent esté Iuifz. Et quand il sauoit
que aucun Perusins auoit belle femme
ou fille, il l'enuoyoit incōtinent querir
& si elle luy estoit refusée par le pere,
ou mary, incontīnēt ledit abbé faisoit
faux courriers, ou faulses lettres, & les
faisoit emprisonner, disant, qlz auoiēt

escriit lettres aux ennemis de sainte me-
re eglise. Et incōtinēt sans pitie aucūe
les faisoit pēdre par le col, ou escarte-
ler: & leurs oster tout ce qu'iz auoiēt
au mōde, prenāt leurs femmes & leurs
filles, & les tenoit prisonnières en son
dit chasteau. Et apres qu'il estoit laissē
d'elles les laissoit à ses souldars pour
bagage. & uoyās les autres prestres &
religieux q̄ l'abbé qui estoit leur chef
exercoit si grande uilennie, faisoient en
core pis. Et par ceste maniere quād au-
cun religieux ou p̄stre rauissoit la fem-
me ou fille de quelquū il n'osit parler
ne dire un seul mot craignant mourir.

Cōme un chappelain fit getter une
dame enceinte de la fenestre en bas.

DE cela (frere Anselme) aduint, q̄
un grād citoyen nōmé messire leā
Ester auoit une belle & bōne dame a
femme, de laq̄lle s'enamoura un p̄stre
parlāt à elle, & la festoya un long tēps,
&

& elle qui estoit chaste & loyalle a son mary: ne luy uoulut iamaïs cōsentir, p quoy ledit prestre cōe celuy qui mou- roit pour elle, un iour de uēdredy saict chantāt la passion, uoyant ledit citoyē ā l'eglise & n'y uoyāt point sa femme le plustost qu'il seut despescha de dire la passion, & dit au grād abbé qu'il auoit une grande douleur de teste pour laquelle il ne pouoit proceder en l'offi ce, & qu'il luy pleust luy dōner licēce pour s'en aller en sa maison: ce que le- dit abbé luy octroya. Ainsi dōc (frere Anselme) q̄ le p̄stre fut sorty de l'egli- se il s'en ua tout droit en la maison du dit citoyen. Et estoit ladite maison au milieu de la place de Perouse. & estoient les fenestres d'icelle sur ladicte pla- ce. soudain que ledit chappellain ar- rīua il trouua la porte ouuerte & mōta trèslegieremēt en haut, & trouua la da- me couchée sur un petit liēt: pource q̄

le estoit enceinte de huit moys, & ne se sentoît point trop bien, parlât avec elle la requist de sa personne, & cōme elle luy resistoit & refusoit, il pēsa d'accomplir son desir par force avec elle. Incontinēt que la dame ueit qu'elle ne luy pouuoît resister, pource q̃lle estoit enceinte & fort pesante, dit ces parolles: Monsieur ie suis preste & appareillēe pour accōplir uostre uolunté: toutesfoys afin que nous ne soyōs descouuers si quelquū montoit cōe uo⁹ estes monté. Je uous prie monsieur que fermiez la porte des degrez, & aṽs faite de moy à uostre plaisir. Incontinēt (fre re Anselme) le prestre ne fut point paresseux d'aller fermer la porte, & ce pēdant la dame se leua, & courut a la fenestre, & se getta par icelle embas au milieu de la place, & ouyant le prestre la cheute de ladite dame, & le cry du grand nōbre de gens qui là estoient.

alors

alors s'enfuyt le prestre en sa maison.

Cōment le mary vint de l'eglise.

TOut le peuple courant celle part,
& uoyant la dame qui par le grād
coup qu'elle auoit dōné en terre, estoit
toute brisée & froissée, la creature qui
estoit sortie de son vêtre morte, allerēt
incōtinēt au tēple annūcer les nouuel-
les à son mary, leq̃l subitemēt sortit de
l'eglise, & le suyuirēt plusieurs citoyēs
de ladicte cité: & trouua sa fēme demie
morte, & la creature auortée, ilz la mō-
terent à force de bras à la chābre dont
elle estoit tombée, & estre couché en
son liēt son mary luy demāda cōme el-
le estoit ainsi tombée, & elle luy cōpta
tout le fait des le cōmencemēt iusques
à la fin. & sō mary luy dit: Dame pour
quoy ne le m'auez uous fait sauoir au
parauāt: Et la dame luy respondit: Sei-
gneur pour crainte que ne feissiez q̃l-
que outrage au prestre, pour lequel le

grand Abbé eust print haine sur uous
& uous eut fait perdre & destruyre.

Cōment le mary s'en alla plaindre
au grād abbé, & de la mauuaise &
superbe responce.

DE là s'en alla ledit cytoyen plain-
dre au grād Abbé, lequel en lieu
de luy faire iustice luy dit: Vilain, sale
& meschant, y a il en toy tant d'audace
que tu mettes mon prestre en telle re-
nommée. Par le sainct corps de Iesus
Christ sy i'oy doresnauant que tu dye
telles parolles, ie te feray trencher en
pieces. Cognoissant le bon homme la
cruelle responce du grād abbé s'en re-
tourna en sa maison, & trouua sa fem-
me morte, & secretement la feit enter-
rer à l'entrée de sa maison, & print la
creature morte & luy osta les entrail-
les, & le falla avec du sel & le mit en un
petit uaisseau & cheuauchant avec son
escuyer sortit de la cité prenant le che-
min

min de Florence.

Cōmēt ledit citoyen s'en alla à Florence: & cōme il recita ce q luy estoit aduenü avec l'abbé de Perouse.

A Pres peu de iours arriua en la cité de Florence, & luy fut fait grand honneur par les gouuerneurs de la cité, qui en ce tēps estoient rebelles cōtre Peglise, & luy demandāt la raison de sa uenuē il leur dit tout l'outrage qui luy auoit esté fait, & la responce du grand abbé. Incontinēt que les gouuerneurs de Florence ouyrent la grāde mauuaise qui luy auoit esté faite ilz demourerent tous estonnez, & tātost cōmencerent à traicter de la rebelliō cōtre l'eglise, ayāt en memore le puerbe. quād tu uerras la barbe de ton uoysin bruler, metz la tienne à sauueté. Et incontinent ordōnerēt que ledit citoyen fut leur messager secretemēt en toutes les terres de Romanie, & aux terres de l'e

glise patrimoniales pour les faire rebel-
ler, luy donnāt grand pouoir de faire,
dire, & obliger la cōmunauté de Flo-
rence de leurs dōner secours & ayde,
tant en deniers que gens d'armes & pie-
tons, & tout ce qu'ilz auroiēt mestier
pour leur deffence.

Cōment le clergé perdit la seigneurie
par l'industrie dudit citoyē avec
l'ayde de Florence.

INcōtinēt que ledit citoyen eut le po-
uoir dessusdit il cheuaucha tāt qu'il
fut par toutes les terres de l'eglise leur
monstrāt la creature morte & sallée, &
leurs disant tout ce qu'il luy auoit esté
fait. Et enuoya secretemēt espiōs en la
cité de Perouse à ses parens & bien ay-
mez en telle sorte qu'il feit rebeller en
un iour plus de deux cēs terres de l'e-
glise, & la cité de Perouse, soubdain
(frere Anselme) que le grād abbé ueit
la rebellion de la terre de Perouse, il se
feit

fait fort dedās le chasteau: mais peu luy
pffita: car les Florentins enuoyerēt tāt
de gēsdarmes en ayde aux Perousins,
q̄ les mettās dedās la cité tindrēt si biē
& si beau assiegé ledit grād Abbé, q̄l
fut contrainct de se rēdre avec certai-
nes paches, & s'ē retourna à Rome, ou
estoit le Pape. Et furent remises ledites
terres en cōmunauté se gouuernās eux
mesmes. Ledit citoyē retourna a grād
honneur en sa cité de Perouse. Ainsi
uoyez frere Anselme, cōme le clergé
perdit sa seigneurie, par leur grand or-
gueil & mauuaistié. Voulans tenir les
Chrestiens plus subgetz que si cestoiēt
Iuifz. & sachez que aṽs que le clergé
eut perdu la seigneurie en Italie les ha-
bitans se uengerēt bien des outrages
qu'on leur auoit fait, & leur dōnerent
eschec pour roc: ainsi qu'ilz feirēt a un
prestre dedās Perouse.

L'asne recite du prestre.

Fre.

FRere Anselme, La cité de Perou-
se estant hors de la subiection du
Clergé Les perousins auoyent un pre-
stre Recteur & Curé de la parroisse de
sainct Iehā decolasse, en laquelle estoit
une ieune dame pleine de grād beauté
nōmée Marroque, fort deuote femme
& bien souuēt estoit en l'eglise de saint
Iehā pour ouyr messe. Et uoyant ledit
Curé la beauté de ceste dame, s'ēamou-
ra d'elle si desmesurémēt quil sortoit
du tout hors du sens quand il la ueoyt
en l'eglise. Et quād il chātoit messe les
fēstes & ueoyt ladite dame il deschan-
toit à grād contrepointz les kyrielles,
& gringoutoit les Sanctus qu'il sem-
bloit que ce fust un Rossignol, & fai-
soit merueilles des Agnus dei. Et plu-
sieurs foyz se tournant pour dire Dñs
uobiscū, & uoyāt ladite dame entre les
autres, se troubloit si tresfort qu'il ne
de dire Dñs uobiscū, il disoit haite-
ment

ment Alla. Parquoy luy ne pouant plus
soustenir la peine de l'amour, un iour
trouuât la dame toute seule en l'eglise
laisa toute honte derriere, & reuela le
secret de son cœur. Incontinent que la
dame (cōme celle qui estoit bonne &
chaste) luy eut respōdu tresaigrement
elle s'en uint en sa maison se plaignant
à son mary, & luy disant distinctement
tout ce que le Curé luy auoit dit. Lors
ouyât le mary les parolles de sa femme
sans plus tarder s'en ua plaindre à l'E-
uesque, disant:

Cōment le mary se plaint à l'euesq.
SEigneur reuerēdissime ie suis uenu
à uous cōme ainsi soit qu'estes nre
pasteur & nous uoz brebiettes, ainsi q̃
myeux sauez q̃ moy, uous estes tenu
de nous garder des loups lesquelz no^s
mangēt, & de faire retourner au droit
chemin celuy qui en sort. Et semblable
mēt de degré en degré to^s les recteurs
pa-

pasteurs & curez des eglises qlz tien-
nent & ont en gouuernement d'ames
sont pasteurs d'icelles. & le bõ pasteur
doit mettre son ame pour ses ouailles
cõme a fait le uray pasteur Iesuschrist.
Or nostre pasteur, c'est à sauoir le curé
de saint Iehan de Collasse, ne fait pas
ainsi, mais au contraire. Car il ueut
faire fouruoyer ses brebis, & les faire
sortir du bon chemin, afin que le loup
c'est a sauoir le dyable les mange, &
pourtant reuerēdissime seignr d'autant
q̃ uous estes son pasteur & le nostre, ie
suis uenu a uous pour me plaindre de
luy. Et lors racõpta ledit ieune hõme
tout ce que le curé auoit dit à sa fẽme.

La responce & menasses de l'euesq̃.
LOrs (fere Anselme) eussiez ueu l'e-
uesque ayāt le uisage cruel & mon-
stra semblant d'estre fort courroucé &
malcontent de ce qu'auoit fait ledit cu-
ré, & dit audit mary. Je te prometz que
ie

ieferay telle iustice de luy que tout autre pasteur y prendra exēple. Et incontinent enuoya querir ledit Curé par un sergeant. Lors le ieune hōme uoyāt le geste de l'euesque & ses grandes menaces, dit en son cœur. Sans nulle doute il le mettra en prison, & luy dōnera q̄l que bonne distributiō de coups de baston, & apres le condamnera à chartre perpetuelle. car il a tresbien meritē.

Tantost aps le sergeāt amena ledit prestre en grande cōfusion, de sorte q̄l sembloit qu'il eust tué Iesus Christ: de quoy le ieune hōme mary de la dame eut un grād & souuerain plaisir. Et cōme l'euesque le ua cryant auec telle felonnie qu'il sembloit à le ueoir qu'il le uoulut manger & dit.

Ce que l'Euesque dit au prestre.

DY moy uilain & sale paillard dou
t'est uenue tant d'audace & p̄sum
ptiō que tu aye requis la femme de ce
stuy

Iluy tien paroissien de sa personne incontinent le bon prestre ainsi cōme ce luy qui sauoit q̄ son euesque faisoit to⁹ les iours semblables & pires œuures, sans qu'il en eust aucūe crainte ou uergoigne respond à l'euesque & luy dit.

Reuerēdissime seigneur ce que uo⁹ a dit le ieune homme est uerité: toutes foyz tout ce que ie dy à sa femme ie ne luy dy sinō par ieu, & m'esbatāt de parolles avec elle, comme ie fay tous les iours avec mesautres paroissiennes, & uostre seigneurie me cognoit & fait sy ie suis hōme qui face semblables œuures. Lors luy dit l'euesque: pour cela me faisoit il fort esmerueiller. Et regardant le mary de la dame luy dit.

La responce & iustice que fit l'Euesque audit ieune homme.

Bon homme de Dieu tu as ouy cōte tout ce que ce prestre a dit à ta femme ce n'a esté sinō par ieu, & ne le dois pren

prēdre en mal. Et se tournāt uers ledit prestre luy dit. Ie te cōmande en vertu de sainte obediēce que tu soys troys iours sans entrer en l'eglise. Et tantost que le mary ueit la bōne iustice q̄ l'Euesque auoit faite de son p̄stre, sās prēdre cōgē sen part, & s'en ua tout droit au palais de la seigneurie, se plaindre au potestat de Perouse.

Comme le ieune homme se plaint au potestat de Perouse.

EN ce temps estoit potestat de Perouse un noble hōme Florētin nōmé messire Lyppo de l'ysle. Ce messire Lyppo estoit noble & grand iusticier lequel ap̄s auoir ouy les plaintes & clameurs dudit ieune hōme il luy dit. Va t'en plaindre à l'Euesque. Le ieune hōme luy dit. Seigneur, ie me suis plain à luy deuant que uenir à uostre seigneurie. Et luy ua dire & reciter tout le fait & la cruelle iustice que monseigneur
l'E

Leuesque auoit faite du prestre,

Du commandement que fit messire
lyppo potestat à frācoys de narnya.

Quand messire Lyppo eut ouy la
iustice il dit au ieune homme: Va
ten & quand tu uiēdras demain au ma
tin, prens deux cōpaignons aueques
toy & lors qu'il sortira de l'eglise pre
nez le & luy donnez tant de coups de
baston que le laissiez pour mort: mais
gardez uo^r de le tuer & apres ua t'en
en ta maison & ne te soucie: car tes
plaintes ne viendront sinon a moy &
ie scays q̄ i'ay affaire et s'il dit ces cho
ses au muet, il ne les dit pas au sourd.
Alors le ieune hōme feit prouision de
trois bastōs de meslier & le lēdemain
auecques deux autres allerent guetter
leur prebstre quand il sortiroyt de l'e
glise & ilz l'empoignerent & luy don
nerent tant de coups de bastons qu'ilz
le laisserent pour mort. Incōtinent for
tirēt

tirent les autres prestres de l'eglise & trouuerent le prestre ainsi mal accoustré sachans que autre que le mary de ladicte dame nauoit faict cest ouurage, lors le leuerent & le myrent dedans une byere & ainsi qu'il estoit l'apporterent au palais de L'euesque.

Comment L'euesque feit sonner le chapitre pour faire uenir le prestre.

INcontinēt que l'Euesque ueit son p̄stre ainsi accoustré, soubdain fit sonner la cloche, & tantost les p̄stres, Curiez, & religieux de tous ordres s'assemblerēt là, disant qu'ō ne deuoit souffrir tel uitupere, Et que si ces choses se passoient impunies qu'ilz ne scauroyent plus uiure au mōde, car tous les iours les lays en feroient autāt au clergē, & pourtant faisons nostre deuoir q̄ ledit ieune hōme soit pendu p̄ la gorge, afin qu'il soit exemple & chastement à to⁹ les autres, & pourrōs faire à nostre sã-

m

tasie, et avec ce nul ne no^o osera nuyre.

Cōment tout le clergé alla en gran-
de processioⁿ deuāt messire Lyppo.

LA processioⁿ fut prestemēt ordon-
née sonnās les cloches, chantās Re-
quiem æternā, & s'en uont uers le pa-
lais des seignrs, portās ledit p̃stre de-
dans une byere, de quoy la cité de Pe-
rouse s'esmerueilla fort uoyāt ladite p-
cessioⁿ, sans l'auoir la raison pourquoy
on la faisoit, Et uindrēt aucuns hōmes
de ladite cité à messire Lyppo. potestat
dedās le palais, & luy cōpterent cōme
l'Euesque, prestres, & religieux uenoī-
ent en grāde pcession enās le chemin
du palais. Alors messire Lyppo fit sem-
blāt qu'il ne sauoit riēs de tout cela.

Le grād acueil q̃ fit messi-
re Lyppo.

A Pres que la procession fut arriuée
audit palais, messire Lyppo se le-
ua, & fit seoir l'Euesque à son cousté,
&

& après fit seoir to⁹ les maistres en theologie, les chanoynes & docteurs chacun selō son degré, tellement que tout le palais fut remply du peuple de la cité qui estoit uenu pour sauoir pourqy on faisoit telle p^{ro}cession, s'esmerueillāt fort de tel acte. Et après que les ecclesiastiqs & religieux furēt assis, & le peuple appaisē, messire Lyppo leur dit:

Messire Lyppo parle à l'Euesque.

Seigneur reuerēdissime, moy & to⁹ les seigneurs & cōseilliers de ceste cité sommes esmerueillēz de uostre uenue avec tāt hōnorables & nobles Seigneuries de religiō & de la maniere en quoy uous estes uenus, & uoudrions uoluntiers en sauoir la raison.

Du sermō que fit l'Euesque, & cōme il monstra le prestre.

Apres que l'Euesq eut fait un grād sermon cōme saincte mere eglise doit estre hōnorée, crainte, & prisée. &

cōme Salomō cōmande qu'il soit fait
hōneur au medecin à cause de la neces
sité, & cōme le clergé est medecin des
ames, & pourtāt doit estre hōnoré : Et
racompta comme un citoyen nommé
Francoys nernia auoit tué, ou autāt ua
loit un sien p̄stre, & incontinent fait de
scouurir la byere & mōstra ledit p̄stre,
qui estoit plus mort que uif. Et uoyāt
messire Lyppo le p̄stre ainsi embaston
né, fait fort l'esbahy, & dit à l'euesque,

Comme messire Lyppo enuoya q̄
rir Francoys de Nernia.

SEignr euesque i'enuoyeray mainte
nant querir Francoys de Nernya &
s'il est uerité q̄l ayt comis tel crime, ie
feray de luy telle punition qu'il en sera
exēple aux autres, & incōtinēt enuoya
dix sergēs pour amener ledit Frācoys
leurs disant. Allez promptemēt en la
maison de Frācoys Nernia & āps que
laurez pris & lyé, amenez le. De quoy
PE.

L'Eueſque, & tout le clergé eut grand plaifir, & foulas, penſans que incontinent le poteſtat le feroit pendre, le uoyant tant courroucé.

Comme ledit Francoys fut amené deuant meſſire Lyppo.

A Vant demye heure les ſergens a menerēt ledit Francoys lyé & gar routé, la corde au col. Et incontinent meſſire Lyppo cryant par grād cruauté luy dit: Dy moy toy ord & meſchāt uilain, as tu eu tant d'orgueil & de preſūptiō, q̄ tu aye ainſi murtry ce p̄ſtre?

Ledit Francoys reſpond.

S Eigneur (dit Francoys) la uerité eſt que j'ay fait ce ieu à ce preſtre, & ce pour le ſemblable de ce qu'il feſtoyoit ſi fort ma femme la requérant de ſa p̄ſōne. Dit meſſire Lyppo. Trayſtre meſchant tu ne deuoyſ pas prendre uengeāce de tes mains, mais te deuoyſ plādre à l'eueſque qu'icy eſt. ſeigneur (dit

Francoys)ie m'en allay plaindre incō-
tinent au seigneur Euesque. dit messi-
re Lyppo. Quelle iustice te fait il? Re-
spōd le ieune homme. Seigneur, Fort
cruelle & sauuage, car il luy comman-
da qu'il demourast troys iours sans en-
trer en l'eglise, & il est un meschāt, qui
uoudroit plustost estre un an au bour-
deau qu'un iour à l'eglise.

De la iustice que feit messire Lyppo
dudit Francoys.

OR escoutes, ie te fay trefexpres cō-
mādemēt q̄ pource que tu as fait
à ce prestre, tu soys troys iours que tu
n'entreras point en la tauerne, & si tu y
tournes une autre foys, ie te feray estre
plus de dix iours, que tu n'entreras ny
en tauerne, ny en bourdeau. Et lors Pe-
uesque uoyāt la iustice à eux faite par
messire lyppo, se tenātz pour fort moc-
quez dirent à messire Lyppo: Quelle
iustice est ceste que vous auez faite?

Mes

Messire Lyppo respond au clergé.

SEigneurs (dit messire Lyppo) le luy
fay meilleure iustice que ne fit le sei-
gneur Euesque audit ieune hōme: car
c'est plus grāde punition à ce ieune hō
me estre troys iours qu'il n'entre à la ta-
uerne, que ce n'est à uostre p̄stre estre
un an sans entrer en l'egilse. Et pourtāt
prenez garde à uoz religieux que d'y
cy en auāt ie n'apperceoyue qu'ilz fa-
cent telz ieux: Car ie uous iure le uray
corps de Iesus Christ que i'en feray tel
le iustice que tout le mōde en parlera.
Et avec cela pensez de uo^r en alier en
bōne heure ou en male heure. Cuydez
vous que les meschācetez que sotliez
faire quand la seigneurie estoit uostre
vous soyent maintenāt supportées, ne
souffertes? Certes non serōt. Mais uo^r
fera fait hōneur tel que le meritez. In-
continēt que l'Euesque & tous les au-
tres ueirēt la fureur de messire Lyppo,

& eurent ouy la mauuaïse & cruelle re
spōce, ily s'en allerent chascun à par,
sans procesion, ne sonner cloches.

L'asne parle du peché d'auarice, &
recite la confession d'un marinier à
un moyne.

FRere Anselme sachez qu'en la cité
de Mallorques en l'ordre des freres
prescheurs auoit un religieux nom
mé frere lehan Oset, & estoit natif de
Cathaloigne, lequel un iour uenant se
confesser à luy un marinier de Mallor
ques, luy demanda s'il tenoit riens de
tort à nully. Respond le marinier : Je
tiens de tort un florin & demy. Dit le
religieux. Fays compte que foiēt deux
Respond le marinier : S'il n'y a qu'un
florin & demy, comme feray ie cōpte
que ce soient deux. Dit le frere : Fays
comme ie te dy. Respond le marinier :
En bonne heure mōsieur : Je tiēs deux
florins de tort. Dit le frere : Tiens tu
riens

riens de tort d'auantage à nully: Re-
spōd le marinier: Ouy mōsieur: le tiēs
de tort à ma femme troys florins . Dit
le frere : Fay compte que soyent cinq.
Respond le marinier: Et s'il n'y a que
troys florins, comme feray ie compte
que ce soyent cinq: Dit le frere : Fay
ce que ie te dy. Dit le marinier. En bō
ne heure: le tiens cinq florins de tort à
ma femme. Et ainsi monta le frere peu
à peu, iusques à la sōme de dix florins:
& lors luy dit: Mō filz, tu uoys q̄ la sō
me des deniers que tu tiēs de tort mon
tent dix florins, de quoy men appariēt
un florin, & ie t'absoudray de tous tes
pechez. Respōd le Marinier. Mōsieur
ie n'ay icy nulz deniers : mais donnez
moy l'absolution, & incontinēt le uo?
apporteray: car ma maison est icy pres
par quoy le frere luy dōna l'absolutiō
à la charge q̄l luy apporteroir le florin.

La tromperie que feist le marinier

au

au religieux.

ET comme le marinier sortoit de l'Eglise, il trouua au chemin une escorce de grenade : & avec un cousteau la rondist qu'il sembloit que ce fut un florin, & s'en retourna à l'Eglise & le monstra de loing audit religieux, & apres il le mit sur l'autel, disant: Pater, uoyla le florin sur l'autel, & tourne uisage. & s'en ua. Et le frere subitement auant q le marinier fut au milieu de l'Eglise: prenant le florin, trouua que c'estoit une escorce de grenade: & cryant au Marinier, disoit: Dy : hau bon homme de Dieu, cecy n'est pas un florin. respond le Marinier: Pater, faites compte qu'il soit florin. Dit le frere: Et si c'est une escorce de grenade, comme feray ie cōpte qu'il soit florin: Faites ce que ie uo^y dy. Dit le frere: Sauuez uous que c'est: Ne uous tenez pas pour absouz. Respond le Marinier: Ne uous tenez pas

pas pour payé. Et ainsi s'en alla par le chemin en sa maison.

L'asne dit à frere Anselme.

ICy pouez ueoir Frere Anselme q̄l le maniere treuuet & obseruent uoz religieux par leur grande malice. Et pour assembler deniers, afin que avec argent puissent aller en court de Rome & se facēt euesques de nullatenen. & sortent d'obedience pour faire du tout à leur plaisir: mais à la fin tout fait mauuais prouffit, & perdēt les deniers & enrichissent les autres q̄ n'ōt point trauaillé, ainsi cōme à un frere mineur de uostre ordre aduint une fois.

Frere Anselme dit.

SEigneur Asne: Selon le prouerbe: Mauuaise chappe cœure souuent bō beueur. Ainsi me semble il de uo⁹ Car qui uous uoit ainsi maigre, escorché & sans queue, il pense qu'en uous n'ayt nulle subtilité: mais q̄ uo⁹ foyez
lourd

lourd & idiot, combien que ad ce que
ie uoy uo⁹ estes un grād taille pygeōs.
et si ie uous eusse aussi bien cogneu au
commēcement de ma dispute, cōme ie
fay à ceste heure, le uous iure en uerité
que ne me fusse pas prins à uo⁹ en fait
de dispute: mais puis que sommes ue-
nuz si auant, il me conuiēdra ueoir la
fin, uous priant qu'il uous plaife me di-
re ce qui aduint au frere mineur: car ie
y prēdray plaisir, aussi fera le treshaut,
& trespuissant prince le Roy uostre fi-
re: Car ie uoy qu'il s'est prins à rire de
la trōperie faite au frere prescheur par
le marinier.

L'Asne recite ce qui aduint à Mal-
lorques à un frere mineur, qui per-
dit mil royaux par sa grāde auarice.

FRere Anselme en uŕe cité de Mal-
lorques estoit un frere mineur nom-
mé par son nom frere Francoys cydis,
lequel ie croy q̄ encore y soit il aujour
d'huy

d'huy que nous cōptons mil. ccccxviij.
lequel frere n'estoit ne trop sauant, ne
trop ydiot, & estoit de ceux qu'on ap-
pelle predicateur de fromage. & estoit
d'assez bōne cōditiō, & auoit la parol-
le tant feminine, que qui ne le ueoyt &
oyoit sa parolle il eut dit proprement,
que c'estoit une femme. Et estoit hom-
me fort curieux a amasser argēt & fort
noble homme, & sauant en fait de con-
fession, & auoit grant moyen à deman-
der & examiner ordinaiemēt des pe-
chez. pour laquelle chose la plus grād
part des gens de bien de Mallorques
se confessoient à luy, par quoy en peu
de temps il amassa mille reaux dor, les
quelz il mit en garde entre les mains
d'une nonnain de celles de son ordre,
nōmée seur Anthoinete, laq̃lle estoit
sa plus speciale amye, d'autāt q̃lle ser-
uoit à luy nettoyer & lauer sa robbe
& à luy appareiller quelque foys à mā-
ger

ger, & le seruoit en maladie, luy faisant
des confitures le Carefme, & plusieurs
autres seruices.

Comment Nadalet donna un coup
de poignard à samye, & cõe il eut
les mñ reaux d'or du frere mineur.

L estoit en ce temps un beau galand
ruffien au bourdeau, lequel auoit nō
Nadalet, bel homme de sa psonne, biē
fait & proportionné de tous ses mem-
bres, gentil & poly. Et alloit tousiours
tant gentement uestu que qui le ueoyt
il n'eust pas dit q̃l eust esté ruffiē mais
plustost quelque bō marchand. Ce Na-
dalet auoit une amye au bourdeau nō
mée la Francoyse, fort belle, ieune fem-
me & gentille, & auoit esté Iuifue, ad-
uint un iour de feste de Noel que ledit
nadalet iouāt à la grecq̃ perdoit son ar-
gēt & demāda à ladite Frācoyse samye
deux florins d'or à ēprūter pour iouer
lesq̃lz incontīnēt luy presta. Et aps les
auoir

auoir pduz tout soubdain lui en demã
da autant, & elle ne luy uoulant p̃ster:
avec la furie du feu luy dōna un coup
de poignard à l'estomach, par quoy el
le cheut a terre, & le sang sortāt, p̃sant
Nadalet qu'elle fust morte il s'en fuyt
& se cacha soubz un autel nomme lau
tel sainct Christofle: en une eglise des
freres mineurs avec un sien cōpagnon
nommé Anthoine Riusech, & inconti
nent enuoya sondit cōpaignō au bour
deau pour ueoir si ladiete Francoyse
estoit morte, ou non, & qu'il retour
nast luy dire incontinent.

Cōmēt seur Anthoinete uint au cō
uent des freres mineurs.

OR aduint (frere Anselme) par cas
d'auenture que ledit frere Fran
coys cytges auoit enuoyer querir seur
Anthoinete dessusdite, & un peu deuāt
qu'elle uist ledit Nadalet s'estoit caché
soubz ledit autel: & uoicy frere cytges
lequel

lequel tirāt seur Anthoïnete a part, uint
avec elle tout droit au pres de l'autel
sainct christofle, ou ledit nadalet estoit
caché. et lors frere Cytges dira seur an
thoïnete. Ma biē aymée seur Anthoi
nete ie suis desormais uiel, & ne puis
plus souffrir les peines & trauaux de
l'ordre. & ces ieunes freres me ueulēt
tous mal, pource que ie ne leur ueux
riens donner du mien, & me font plu
sieurs despitz & mocq̄ries, & d'auanta
ge frere Galcerā c'est courroucé pour
ce que ne luy ay uoulu p̄ster cēt reaux
d'or pour aller en Angleterre, se faire
maistre, il m'a menacé qu'il me fera for
tir de Mallorques, & qu'il me fera
estre conuentuel a Iaca. & aussi frere
Iaques Marc me ua priant que ie luy
p̄ste ensemble frere Poncet, & frere Je
an Pimeno me font continuëlement
assaux & tempeste, afin que ie leur ay
de de mō argent, a quoy faire ne suffi
roit

roit toute la mer. p quoy ma sœur i'ay
pensé & pense encore de m'en aller en
court de rome pour me faire euesq de
Nullatenēsis, ainsi qu'ont fait frere Be
noist sanc: frere Anthoine Badia, & fre
re Pierre Luffriu, par ainsi seray hors
de toute peine. et avec ce q i'ay du miē
uiuray noblemēt: car avec cēt royaux
que ie dōneray au cardinal d'Hostie,
leql est frere mineur & mon bō amy,
pource qu'il estoit ministre de la puin
ce de France au tēps que i'estoys estu
diant il pcurera pour moy avec le saint
pere que ie seray euesque, & pour des
pence & autres fraiz deux cens autres
Reaux d'or me suffiront.

Frere Cytges dit à sœur Anthoine
te le nom du marchand.

ET pourtāt ma sœur quād il uiēdra
sur l'heure de uespre ie uo° enuoye
ray un ieune marchāt de Barcelone, le
quel est mō grād amy, & luy dōnerez

n

trois cēs royaux d'or que tenez dedās
le coffre q̄ i'achetay en la place de saīt
Andre l'autre iour, & tous les mil s'il
les uous demāde, car il m'a dit q̄ d'au-
tant de Reaux comme ie luy dōneray
pour faire marchādise, il m'en dōnera
uingt pour cēt par an, qui est un beau
gaing: & me puis fier en luy: car il est
hōme de bien, & mō filz de cōfession,
& se nōme Loys Regolf filz de Iehan
Regolf, changeur de Barcelone. Or
uous en allez en bonne heure, & faites
ainsi que ie uous ay dit. Incōtinēt (fre-
re Anselme) que ledit Nadalet lequel
estoit caché soubz l'autel: eut ouy les
parolles de frere Citges avec sœur An-
thoinete, il print garde à tout, & tint en
memoire le nom du marchāt, le nō du
pere du marchand, & toute l'hystoire.

Commēt Anthoine Riusech uint.
Incōtinēt q̄ sœur Anthoinete fut p-
tie & frere Citges entré dedās le con-
uent

uēt, uoicy uenir Anthoine Riusech cō
pagnon de Nadalet, lequel il auoit lais
sé caché deffoubz l'autel, qui dit audit
Nadalet, Mō cōpagnon uiens en bon
ne heure, & n'aye peur aucune: Car la
Francoyse n'a aucun mal, & a failly le
coup de poignard, lequel luy a seule
mēt un peu escorché la chair, & ne suis
point party de là iusques à ce que no⁹
auons beu un plein pot de uin Grec,
& est deuenue tāt bonne qu'elle m'a p
mis de faire paix avec toy, & te preste
ra uoluntairemēt dix ou douze reaux
d'or, si tu en as affaire. & pourtāt uiens
t'en en la bonne heure, & n'ayes point
de doubte.

Nadalet dit à son compagnon.

ANthoine mon amy (dit Nadalet)
Aua t'en donc le chemin du bour
deau, & m'attēs à la porte de sainct mi
chel, iusques a ce q̃ ie uiēne: car ie te su
re Dieu que iamais ne fut tant fortuné

ne tant heureux coup de poignard. Et apres que ledit Anthoine s'en fut allé, uoicy Nadalet qui s'en va tout droit au tiers ordre, & estoit pres de l'heure de uespres, il hurta à la porte, & demanda a la portiere ou estoit seur anthoinete car dit il, j'ay affaire a elle. Et la portiere entrant dedans la religiō dit a seur Anthoinete. Ma dame il ya un ieune homme a la porte qui uous demande: & seur Anthoinete dit. Quel hōme est il? Ma dame dit la portiere, c'est un hōme bien uestu, & semble que ce soit q̃lque gros marchāt. Dit seur Anthoinete Va t'en deuant, ce sera le marchāt que frere Citges deuoit enuoyer.

Cōmēt seur Anthoinete uint a la porte.

A Insi cōe celle qui ne desiroit faillir au cōmandemēt de frere Citges, incōtinent elle s'en uint a grād pas a la porte ou elle trouua Nadalet, & apres plu.

plusieurs grandes salutations Nadalet
luy dit. Ma dame sœur Anthoinete mō
pere spirituel frere Frācoys citges m'a
enuoyé à uous & uous prie que me dō
niez le coffre qu'il acheta l'autre iour a
la place saint André, avec les mil re-
aux d'or qui sont dedās: car il en ueut
prēdre trois cēs pour aller en court de
Rome pour se faire Euesq̃. Et des sept
cens qui resterōt, il a acordé avec moy
que l'en doy faire marchandise, & luy
en doys rendre de proffit uingt pour
cent par an.

Cōmēt sœur anthoinete fut trōpée.
LEs parolles de Nadalet ouyes par
sœur Anthoinete, elle luy dīt: Mō
sieur cōme est vostre nom?: dīt Nada-
let: le m'appelle Loys Regolf, filz de
Iehā Regolf changeur de Barcelone,
Et ouyāt sœur Anthoinete le nō, entra
en la religion & ne tarda guere qu'el
le apporta le coffre avec les mil reaux

d'or, & uenant a la porte dit a Nadalet
Mōsieur: voicy le coffret, avec les mil
reaux d'or. parquoy pēsez de les com-
pter. Et nadalet q craignoit q̄ Loys re-
dolf ne suruīnt, pource qu'il estoit heu-
re de uespre, se trouuāt troublē en soy
mesme luy dīt:

Nadalet dīt à seur Anthoinete:

MA dame, Il n'est ia besoing que ie
cōpte ãps uo^r. Cela dīt, il print le
coffret, & le mit soubz son mâteau, il
prēt cōgé d'elle, & s'ē ua tout droit au
bourdeau, & ãps q̄l eut trouué son cō-
pagnon luy monstra le coffret, & luy
cōpta toute l'hystoire, & en grād ioye
s'en uont appointer avec la Francoyse
ou se donnerent du bon tēps avec l'ar-
gent q̄ le pouure frere auoit amassē de
lōg temps en grande peine & trauail.

Cōmēt Loys regolf uīnt tātost ãps.

NAdalet n'estoit pas ēcore au bour-
deau, que frere citges enuoya le-
dit

dit Loys regolf à seur anthoinete pour
auoir l'argent cōme il luy auoit dit au
pres de l'autel, Et uenāt au tiers ordre,
hurta à la porte, & demāda seur antoi-
nete pour auoir les deniers, cōme luy
auoit esté dit. Et elle uenue, apres tou-
tes salutatiōs, Loys Regolf dit. Ma da-
me seur Anthoinete frere Citges m'en
uoye à uo⁹ afin que me donniez le cof-
fret avec les mil reaux d'or. Dit seur an-
thoinete, cōme est uostre nom. Ma da-
me, dit il: on m'appelle Loys regolf. In-
cōtinēt que seur Anthoinete ouyt ces
parolles elle cheut esuanouye en terre
gettāt un grād cry, auq̄l sortirēt les nō-
nains, & la uoyāt en tel estat luy arrose-
rēt le uisage d'eau froide, & elle reuint
à foy. Alors elle cryāt & s'esgratignāt
le uisage, & dessirant sa robe, en cest
estat print le chemin de saint Frācoys,
& le marchāt avec elle. Et aps qu'elle
fut la uenuē demāda frere Citges, leq̄l

uint incōtinēt. Et uoyāt seur Anthoi-
nete aīsi acoustrée, & aps ql eut ouy la
raison, il esuanouyt de la grand dou-
leur, & fauf uře hōneur se conchya ui-
lainemēt, par quoy il fallut que les fre-
res le lauassent d'eau froyde. Et apres
qu'il eut un peu reprins de uigueur ilz
l'emporterent en sa chambre & le mis-
rent sur le liēt, apres l'auoir nettoyé de
son ordure. Et print ledit citges si gros
desplaisir qu'il en tomba en grosse ma-
ladie, laquelle luy dura troys moys. &
quand il fut guarý si est ce ql fut tous-
iours depuis triste & melencolieux. &
Nadalet dessusdit se donnoit du bon
tēps avec la Francoyse, Et uoyla (frere
Anselme) cōme uoz religieux eurent
le peché d'auarice.

Du quart peché mortel, qui est Ire.

Desia auez ouy cy dessus l'hystoire
du tiers peché mortel qui est Lu-
xure au fait de la confession de ma da-
me

me Teele, avec frere Iuliot, par quoy
n'est besoing q̄ ie le uo^r recite. Toutes
foys ie uous reciteray l'hyſtoire du pe-
ché de Ire, Sachez, frere Anselme, que
en uoſtre cité de Mallorques dedās le
conuent des freres mineurs, auoit un
bō hōme appellé frere Aymery de gra-
ue, lequel estoit de nation Frācoyse no-
ble & gētil homme de uraye race : car
il estoit prochain parent du conte d'ar-
mignac, & estoit uenu audit conuent
pour estudier en Theologie. Vn iour
qu'il alloit par ladite cité, & passant p
la rue de la mer, ueit une guenō dedās
un panier, & l'acheta pour en faire un
present audit conte d'armignac son pa-
rent, pource que en France n'ia pas be-
aucoup de telz animaux. Et ayāt ache-
té ladite guenon, ne passerent quinze
iours, qu'elle mourut, Aduint (frere
anselme) que aux folies que les freres
font par couſtume en lieu de se don-
ner

ner plaisir, soulas & matiere de rire, ilz
estoiēt troys religieux, qui uouloient
mal audit frere aymery, & auoient fait
une chāson de ladite guenon, que lon
commence ainsi.

VN plaint feray tousiours: puisque
frere aymery

M'a prié de ce faire pour la guenō gē-
tille:

Helas frere aymery quelle chose ferez
Pour toute recōpēse la guenō paieriez
Et elle est morte:

Le Conte a beau attēdre auant qu'on
la luy porte. Ne uous souuient il, frē-
re Anselme, de la reste de la chanson:

Les noms des religieux, & ce qu'ilz
feirent.

ET uoicy les troys religieux dont le
premier auoit nom frere Francoys
carauai, natif de Morelle, le second frē-
re Matthieu ponce, natif de Polence,
le tiers, frere Gauthery, natif de Daro-
ca,

ca, qui chatoïët ladite chāson, de quoy frere aymery eut grād. desplaïsir, & cōmenca à les uituperer & iniurier, tant qu'ilz se prindrēt à belles mains, & ne eust esté que le gardien, nommé frere Jaume florence leur cōmanda par saincte obediēce qu'ilz se partissent de là & qu'ilz allassent dormir, ilz se feussent la estranglez.

Comment frere aymery fut tué.

A Pres que les religieux furēt allez dormir, Lesditz troys religieux prindrent chascun un bon baston en la main, & se mirent en aguet pres des retraïtz, ou ilz le mirent par terre, & luy donnerent tāt de coups de bastōs, que le bon frere ne uesquit que cinq iours. Or uoyez frere Anselme cōme uoz religieux eurent le peché d'Ire.

Frere Anselme dit à l'Asne.

SEigñr Asne en uerité ce iour la fut mauuais pour ledit frere, aussi fut il

pour les troys religieux. & me souuiēt
de ce fait, & estoys fort ieune lors que
cela fut fait. Et me souuiēt q̄ deux des
religieux s'en fuyrent, & l'autre c'est à
sauoir frere Matthieu ponce fut pris,
iusticié & condamné a prison perpe-
tuelle, & eurent tousiours depuis beau-
coup de maux. Or ie uous prie, ayons
l'hystoire de gloutonnie.

L'asne parle du.v.peché qui est
Gloutonnie.

FRere Anselme au champ de Tarra-
gonne y a un uillage nommé Cam-
brils & est bon & gros uillage, lequel
est au Roy. Et ont coustume (frere an-
selme) audit uillage que quād il y a q̄l-
que feste une foys y vont prescher les
freres mineurs, l'autre foy les freres p̄s-
cheurs. Aduint que un iour de Noel,
qui estoit pour lors le leudy, allā' pres-
cher audit uillage un frere prescheur,
& le lendemain s'en retournant de bō
ma-

matin en la cité de tarragõne il se trou
ua à passer la riuere appellée Francol
le auec deux freres mineurs du cõuēt
de Tarragonne appelez par nom l'ũ
frere Iehan compaignon, & lautre fre
re Pierre tauernier, & apres leurs salu
tations il leurs demanda ou ilz alloiēt,
ilz luy dirent qu'ilz alloiēt à Tortose.
Et aĩs luy demanderent cõme il auoit
estē traité le iour de Noel auec le curé
dudit uillage. Dit le frere p̃scheur. En
uerité mon amy ledit Cure nous a hon
nestemēt festoyé a force cheureaux ro
stiz, & chair de mouton bouillie, auec
leurs sauces, & bon uin uermeil & aĩs
tourterelles, & ramiers a belle poyura
de, de sotre qu'il me sembloit estre en
paradis terrestre. Et acheta hyer ledit
curé sept liures de Tongre groz cõme
pay la iambe. Et ie ouy qu'il dit à la ca
therine samye qu'elle en feist un pastē
au four. Et par aĩsi mon amy si uous
al

allez un peu tost vous pourrez bien auoir un bon disné, & manger du pasté Incōtinent (frere Anselme) s'il dist cela au muet, il ne le dist pas au sourd, & uoycy frere cōpagnon qui trouffe ses hayllōs & se met en chemin tellemēt q̄ de troys pas n'ē faisoit qu'un pour uenir a tēps a ce disné & pour māger du pasté. Et pource que ceste Catherine amye du Curé uouloit mortellement mal à to^r les religieux en general pour ce qu'ilz cryoient fort apres ledit curé de ce qu'il tenoit une amye. Parquoy ayant fait le pasté, & l'heure uenue du disné, elle dit au Curé: Monsieur dis nons nous auant qu'il suruiēne quelq̄ escornifleur: dit le Curé: Et quel escornifleur nous peut suyure? Respond la Catherine, quelque traistre religieux quiendra & mangera du pasté. Dit le curé: en nō de Dieu catherine, allōs nous en donc disner. Incontinent (frere Ansel

selme) qu'ilz cōmencoyent d'eux as-
seoir pour disner, à peine furent ilz as-
sis que uoycy frere cōpagnon, & son
compagnon qui sont arriuez, treshar-
dement hurterent à la porte. lors la ca-
therine courāt a la porte regardāt par
les trouz d'icelle, & uoyant les freres,
s'en uint demye morte au curé. & le cu-
ré luy dit: Qui est là: dit la catherine: tel
mal, que à la porte font deux religieux
Le puerbe dit bien la uerité (dit le cu-
ré) Du mal que l'homme a peur, de ce
luy mesme meurt. Dit la catherine, par
la saincte passion de Dieu ilz ne māge-
ront ia du pasté. & tantost le çacha, &
ua ouurir la porte. Et uoycy les freres
mineurs qui saluent le curé, & le Curé
leur dit: Messieurs, j'ay grād plaisir de
uostre uenue, & grād desplaisir que ie
n'ay les uiandes pour uous traiter, cō-
me à telz seigneurs appartient, mais ie
n'ay autre chose pour le p̄sent que des
Sar,

Sardaignes sallées. Respond frere cō
pagnō: Mōsieur le curé, uostre bōne
chere, & bon acueil aymōs no^r myeux
que les bonnes uiandes. Cela dit, ilz se
assierent à table, & fut mis un trāchoir
auec sept sardaignes deuant frere com
pagnon, & son compagnō, & un autre
tranchoir auec autant de sardaignes de
uant le curé & la catherine. Voycy (fre
re Anselme) frere cōpagnō leq^l auec
le cousteau tailla la teste à une sardai
gne, & apres qu'il eut mangé deux ou
troys morceaux il print la teste de lad
te sardaigne & l'approcha de son auri
le, cōme s'il eust mōstré que la sardai
gne luy respondoit à ses demandes. &
dit à la sardaigne. Ce que uous me di
tes en me respōdant, ie ne croy pas q^l
soit ainsi, De quoy le Curé & la Cathe
rine estoient fort esmerueillez, uoyant la
cōte que frere cōpagnō faisoit à la sar
daigne, par quoy frere Anselme, apres
que

que frere cōpagnon eut mangé encore
deux ou troys autres morceaux de re-
chef pñant la teste de la sardaigne l'ap-
procha de son aurreille & dit: Dame sar-
daigne ie ne puis pēser que ce que vo?
me dites soit uerité: car monsieur le cu-
ré n'est pas tel qu'il me feist tel cas. In-
continēt que la Catherine ouyt ces pa-
rolles, cōme uous sauez que les fēmes
ueullent tousiours sauoir les choses
doubteuses, elle prie le Curé qu'il prie
frere compagnō, & aussi elle mesme le
prioit de dire de quoy estoit son parle-
ment avec la sardaigne. Et frere cōpai-
gnō se faisant fort prier ne uoulāt rien
dire dudit parlemēt, luy dit: Dame Ca-
therine, ne uo⁹ souciez ia de sauoir mō
parlement avec la sardaigne: car ie luy
demāde aucune chose dont elle mere-
spōd. Voicy de rechef le curé q le pria
fort affectueusemēt. Et ne uoulant, ne
pouant frere cōpagnon cōtredire aux

prieres du Curé luy dit ainsi. Monsieur
ie vous diray le parlemēt de moy avec
la sardaigne, soubz telle conditiō tou
tesfoys q si la sardaigne a dit uerité, q
uo⁹ ne le me celerez, mais le me direz.
Incontinent le Curé en iurant luy ua p
mettre. Lors frere compagnō recita le
parlemēt de la sardaigne disant ainsi.
Monsieur le Curé i'ay demāde à la sar
daigne lequel estoit le plus grād, & le
plus gros poisson qui soit en la mer: &
elle m'a donné pour responce qu'il y a
si lōg tēps qu'elle en est dehors qui ne
luy'en souuient, mais que ie le demāde
à un congre fraiz qui est en la maison
de ceās, qui n'y a que deux iours qu'il
est sorty de la mer. & il le me scaura à
dire, Incontinēt (frere Anselme) uoicy
le Curé avec grand risées dit: par le
corps de tel la sardaigne dit uerité. Le
uez uous Catherine & apportez le pa
sté, & ostant les sardaignes de dessus la
ta

table eurent bien à disné. Voicy (frere
Anselme) cōme uoz religieux euitē
le peché de gloutonnie, que afin quilz
puissent māger un bon morceau che-
minent deux lieues a trenche col.

Frere Anselme dit a l'asne.

Signeur Asne, en uerité frere com-
pagnon fut bien subtil à trouuer sy
soudain une telle cauillation, comme
fut celle qu'il monstra, faisant semblāt
que la sardaigne luy parloit, pour ue-
nir à son intention du pasté. En uerité
plus ie uous oy, & plus me uiet en uo-
lunté de uous ouyr parler: car ie uo^x iu-
re que si Dieu uous eut crée homme,
& que eussiez esté predicateur: ieeroy
que tout le monde eut couru à uostre
sermon, laissant les autres predicateurs
tant est uostre plemēt plaissant. & pour
ce ie uous prie qu'il uous plaise me re-
citer l'hystoire du peché d'enuie & de
paresse.

10 Du vi. & vii. peché mortel, qui
sont Enuie, & Pareſſe.

ERere Anselme, au champ de Tarra-
gonne y a un uillage aux mōtagnes
appellé par nom Falcet, & est bon uil-
lage, & gros, & peuplé de bonnes gēs,
& appartient au conte de Prades. Au
quel il aduint que à une feste de Noēl
allerent la pour pſcher deux freres mi-
neurs, & deux freres pſcheurs, le frere
mineur pour pſcher le iour de Noēl &
l'autre le lendemain. Incontinent frere
Anselme, que les festes furent passées,
s'en uoulās les freres retourner a Tar-
ragonne dont ilz estoiet uenuz: pñans
congé du seigneur le Curē, il leur dit:
Seigneurs religieux, à nous & à tout le
peuple a pleu uostre sciētifique & plai-
sante maniere de pſcher, & pource ad-
uisez de nous demander quelque don
qui uous plaise, & nous le uous dōne-
rons, mais nous uoulons, que le frere
pre-

preſcheur demande le premier don, &
ap̄s demandera le frere mineur. Soub-
dain frere Anſelme, q̄ le frere p̄ſcheur
eut ouy cela, il dit en ſoy meſme: l'ay
fait mauvais uoyage, car ſi le demande
le premier, le frere mineur demandera
plus que moy, & luy ayāt plus q̄ moy
la mort me ſeroit meilleure que la uie,
mais ie ſauray plus que luy: Et lors ſe
tournant vers le comte luy reſpōd, di-
ſant: Seigneur cōte, ie uous demande-
ray un don à condition que la choſe q̄
ie demāderay me ſoit donnée ſans au-
cune dilation, ce que le Cōte luy p̄mit
& lors il luy diſt: Seigneur ie uous de-
mande qu'il me ſoit donné le double
de tout ce que uous demādera le frere
mineur, Et le Cōte luy accorda. Incon-
tinēt que le frere mineur eut ouy la de-
mande du frere p̄ſcheur, il cuyda mou-
rir d'Enuie & deſplaiſir, diſant en ſoy
meſme: mal en cōtre puiſſe auoir ce trai-

stre frere p̄scheur s'il aura le double de
tout ce que ie demanderay: car si ie de-
mande cent florins, il en aura deux cēs
Et plus tost mourir content, que uivre
mal contēt. Et lors le frere mineur pen-
sa & demāda le don, disant. Seigneur
Cōte ie uous demāde maintenant qu'il
uous plaise me faire dōner deux cens
bons coups de bastons, & en ce uous
prie seigneur qu'il n'y ait faute: car ce-
la est la plus grāde grace, & recompē-
se q̄ me peut faire en ce monde uostre
Seigneurie. Incontinēt le Comte dit à
deux escuyers qui estoient au pres de
luy: allez & apportez deux bons ba-
stons de meslier, & luy faices plaisir,
puis qu'il le demāde avec si grāde de-
uotion. Ap̄s que les deux escuyers eu-
rent apporté deux bōs bastons ilz en
polgnerent le frere mineur par le chap-
peron, & cōmencerent à l'estriſſer. Et
comme ilz eurent donné audit frere mi-
neur

neuf cent coups de bastons. Voicy le
frere p̄scheur qui cōmence a crier, di-
sant: C'est assez seign̄r: car le frere mi-
neur n'a demandé que cent coups de
bastons. Quand le frere mineur ouyt
les parolles du frere p̄scheur il dit tout
en suppliant plourant & cryant. Non
seign̄r, n'escoutez pas le frere p̄scheur
& me donnez autres cēt coups de ba-
stons: car deux cens uous en ay demā-
dē. Et se tournant uers le frere p̄scheur
il luy dit. Que uous semble frere p̄s-
cheur du don que i'ay demandé? Il me
semble qu'il ne uous plaist pas beau-
coup. Vous aurez par vostre cupidité
demandé le double de ce qui me sera
donné, & pource il me plaist d'auoir
mauvais Noel, afin que uous ayez p̄-
res Innocens, & mauvaises estrames.
Soudain frere Anselme, que le frere
mineur eut receu ladicte grâce, Voicy
les deux escuyers qui empoignerent le

frere prescheur p la carcele de la capa
pe, & luy donnerent quatre cēs coups
de bastons, de sorte qu’il le fallut por
ter sur un asne en la cité de Tarragōne
Voyez frere Anselme, comme uoz re
ligieux eurent le peché d’enuie.

Frere Anselme parle à l’asne.

SEigneur Asne, en uerité le frere pre
scheur fut mal aduisé de demāder le
double de ce qui seroit donné au frere
mineur, mais la traistresse enuye luy fit
faire cela, & la cupidité d’auoir d’auan
tage q̄ le frere mineur, & ne pēsoit pas
à ce qu’en pouoit ensuyuir. Et qui ne
regarde deuant soy, cōe disiez n’a gue
res: il chet arriere. Par quoy ie uo⁹ prie
que ces hyistoires uous suffisent: Car
puis que les affections de coups de ba
stons sont uenus, nous pourrions en
core uenir à pires choses: Retournōs à
nostre propos: car ie uous ueux enco
re prouuer, que entre nous filz d’adā
som

semmes de plus grande noblesse & dignité, que uous autres animaux. Et ce pour autāt q̄ nous auons sens naturel & ame intellectiue. Et uous autres n'auuez qu'un peu de discretion naturelle. L'asne respond à frere Anselme luy parlāt de la nature des animaux met tant chascun en sa nature.

FRere Anselme il me semble q̄ uos estes un peu bas deuant: Bon homme de Dieu afin que cognoissiez clairement que entre nous animaux auōs sens naturel & ame intellectiue, aussi bien & myeux que uous. Je uous reciteray aucūs actes de noz animaux par lesquelz uerrez clairement uostre dire estre faux. Voyez frere Anselme les poullletz des gelines & des perdrix cōme incontinent qu'ilz sont escloz courent apres leur mere: & quād ilz uoyent q̄ la mere fuyt, & a pœur, ilz fuyēt aussi incontinent, tenans le chemin de la

la mere: & m'agēt soudain d'eux mes-
mes: Et si ilz se perdent d'auenture, &
oyent la uoix de leur mere, ilz accou-
rent subitement, & s'en uiennent là ou
est la mere. Dauantage Cheuaux, Mu-
letz, Bœufs, Moutons: Boucz, Chatz,
& semblables animaux, incontinent q̃
leur temps d'enfanter est uenu, uoyez
cōme leur femelles sans douleur, ny
travail, font leurs masles & femelles,
sans qu'ilz ayent mestier de sages fem-
mes, ne de lauādières d'enfans, ne que
quelqu'un leur coupe le nombril. Et
cherchent incontinent la pasture. Aus-
si tout soudain d'eux mesmes prēnt
la mammelle, & tectent. Dauantage les
Chiens & les Chatz par quelle discré-
tion & diligence portent ilz leurs pe-
tiz d'un lieu en l'autre avec leurs dens
si gentement, & doucement qu'ilz
ne leur font point de mal. Et vous au-
rez, si vous sçavez bien quand vous estes
nays

mais ne sauez prēdre la māmelle: mais
au contraire, si uostre mere ne la uous
mettoit en la bouche, mourriez de soif
& ne pouez, ny ne sauez manger uian
de aucune, mais demeurez cinq ou six
moys que ne uiuez sinō de lait. Et aps
uoz peres & meres uous maschent uo
stre uiāde, & ainsi maschée la māgez.
Et si uoz peres ou uoz meres s'en fuy
ent pour quelque espouantement, uo
autres demourez au berceau que ne sa
uez ou pouez fuyr aps eux, ainsi que
font les pouletz des gelines & des p
drix. Et uoz femmes enfantēt en grād
douleur & travail, & leur faut des sa
ges femmes, & dautres pour couper
le nombril a uoz enfanz, & plusieurs
& souuentresfoys en meurent a l'enfan
tement. Et cela par la malediction que
Dieu leurs a donnée. D'auātage les fe
mmes de noz animaux apres qu'il
les sont pleines ne uoudroient appo
cher

cher du masle pour tout l'auoir du monde, sachant que ia est accompli ce pour quoy Dieu donna la coniunctiō du masle avec la femelle. Et uoz femmes frere Anselme ne font ainsi, ny ne leur plait en riens la condition de noz femelles. Ains tout au cōtraire: car aps q̃lles sōt enceintes, c'est à l'heure qu'el les requierent plus l'hōme que deuant. Que uous semble frere Anselme de la uraye amour que porte la tourterelle à son masle: que quand il est mort, elle fait tresgrand dueil, & ne repose ia mais sur arbre uert: ny ne boit eau claire, mais trouble, & si elle ne treuve de l'eau trouble, elle la trouble avec les piedz, & alors boit. Et puis demeure uefue tout le tēps de sa uie, sans qu'el le ueulle prendre mary. Et uoz femmes, frere Anselme, à peine est pourry leur mary en la fosse, mais se pourroit encore faire saue de leur foye, q̃ tout soudain

foudain cherchent autres mariz. Et
plusieurs foys (frere Anselme) feront
mourir leurs marys par medicines, &
poisons q̃lles leurs font manger pour
pouoir prendre à mary ceux dont el-
les sont amoureuses. Voyez quelle
difference il y a d'un amour à l'autre.

Que vous semble du sens & discre-
tion de l'Elephāt, qui en tous ses actes
& faitz il semble qu'il soit filz d'Adā
en toutes choses. c'est a sauoir qu'il en-
tende & cognoisse toutes choses, telle-
ment ques'il a Palefrenier ou ualet, &
luy donne à manger vient a mourir, il
s'en donne tant d'ennuy & de desplai-
sir, qu'il est deux ou troys iours qu'il
ne ueut māger ne boyre, mōstrāt signe
de tristesse pour l'absence dudit ualet.

Que uo^r semble aussi de mesme du
sens naturel de l'Aigle que apres, que
les petiz sōt nays elle les fait regarder
contre les rayes du Soleil, Et sy ilz le
re

regardēt, & uoyēt de poinct en poinct
il sayt qu'ilz sont siens, & si leur uoist
pleurer les yeux, il sayt qu'ilz sont
bastards, & les gette incontinent hors
du nid.

Que nous semble du sens de l'espre-
uier? lequel quād il ueult prēdre quel-
que oyseau pour son manger, s'il ne le
prend à deux uollées despuis il ne luy
ua plus apres, sachant qu'il ne plaist
pas à Dieu q̄ ledit oyseau meure. Da-
uantage pource que ledit espreuier est
podagrē il prend toutes les nuytz un
oyseau & le tient entre ses piedz pour
les tenir chauds, & apres le matin le
laisse aller sans luy faire nul mal, mais
si ledit oyseau est pris par luy quelque
grand faim qu'il ayt ne le uouldroit
auoir mǎgé. ains le laisse aller sans luy
faire aucun damage.

Que nous semble du sens du Cocur-
que quand il aduient que le pere est
fort

fort vieux; & que toutes les plumes
luy tōbent de uieillesse & ne peut uol-
ler. Alors les petiz luy font un beau
nid, ou ilz le font reposer & luy appor-
tent à manger tous les iours, iusques à
ce qu'il plaise à Dieu qu'il meure.

Que vous semble du chameau: qui
pour chose du monde ne ueut appro-
cher ny auoir affaire avec aucune fe-
melle qui ayt eu affaire avec son pere
& les cognoit au fleurer & si elle s'ap-
prochēt de luy à morsure, & à ruades
la fait fuyr loing de luy.

Que vous semble du sens du Castor:
qui quand il uoit les chasseurs qui le
ueulent prendre sachant que lesditz
chasseurs ne le ueulent prendre sinon
pour auoir ses genitoyses, q sont bons
à plusieurs medecines, s'il cognoist q
ne puisse eschapper sans estre prins
Alors luy mesme avec les dens s'arra-
che les genitoyses et les gette aux chas-
seurs

seurs les uoulant plus tost perdre que mourir, ou perdre la uie.

Que uous semble du sens du pynet lequel ne fait son nid sinon par les trous et pertuys des arbres, & quand il aduient q̄ lesditz trous ou pertuys sont ferméz par aucun filz dadam avec du fer, ou autre chose, il apporte incontinent une herbe laquelle à telle uertu q̄ toute fermeure laquelle est touchée de ladite herbe se ouure, & rompt incontinent, & touchant ladite herbe le trou de son nid estouppé & fermé se ouure incōtinēt, & pour ceste raison la dite herbe est appelée herbe de pinet.

Que uous semble du sens de l'Arōdelle, laquelle si les yeux estoient creuez à ses petiz, apporte incontinent une herbe de laq̄lle touchant les yeux de ses petiz, les ouurēt incōtinēt & recouurent la ueue, & est appelée ceste herbe Chelidonia.

Que

Que uous semble du sens de la mustel
le, laquelle quand elle ueut combattre
contre le serpent elle senueloppe pre
mierement toute de Rue & apres ua
manger de la racine de Pennical & ce
la fait, elle ua combattre contre le ser
pēt & uoyla comme elle fait que lesdi
tes herbes ont force & ualeur contre
le uenin du serpent.

Que uous semble du sens de cerf: que
quand il uoyt qu'il est blecé par quel
que chasseur de quelque sagette enue
nymée incontinent il sen ua manger
des fuelles de orboys sachant quelle
uaut contre uenin.

Que uous semble du sens des chiens,
& des chatz: lesquelz quād ilz uoyent
que par trop manger le uêtre leur fait
mal & leur cause douleur, incontinent
ilz sen uont manger plusieurs herbes
qui provoquent le uomir, & les fait ge
rer achans que la meilleure medicine

qui soit au mōdē pour guarir de la re-
pletion de lestomach est le uomir.

Que uo⁹ semble de la Cygoigner laq^l
le incontinent quelle se sent dure du
uētre sen ua à la mer, & prenāt de leau
de la mer avec le bec sen emply la bou-
che & la met par derriere en maniere
de clystere sachant que le clystere est
parfaite medicine à dureté de uentre.

Que uo⁹ semble du sens du Renard:
que quand il uoyt quil ne trouue que
māger, ny ne peut desrober les gelines
es cages ou poullaiiers cōme il est ac-
coustumé il se gette au milieu dū chāp
à terre & est cōme mort ne mouuāt ne
teste ny pied ne queue ny autre mem-
bre quelconq̄ de son corps, tellement
que qui le uoit alors, ne doute point
quil ne soit mort, & lors passans les
Corbeaux, ou Corneilles le uoyāt par
terre en telle maniere pensant qu'il soit
mort, descendent et se uiennent, & osent
sur

sur son uentre, lors mōsieur le renard q
les empoigne avec les dens, & en lieu
qu'ilz le uouloyent mēger, luy mesme
au contraire les mange, & en ceste ma
niere se saoule.

Que vous semble du sens de la per
dre, que quand elle uoit que les chas
seurs veuillent prendre ses petiz, elle
crye, & incontīnēt ses petiz s'en fuyēt
& elle fait semblant qu'elle ne peut uo
ler, & uole un peu, & puis chet en ter
re, & le chasseur la uoyāt cheoir court
après elle pour la prendre, & laisse
les petiz. & elle uole un peu d'auan
tage, & puis se laisse cheoir en terre, &
fait tant de foys ceste acte iusques à ce
qu'elle uoit que ses petiz soient fuyz,
& soiēt loīng de la. Alors elle uolle, &
s'ēua, & pour ceste raison elle deffend
ses petiz qu'ilz ne soient pris.

Que uo^s semble du sens de l'Areigne
que quand elle uoit q quelque mous

che est surprise en sa toyle, elle court in
continēt, & la premiere chose qu'elle
fait, elle luy lye les piedz, & les mains
avec du fil fort delyé, leq̃l elle tire de
son uentre, & apres qu'elle l'a bien lyé
alors elle la mange, sachant que si elle
ne la lyoit, elle s'en pourroit fouyr, en
uoulant, & ainsi elle seroit frustré de sa
proye.

Que uo^s semble du fens de la grue?
qui ueille la nuit, faisant bon guet de
pœur qu'elle ne soit prinse & craignāt
qu'elle ne soit surmōtée du sōmeil: elle
prend une pierre, & la tient en son pied
seneestre, & hausse ledit pied, & dort sur
le pied droit. Et fait cela pource que si
le sommeil la surmontoit, luy tombant
la pierre du pied elle s'esueilleroit par
la cheute de la pierre.

Que uous semble du fens du Coq?
lequel tresbien & ordōnéemēt chante
les heures de la nuit & du iour à chas-
cune

cune heure disant son oraison en tous
les quatre temps de l'an, sans qu'il ayt
mestier d'horologe, ne q'l soit besoing
que on l'esueille. Et quād il trouue q'l
que bonne uiāde, incōtinent il crye sa
compagnie de gelines, & ne ueut man
ger iusques a ce qu'elles mangent en
semble avec luy.

Que uo⁹ semble du sens du chat: q
quād il ueut faire son ordure fouille en
terre, & cōme fort bien & diligēment
cœuure sa fyante, a fin que le seigneur
de la maison ne sente sa puāteur, crai
gnant qu'il ne le gettast hors de la mai
son, sentāt la puanteur de sadite fyāte.

Que uo⁹ semble du sens du Ross
gnol, que quād il chante & rechāte ius
ques a ce qu'il uienne a fin de son inie
tiō, & quād il a accomply sa uolūtē ne
chāte plus: mais quād elle s'approche
de luy pour ouyr son chant, en lieu de
chanter il rōfle, sachāt qu'elle ne luy cō

sentiroit iusques aꝑs telle tourange.
Que uous semble du sens du chien
& de sa uraye & bõne amour. Lequel
pour un plaisir sœuffre cēt desplaisirs:
Car puis q̃ une foys il a mägé le pain
de quelcun, iamaïs ne l'oublie, ains luy
pourriez dõner cent coups de bastõs,
q̃l n'oubliera point le benefice receu.
Voyez dõc qu'elle difference il y a de
l'amour du chien à l'amour de l'homme
car au Chien si uous luy faites un plaisir,
uous luy pourriez faire cēt desplaisirs
apres qu'il les endure tous, ayant
esgard au plaisir receu, & l'homme fait
le contraire: car faites luy cēt bien grãs
plaisirs, & apres luy faites un petit des
plaisir, oubliât tous les grãs plaisirs re
ceuz, ueut prendre uengeance du petit
desplaisir à luy fait.

Que uous semble du sens du Crac
que quãd il aduient qu'il ueut manger
la nacre, ou se font les perles: estant la
nac.

cre ouuerte pource qu'elle ne uit fin
de leau de la mer, il uient doucemēt &
apporte une pierre, & s'approchāt de
la nacre il gette la pierre dedans icelle,
& lors il la mäge, sachāt que s'il ne fai
soit ainsi que la nacre se fermeroit incō
tinē, & n'auroit pouoir de luy faire au
cun mal. Vous semble il dōc (frere an
selme) que les actes dessusditz soyent
de sens & d'entendēmēt: certes ouy, &
si vous uoulez dire uerité, uous serez
de mō accord. C'est à sauoir q̄ lesditz
animaux ont sens & ame intellectiue,
aussi bien q̄ nous autres.
Et laisse de dire de plusieurs autres ani
maux, ainsi cōme aucū Scarabotz &
autres, lesquelz quand ilz uoyent que
les filz d'Adam les touchēt de crainte
qu'ilz ont de receuoir dōmage font sē
blant qu'ilz sont mortz, ployās piedz
& mains, que uous diriez qu'elles sōt
mortes, & aps quand ilz ne sentēt p̄

nully se leuēt, & s'en uôtà leurs affaires

Frere Anselme dit à l'Asne.

S Eigneur Asne, l'autre raison pour prouuer que nous sommes de plus grande noblesse & dignité que uos autres, est, par ce que nous sommes fort netz en noz festes, & habillemens, & portons avec nous plusieurs bonnes odeurs, plusieurs parfuns bien sentans & uous autres estes priuez et frustrez de toute netteté, et estes ordz, sales & puans, & regardez en uous mesme.

Premièrement, Vostre uentre, & uos cuysses sont pleines de fien pissat & ordure. Voz yeux pleurantz & chassieux, & la bouche baveuse, & pleine de baues. Dōc appert assez, que ce q̄ j'ay dit est ueritable.

L'asne respond.

F Rere Anselme, qui mal dit, ouyr le ueut. Je uous ay parlé iusques icy courtoisemēt: mais puis que uous m'a
uez

niez blasmé, ie uo^r rēdray la pareille &
si diray tousiours la uerité, Car le pro-
uerbe dit. Tel comte que te fait tō cō-
pere, tel le lay fais. Bō homme de dieu
deuant que plus parlez, tāt plus uous
errēz. & ce de quoy uous uous louez
est tourne à uſe deshōneur. Car ie uoy
que uoz yeux ſont plus chaffieux, &
plourans que ne ſont les miens: & mes
baues tōbent a terre, & les uoſtres uo^r
tumbēt ſus la barbe. Et tous les biens
& plaiſirs q̄ auez, & delices de bonnes
odeurs ne les auez ſinō par no^r autres
animaux. Et uous declareray le tout
diſtinctemēt. La Cyre de laquelle uo^r
vous allumez, uous la prenez de noz
Abeilles, ou mouſches a miel, & meſ-
me auſſi le miel avec lequel uous fai-
tes uoz confitures. La ſoye de quoy
vous uous ueſtez, uous la prenez de
noz couques qui la font, cōe uo^r ay re-
citē amplement cy deſſus. Le muſcuons
le

le prenez de nous autres animaux; & n'est sinō une supfluité de sang qui se congrege dedans aucunes apostumes desditz animaux, & quand le musc est parfait les apostumes enflent. & lors lesditz animaux s'en vont aux rochers aspres & dures, & tāt se frotter & gratent, que lesdites apostumes par le frottemēt qu'ilz font tōbēt en terre; & tōz vous autres filz d'Adam les prenez & les gardez pour faire voz bōnes senteurs. La Guette est fœur de noz animaux, q se fait entre les cuyffes & uo? la mettez sur voz barbes & en voz vestemens. L'ambre est fiente de noz animaux & vous uo? en parfumez pour oster la puāteur de vōstre sueur & ardire. Les Perles desquelles vous uo? aornez es festes, vous les prenez de noz animaux de la mer. C'est assauoir des Nacres. Cōme vous osez uo? dōc seulement louer de ce q par raison nous
131 au

autres si nous uoulions nous en pour-
riôs louer avec uerité. Et regardez frere
Anselme, quelle difference il y a de
uostre sang au nostre, de uostre sueur
à la nostre, & de uostre fiente à la nre.
Vostre sang si apres qu'il est sorty de
uostre corps est là un iour, il put tres-
fort, & fait grande corruption en l'air,
tellemēt q̄ plusieursfoys par telle cor-
ruption s'engēdre l'epydimiē, si le sang
est en grāde quātité, ainsi que peut ad-
uenir p̄ batailles. nostre sang est musc,
lequel uous autres mettez en uoz uiā-
des, breuuiages, & confitures, & le met-
tez en uoz habillemens pour couvrir
la mauuaise odeur de uostre puante
sueur. Laquelle est generalmente puā-
te, & sy ne l'ostiez il en uiendroīt plu-
sieurs foys à uous autres mesme abo-
mination. Nostre sueur est cyuette, la-
quelle uous mettes sur uoz barbēs.
De uostre fiente il n'en faut point par-
ler

ter: car uous mesme uo⁹ en estouppez
le nez, & uous en uient grād horreur
& abhomination de la nostre, cest am-
bre lequel uous autres māgez en plu-
sieurs medicines. Et le mettez en bou-
tous d'or & d'argent afin que uoz ue-
stemens ayent bonne odeur, Et ne dy-
pas seulement que entre noz animaux
sommes de plus grande noblesse & di-
gnité que uous: mais encore les arbres
herbes & plantes, & uous ueux le tout
declarer distinctement.

L'Asne dit à frere Anselme comme
les hōmes sont faiz au contraire des
arbres.

FRere Anselme les meilleurs & p⁹
sauans des filz d'Adam. C'est à sa-
uoir les philosophes dient que uo⁹ au-
tres estes arbres celestes, arbres renuer-
sez. Car ainsi cōe les arbres terrestres
ont & tiennēt leurs fouches & racines
en terre, uous tenez uostre souche, cest
à sa-

à fauoir la teste, & les racines qui sont
les cheueux, & la barbe, haut, uers le
ciel & les branches de mesme, qui sont
les bras, les cuysses, & les iambes, avec
les rameaux, c'est à fauoir les doigts des
piedz & des mains, & du milieu des
brâches fort uostre fruyt, c'est à fauoir
de la nature & de la fême. Voyez dōc
frere Anselme, quelle difference il ya
des arbres celestes qui sont les filz d'a
dam, aux arbres plantez & herbes ter
restres. Regardez uo^e autres qui estes
arbres celestes quād il aduiēt que par
la chaleur du soleil, ou du feu estes es
chaufez quelle sueur sort de uous, &
quelle odeur elle a. Et regardez les ro
ses, fleurs d'oranges, fleur de meurte,
quand elles sont eschauffées par la cha
leur du feu en l'alambic, quelle sueur
il sort d'elles, & quelle odeur elle a. da
uantage (frere Anselme) regardez q^l
le liqueur il sort de uous autres arbres
cele

celestes: & trouuerrez qu'il n'en soit
finō l'ordure de l'aureille & des yeux.
Et des arbres terrestres il en soit ces li
queurs. C'est à sauoir baufme, huille de
Oliue, huyle de noix, huyle d'amande,
Huille de myrtille, & plusieurs autres
liqueurs, lesq̃lles ont en elles plusieurs
& diuerses pprietez & uertus, qui ua
lent à plusieurs & diuerses maladies se
lō que les docteurs & auteurs en me
dicine escriuēt. Lesq̃lles si ie uous uou
loys particulieremēt declarer, ce seroit
chose fort longue. Daurantage (frere
Anselme) regardez uous autres arbres
celestes, quelles superfluitez uous get
tez de uous mesmes. Vo⁹ sauez desia
que uous ne gētez sinon morue, saly
ue, urine, ordure & fiente, & toutes tel
les supfluitez q̃ sortēt de uo⁹ sont puā
tes & tresabomiabiles odeurs, & à celā
ne pouez contredire. Les superfluitez
que gettēt les arbres terrestres sont no
bles

bles & precieufes gômes, ainfi q̃ ben
ioyn, Mastic, encens, myrrhe, huyle, re
fine, & plusieurs autres: defquelles uous
vous parfumez aux feftes & bâquetz,
pour ôter la puâteur de uostre fueur.

Et pour les grans uertus & proprietiez
que ont les fufdites superfluitez des ar
bres terrestres se uendent à grand pris
entre les filz d'Adam: Car le benioyn
vaut fouuentesfoys troys cēs liures le
quintal, & le mastic cent liures, & ainfi
ualēt les autres plus ou moins. Et quāt
aux superfluitez deffufdites (frere An
selme) ie uoudroys que uous me dis
fies quelles uertus, & quelles proprie
tez elles ont, & à quoy elles font bon
nes, à quel pris elles se uendent, & qu'il
s'en fait.

Des fructz que produysent les ar
bres terrestres.

DAvantage frere Anselme, cognoi
strez les fructz que les arbres ter
rest,

restres, p'duyfent de leurs corps & de
font de gentes couleurs, bônes odeurs
& souveraines saveurs. Et bien souuent
les filz d'Adâ les portēt en leurs mains
les odorans & fleurans pour leur deli-
cēs. Et les mettent en leurs coffres en-
tre leurs uestementz, afin qu'ilz ayent
bonne odeur, ainsi cōme sont oranges,
Lymons, Cytrons, Poyres, Pommes,
& autres semblables. Et vous autres
frere anielme, qui estes arbres celestes,
quel fruyt p'duysez uo^r de uoz corps.
Dites moy: pour quoy vous taisez uo^r
ie croy que vous taisez pour la honte
qu'avez de nommer le fruyt que pro-
duysez. Il ne uous faut ia auoir honte.
Car tout hōme fait assez que le fruyt
q'vous p'duysez, & est q'engendré en
uostre corps: sont les uers, & ia uoyez
que quand vous les pressez quel jus
en sort si q'n bon & sang. Les fruytz
des arbres terrestres quand ils sont pr-

p

sez

sez, regardez quel ius il en sort. Le ius
des raisins pressez: est noble. & sem-
blablement de l'Oliue, Oranges, & ly-
mōs, q̄ mesmes sont fructz des arbres
terrestres: ainsi cōme poiure, & autres
espices, & si ie uouloys parler cōpetē-
mēt de cela ce seroit lōgue chose. dauā
tage (frere Anselme) regardez les ar-
bres terrestres, q̄ non seulement estant
uifz ont uertu & propriētez: mais en-
cores apres q̄lz sōt mortz & secz, ont
nobles propriētez & uertus, ainsi que
uoyez tous les iours par claire expe-
rience, comme est l'arbre de Aloes,
que apres qu'il est mort & sec: lon uēd
le quintal souuētesfoys huit frans. ain-
si mesme l'arbre de sandal, l'arbre de la
Cannelle, & plusieurs autres arbres,
desq̄lz ie me rays pour faire court mō
parler. Et uous autres, qui (ainsi cōme
dites) estes arbres celestes, aps q̄ uous
estes mortz, quel profit peut on faire

de vostre corps: ne à quoy est il bon: à
quoy vaut il: certes à riens: mais quand
il est uif est mal oïstru & puant, & quand
il est mort, est encore pire. Et s'il n'e-
stoit mis & caché soubz terre, il feroit
tant de corruption en l'air qu'il gâster-
oit le monde.

L'asne dit le proffit qui s'ensuyt des
arbres terrestres.

Vous pourrez à ceste heure dire,
frere Anselme, que ie n'ay nōmé,
si non les plus nobles arbres qui sont
par tout le monde, & que ie n'ay pas
nommé les arbres de basse condition.
Par quoy ie uous respond & dy, qu'il
ne peut auoir au monde arbre de tant
uile cōdition, comme celuy qui ne fait
fleur, fruct, ne umbrage, leq̃l n'est bon
qu'à faire du feu, sachez que du feu q̃l
fait il s'en ensuyt beaucoup de proffit,
& utilité, ainsi comme ôter la corru-
ptio

ption de l'air, el chauffer ceux qui ont
grand froyt, cuyre les viâdes, faire clai
te en l'obscurité, & donner vie au mo
de: car sans feu nul ne porroit uivre, &
le feu mesme ne pourroit uivre au mo
de si n'estoient les ditz arbres.

L'asne declare comme entre les filz
d'Adam n'y a nulle difference
de l'un à l'autre.

MAis (frere Anselme) parlez aussi
uous mesmes des plus nobles ar
bres celestes qui soiēt au monde. ainsi
come est le pape, les Roys, les Empe
reurs & autres princes & seigneurs,
à si en eux quelque uertu, ou propriē
té plus qu'aux simples arbres celestes
c'est à sauoir les filz d'Adam de simple
& basse condition. Et uous uerrez clai
rement que tous sont en un mesme de
gré quat aux choses dessusdites, ny en
leur vie, ne apres leur mort, des plus no
bles aux plus vilains, n'y a aucune dif

ference. Dōc (frere Anselme) par qelle
declaration uous peut estre certain &
manifeste q̄ noz animaux sont de plus
grande noblesse & dignité q̄ uous n'es-
tes. Et portant si uous auez autre rai-
son pour prouuer le contraire, n'y a lo
& ie uous feray la responce deue & tāt
claire que serez content.

Frere Anselme dit à l'asne.

Seigneur asne l'autre raison par la q̄l
le c'est chose digne & iuste que nōs
soyons uoz seigneurs, & uous noz ser-
uiteurs, est: que nous auons plusieurs
sciēces, en especial auons la sciēce d'a-
strologie, par laquelle nous sauōs plu-
sieurs choses à aduenir: & cela est un
degré de dignité diuine. Cōe soit cho-
se certaine a tout homme, que nul ne
sait l'aduenir sinō Dieu seul: mais nous
par ladite sciēce pouuōs sauoir, & de-
fait sauons plusieurs choses à aduenir:
mais non toutes: car les sauent tous: si
n'ap

n'appartient finō a un seul Dieu, & en
uous autres n'a riens de tout cela : Car
uons ne sauez sinon le present : & cela
vient pour autāt que uous estes bestes
irraisonnables, c'est a sauoir sans enten
dement.

L'asne respond à frere Anselme.

FRere Anselme uostre outrecuydā
ce vous fait grādemēt faillir : Pour
un peu de science d'Astrologie, que
Dieu uous a donnée, uous auez prins
tant d'arrogance & d'orgueil, que nul
ne peut uiure avec uous : & comparāt
ce que uous sauez de ladicte science a
ce qu'en sauē noz animaux, cest uraye
mocquerie & toutesfoys pour cela
ne se dōnent uaine gloire. ainsi q' uous
q' parla pphētie qu' auez faite (pour
ce que tout ce que uous auez mis en
ladite pphētie, ou la plus part est ad

venu au mode) auez prins si grand fier
ré, que nul ne uous peut parler; Je uoy
dy en uerité, que non seulement noz
animaux uous surmontent en ladicte
science: mais encore moy qui suis un
des plus malostrus qui soit au monde,
me entēds myeux en ladicte sciēce que
uons ne faites. Et uous dy que quand
uostre prophetie me uint n'a pas long
temps entre mains, ie pensay d'en faire
une autre de ce q doit aduenir es par
ties d'Arragon, Cathelogne, Thoscha
ne, Lombardie, Castille, et autres pro
uinces. Et uoyant en uostre prophetie
comme le scisme deuolt passer, & de
uoit estre uray pape un de la Colōne,
en ce passage au commencement de la
prophetie ou uous dites Abandonnée
uituperée: sera l'espée: qui blanche rose
estoit nommée. Et puis priuée de sa cou
ronne fera prouence, par sa puissance
mettre au logis, Je uolu sauoir le fait
de

de ce pape & de cest empereur, & des
troys de l'empire, & de turquie, et cou
stume & Royaume de Lōbardie, & ce
qui aduiendroit d'eux. L'asne parle:

Incontinent, frere Anselme ie regar
day la disposition du ciel, & des pla
nettes, & se ilz le gouvernerēt, & de fait
donnāt iugemēt selō la disposition du
ciel, ie fey une pphetie en Ryme, laq̃l
le ie say toute p cœur, mais pour ne dō
ner ennuy au treshaut & puissant prin
ce le Roy nre sire qui est icy pnt m'en
ueux taire; car aussi ne l'ētēdroit il pas
sans glose. Incontinent q̃ l'asne eut dit
ces polles uoycy le Roy leq̃l tout ioy
eux dit. Le Roy dit à l'asne.

BEau Respōdāt il no⁹ plaist d'ouyr
vre prophetie afin q̃ frere Anselme
uoyāt vre subtilité dētendēmēt abais
se un peu la baudiere de sa gloire, & ainsi
au nō de Dieu pesez de la pno⁹cer uail
lāmēt à no⁹ & à noz uenerables & ho

norables barōs. Ap̄s q̄ l'asne eut oūy
ces parolles incōtinēt avec grād aūda
ce parlāt fort hautemēt cōmēce à dire
la pphetie p̄ luy faite en telle maniere.

Icy cōmence la pphetie du reuerē
dissime messire l'asne.

A V nom de l'essence
Vraye intelligence,
S'ensuit ma science
Vn peu obscure.

I

Ce que l'escriure
En sentence obscure
Estoit soubz figure
Se reuele.

II

La syluestre beste
Hors du lieu foreste
Fera grand tempeste
Au consistoire.

III

La uertu diuine
Soubz noire courtine
Donnera ruyne
A la gent Francoyse.

IIII

Lors sera soubmise

La gent defranchise
Par Royale guyse
D'angleterre.

V

Mil quatre cens nonante
Regnera l'infante
La terre doulente
Sera troublée.

VI

Par la subiugance
Laisant l'amytance
Tournera sa lance
L'isle du fen.

VII

La gent bien unye
Nuit & iour garnie
Vaincra la partie
De Catheloigne.

VIII

Lors la gent Lombarde
Avec gent pillarde

Sonnera bombarde
Au grand uicair.

I X

En Aries signe
Planette maligne
Fera Roy indigne
De sa seigneurie.

Le ciel fait offerte
Qu'en fauce couuerte
Sera lors deserte
La cite noire.

X I

A la cruelle heure
Craignant qu'il ne meure
Plus n'aura demeure
En la seigneurie.

X I I

Soubz un faux uoyage
Donne au message
Sera fait dommage
Au petit Visconte.

X I I I

Le ciel lors commande
Que grand sang s'espace
De chascune bande
Mourra grand peuple.

X I I I I

Après la bataille
L'empereur s'apaise
Sera lors sans faille

Vn nouveau scisme.

X V

L'estoille couronne
Semblable a coulonne
Verra la personne
Haut en Pair.

X V I

En rayes variables
Fort espouventables
Maux incomparables
Viendront en terre.

X V I I

Feu courra par Pair
Sans guerres durer
Lors faut demorer
Soubz les esglises.

X V I I I

Mousches de leurs terres
Sortant feront guerre
Si mon sauoir n'erre
En la Bourgoigne.

X I X

Verrez par merueilles
Batailler estoilles
Lors pluyes cruelles
Viendront en terre.

X X

Le filz contre pere
Fille contre mere
La soeur contre frere
Fera l'empoignage.

f 8

XXI

La haute puissance
A fait prouidence
Que la pestilence
Visite la terre.

xxij.

Puis le bon baptiste
Soubz guise sophiste
Fera grand conquête
En la Turquie.

xxij.

En ladite terre
Si mon saoir n'erre
Durera la guerre
Quatorze moys.

xxiij.

La hayne antique
A la paix s'applique
Et fermant la lygue
Feront l'armée.

xxv.

Venant la nouuelle
De gente pucelle
La uieille rebelle
Sera deffaite.

xxvj.

Le ciel desia pleure
Celle cruelle heure
Car plus ne demeure
La grand tempeste.

xxvij.

La traistré chymere
Après mort le frere
Maugré de sa mere
Sera mariée.

xxviii.

Et passée la fesse
Pour faulx requeste
Sera grand tempeste
Au royaume.

xxix.

Saturne qui crye
Qu'elle soit bannye
Et sera marrie
Vingt six moys.

xxx.

Lors la uieille myne
Se monstrant benignes
Fausse uenenine
Sera au conte.

xxxi.

Auant le printemps
Si bien ie l'entens
Feront eaux courans
Prou de dommage.

xxxij.

Le ciel nous denote
Qu'en la terre nostre
Soit nouuelle flotte
De longue guerre.

xxxij.

Soubz simple dorme,

Sortant de closture
En poure uesture
Celuy grand Conte

xxxiii.

Le grand Connestable
Luy estant feneable
Du lieu miserable
Le tira

xxxv.

L'espouse laïcée
Sera bien norcée
Quand son assemblée
Sera unye.

xxxvi.

La prophetie mande
Qu'en chef ayt garlande
De chascun bande
Sera aymée.

xxxvii.

Verrez la forteresse
Tourner en foiblesse
Et pour sa rudesse
Sera punie.

xxxviii.

Lors a tout banniere
Le Duc de Baujere
Aux gens du saint Pere
Fera domage.

xxxix.

Emplant vuidobource
La Royalle source

Dedans sarragosse
Prendra couronne.

xl.

Le ciel la tent nue
Saturne transmue
La fait estre nue
De seigneurie.

xli.

Après la journée
Voyant desrochée
Sera bien cachée
Vingt troys moys.

xlii.

Lors en la uerdure
Gent barbare & dure
Fera son ordure
Emmy le iardin.

xliii.

Porte uey ouuerte
Terre uey deserte
Moynes sans offerte
Chantans messe.

xliii.

Le prince de Galles
Volera sans ailes
En rompant murailles
A la gent Françoisse.

xlv.

Non comme coursaire
Ne propriétaire
Mais comme uicaire

Du grand Euesque.

xlvj.

**Cil de Pampelonne
Comme le ciel donne
Haucera sa troigne
Contre la France.**

xlvij.

**Si la Cathaloigne
Alors ne s'esloigne
Faut que le Roy donne
Pleine leur bourse.**

xlvij.

**Sonnant la campane
La gent Cathalane
Armez en la plaine
Feront la monstre.**

xlix.

**Verrez la pucelle
Paindre force belle
Pour bonne nouuelle
Dangleterre.**

i.

**Le ciel nous enseigne
Que gent de sardayne
Faut que fort estraigne
Gent Cathalane.**

ii.

**Qui perdu auront
Se reuolteront.
Les testes offeront.
A deux granz maistres.**

xvi.

**Les lieux d'habytage
Par guerre saulage
Viendront en potage
A celle heures.**

liij.

**Et la blanche Rose
Aux bras de lespous
Fera guerre et douse
A la uermelle.**

liij.

**Et Genes la gaye
Frappée de grand playe
Sera faite d'aye
Par toute terre.**

liij.

**Deffouez confiance
Luques pranz plaisance
Faisant la vengeance
La fleur du lys.**

liij.

**Et laygle mesquyne
Deuenant gelyne
D'ombre leonine
Sera oppresse.**

liij.

**Ses subingude
Sera la mespistide
Et aura d'urde
Douze sepmaine.**

lviij.

Puis estant sortye
De plusieurs suyuis
Tiendra la partie
Du grand empire.

lix.

La fleur de florence
Maistre de prudence
Par des sens offence
Aura celle heure.

lx.

Le bras de collonne
De eglise couronne
Haüfiera sa troigne
Le grant empire.

lxj.

Le ciel nous commande
Qu'il fera demande
Dauoir la garlande
De Lombardie.

lxij.

Venise la iuste
Pour requeste iniuste
Fera guerre iuste
Contre l'empire.

lxij.

Le ciel par sentence
Dit que auront offence
Veronne & Vincence
Par ceulx d'hongrie.

lxiii.

Verrez sans fallie
Selon prophetie
Aller lombardie
A feu & flamme.

lxv.

La vesue toscane
A seigneurs prophane
Par foy cristiane
Sera espousée.

lxvj.

Et le grant Vicaire
Pour emplir laumoire
Sera fort contraire
Aux comunz.

lxvij.

Lors feront grant lygue
Par facon de brygue
A cil qui falligue
De la grant chappe.

lxviij.

Dieu par sa puissance
Peut tollir l'offence
Renoquer sentence
Des planestes.

lxix.

Afin qu'on n'oublie
Ceste prophetie
Qui point ne varie
Par escript soit mise.

Fin de la prophetie.

De la feste que firent les animaux
pour la prophetie faite par leur ora-
teur en lan Mil quatre cens dix huit

A Pres q̄ la pphetie fut finée fut fait
un grand bruit & Rumeur de la
ioye & soulas q̄ dōnerent tous les ani-
maux disans. D'ycy en auāt est uaincu
frere anselme: car ceste pphetie est pl^u
uraye & plus subtile que n'est la siene
& apres quilz se furēt appaisez l'asne
se tournant uers moy dit les parolles
suyuantes.

L'asne pale à frere Aufelme,

F Rere Anselme que uous semble de
ma prophetie. Et moy comme ce-
luy qui uoyant que ladite prophetie
estoit tresbien faite & bien ordonnée
luy dy ainsi.

Frere Anselme dit à l'asne.

Seig

Signeur asne en uostre pphetie n'a
que redire et est fors subtillemēt po
sē, & ordōnée parlāt fort obscuremēt
ainsi cōme est la coustume des Astro
logues car ilz ne ueulent que les iuge
mēs des planetes Jesquelz ilz posent
& ordonnent à grand travail dērende
ment soient entendus par les lecteurs
sans aucune fascherie : car la chose qui
par travail est acquise est commune
ment par les gēs biē uoulūē, & aymēz
uous priāt treshūblement que i'en ayē
une declaratiō. Car en uerite i'amaiz ie
n'eusse pense que en uous eust eu tant
de science & d'entendēmēt : mais dieu
tout puissant dōne sa grace a qui il luy
plaist.

L'asne dit a frere Anselme.

TResuolentiers (frere Anselme).
uous donneray la declaration par
uous demandee, & cela apres la dispu

ration finée. Et pōurtant si uous auez
autre raisō par laquelle puissiez prou-
uer uostre faulse op̄inion, ayez la main
tenant: & la respōse uous en fera faire.

Frere Anselme dit.

Signeur Asne l'autre raison, pōus
sprouuer mō op̄iniō estre uraye: cest
affauoir quētre noz filz d'Adā sōmes
de plus grāde noblesse & dignité que
vous autres si est q̄ Dieu tout puissant
a voulu prēdre chair humaine, mestāt
sa haute diuinité avec nostre humanité
se faisant hōme, et n'a pas prise uostre
chair ne uostre semblāce mais en long
temps s'est fait nostre frere & s'est fait
filz d'Adam, ainsi cōme no^r autres de
la part de la mere, tellemēt que nostre
chair est aujourdhuy colloquée la haut
au ciel impial, & de ce disoit saint Iehā
au premier chapitre de son euāgile. La
parole a esté faite chair, & a habité en
tre no^r, Et sur cela disoit saint Augu-
stin

Ain : La parolle du seigneur est le filz
du pere, c'est a sauoir Iesus christ q est
le filz du pere eternellement & filz de
la mere tēporellement. Et ceste nostre
dignité surmonte toute autre dignité.
& hōneur par quoy c'est sainte et iuste
Raison que nō^s soyōs uoz seigneurs,
& uō^s noz uassaux et subietz. Et pour
ce disoit ce grād prophete le Roy Da
uid. Tu as seigneur subuergé toutes
choſes ſoubz ſes piedz, c'est a sauoir
de hōme, ouailles & beufz & les be
ſtes des chāps, c'est a sauoir toutes au
tres beſtes & animaux, les oyſeaux du
ciel, & les poiſſōs de la mer, diſant da
uantage ledit Royal prophete en son
viij. pſeume. Seigneur tu l'as cōſtitué
un peu moindre que les anges, tu l'as
courōné de gloire & d'hōneur, & l'as
cōſtitué ſus les ceutres de tes mains.
Par quoy appert euidentmēt & clai
rēment que par toutes ces raisons nous

hommes de plus grande noblesse & dignité que uous autres, & que de droit & iuste equité nous sommerez uoz seigneurs, & uous autres animaux noz vassaux, esclaués & subietz.

L'asne respond a frere Anselme.

LE proverbe dit (frere Anselme) q̃ du mal que l'homme a peur de celuy mesme se meurt, & ainsi m'en prent il: Car io uous iure en uerité q̃ toutes les foyz que uo^r me disiez, q̃ vous auez autre raison pour prouuer uostre opinion estre uraye ie me mouroye quasi de crainte que ne disiez ceste raison q̃ a present auez dites, & assignée: Car ie la fauoyz bien sans plusieurs autres lesquelles say bien aussi bien autentiques, & aussi bien au propos que nulles de celles que uous auez dites: mais il ne uous en fouuiert tant il y a de tēps que n'auiez ueu ne leu en aucōs liures de sainte escripture: ainsi cōme est ceste
autor

autorité qui est mise au premier chapitre de Genese qui dit, que Dieu tout puissant dit à Adam & Eue. Croissez & multipliez & remplissez la terre, & la subiuguez & seigneuriez, & seigneuriez sur les poissons de la mer & les oyseaux du ciel, et sur toutes les choses qui ont ame, & qui se remuēt sur la terre, & plusieurs autres lesq̃lles de peur de faire ma parole trop lōgue ie laisse de prononcer Parquoy maistre tresreuerend ne pouuant ne uoulant resister ny contester cōtre la uerité ie vous accorde que les filz d'Adā sont de plus grād noblesse & dignité, que nous autres animaux, et que dieu tout puissant nous à créez pour uostre seruice, & en cela à fait le bon seigneur grand honneur à vous autres, & à nous n'a fait tort ne outrage. Car toutes les œuvres sont droites, Iustice & uerité. Apres que l'asne eut dites ces parolles uōycy

Le Roy des animaux qui dit les parols
les suiuanes.

Le Roy des animaux parle à frere
Anselme luy dōnāt gaigné la q̄stion.

F Rere Anselme auāt que nous eus-
sions uostre congnoissance & oyās
parler de uostre sauoir & subtilité de
rendement nous en croyons une par-
tie & l'autre nō: mais au present uoyō
clairemēt que tout ce q̄ se disoit & dis-
uulgoit par le monde de uostre sciēce
& subtil engin est uerité, Par quoy par
raison & uraye iustice uo^r auez uain-
cu & gaigne la question, & nous &
tous les uenerables barons de nostre
court accordons uostre opinion estre
uraye. C'est asauoir que entre uo^r filz
d'Adam estes de plus grande noblesse
& dignité que nous autres animaux
& estes de droitnoz seigneurs, & no^r
autres uoz uassaux, & cela est pure ue-
rité que le soleil mal se peut couvrir

avec le crible. Vous priant & suppli-
ant de toutn nstre pouuoir qu'il uous
plaife p̄scher, dire, & admonester aux
filz d'Adā que les poures de noz ani-
maux leurs soient recōmandez: car ilz
en aurōt merite de celuy qui uit & re-
gne par tous les siecles. Et cela dit il se
partit dudit Iardin avec tous les ani-
maux, & moy cheuauchant avec grād
plaistr & cōsolation, pour la question
que i'auoye gaignee m'ẽ retournay en
ma maison, graces à Dieu. Amen.

Icy fine la disputation de frere Anselme avec les
animaux auquelz frere Anselme monstre par viues
raisons que les filz de nostre pere Adam sont de plus
grande dignite & noblesse que ne sont les animaux.
Et fut acheuée la disputation dessusdite par ledit fre-
re Anselme Turmeda en la cite de Thuniz le. xv.
iour de Septembre lan mil quatre cens dixhuyt.

R E G I S T R E.

A a b c d e f g h i k l m n
o p q r, Tous sont quaternes, Ex-
ceptez A a, qui sont ternes, & q, qui
est duerne.



u
m
m
ite
ro
qf
na
bo
h
na
ua
ret
a
ut
lo
c
i
ta
la
j
a
m
b
m

17 18 19 20 21 22 23 24 25 26

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100 101 102 103 104 105 106 107 108 109 110 111 112 113 114 115 116 117 118 119 120 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200 201 202 203 204 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288 289 290 291 292 293 294 295 296 297 298 299 300 301 302 303 304 305 306 307 308 309 310 311 312 313 314 315 316 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400 401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484 485 486 487 488 489 490 491 492 493 494 495 496 497 498 499 500 501 502 503 504 505 506 507 508 509 510 511 512 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596 597 598 599 600 601 602 603 604 605 606 607 608 609 610 611 612 613 614 615 616 617 618 619 620 621 622 623 624 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900 901 902 903 904 905 906 907 908 909 910 911 912 913 914 915 916 917 918 919 920 921 922 923 924 925 926 927 928 929 930 931 932 933 934 935 936 937 938 939 940 941 942 943 944 945 946 947 948 949 950 951 952 953 954 955 956 957 958 959 960 961 962 963 964 965 966 967 968 969 970 971 972 973 974 975 976 977 978 979 980 981 982 983 984 985 986 987 988 989 990 991 992 993 994 995 996 997 998 999 1000



